



5, S. 3.

5. 3. 340





DE IRIDE  
ET  
AURORA BOREALI  
CARMINA.



CAROLI NOCETI  
E SOCIETATE JESU  
DE IRIDE  
ET  
AURORA BOREALI  
CARMINA

ILLUSTRISSIMO, AC REVERENDISSIMO  
PRÆSULI  
BERNARDINO  
GIRAUDIO  
D I C A T A

CUM NOTIS  
JOSEPHI ROGERII BOSCOVICH  
EX EADEM SOCIETATE.



ROMÆ MDCCXLVII.  
EX TYPOGRAPHIA PALLADIS

---

EXCUDERANT NICOLAUS ET MARCUS PALEARINI.  
SUPERIORUM FACULTATE.

1811



ILLUSTRISSIMO , ET REVERENDISSIMO  
P R Æ S U L I  
BERNARDINO GIRAUDIO  
SIGNATURÆ JUSTITIÆ XIIVIRO

CAROLUS NOCETI E SOC. JESU.



X omnibus philosophiæ  
partibus , BERNARDINE  
GIRAUDI Præful amplissime , eam esse mul-  
to jucundissimam , quæ naturalium even-  
torum causas perscrutatur , omnium gen-  
tium consensus , & ratio ipsa declarat . Ad  
consensum enim quod pertinet , ut tot an-  
a 3 tiquos

tiquos omittam , quorum præcipue in investigandis rerum principiis laboravit industria , duo jam sæcula videmus , cum Italiæ nostræ , tum exterarum nationum sapientissimos homines cæteris abjectis hoc ferme unum in genus suum omne studium, cogitationesque conferre . Quod profecto non facerent , nisi suavissimum voluptatis fructum inde caperent ; quum quod jucundum non est , præsertim si magnis cum laboribus conjunctum sit , neque universe , neque constanter præstari soleat . Ad rationem vero quod attinet ; ferimur , ut magnus ille theologorum Princeps testatum nobis reliquit , ferimur , inquam , incredibili quodam naturæ impetu , effectus quum intuemur , ad effectrices causas assequendas . Quamobrem quum illuc pervenimus , quo nostra desideria tam vehementer intendunt , jucundissime quiescamus necesse est . Atque hoc , BERNARDINE præclarissime , jampridem sine disputatione mea fuisse tibi cognitum , ac persuasum non levibus

vibus argumentis edocti sumus . Etenim quum ad celeberrimum illud Ptolemæum Collegium , quod unice nobilissimis adolescentibus patet , ad optimas artes addiscendas una cum tuis fratribus te contulisses : difficile dictu est , hanc philosophandi rationem quam avide arripueris , quantumque in ea diligentiam nullis oblectamentis abstractus , nulla difficultate deteritus collocaris . Itaque tantos brevi progressus fecisti ; ut vix anno in hujusmodi facultate consumpto plurimas de ea quaestiones summa omnium , qui ad te audiendum convenerant , admiratione sustineres ; nec jam , ut qui tum eas didicerit , sed ut qui longo tempore docendo pertractaverit , explicares . Nec vero ulli dubium erat , quin ad illud , quod hoc in genere perfectum est , perventurus esses ; nisi te tuæ vitæ rationes ad alia studia capeßenda necessario traduxissent . Honorum enim curriculum ingressus quum ad Romanam aulam accessisses , jurisprudentiæ tibi , cæterarumque rerum ,

rum , quæ , ad rempublicam recte admini-  
strandam pertinent , cognitio fuscipienda  
fuit . Quo tamen difpari in ftudio pari cum  
laude verfatus luculenter id oftendifti , te  
ingenio ita abundare , ut quocunque ani-  
mum applicueris , poffis excellere . Quæ  
quidem a me non magnificentius dici , quam  
verius , locupletiffimos testes , omnes ni-  
mirum hujus Urbis caufidicos , afferre pof-  
fem . Quorum natio quamquam paulo mo-  
rofior eft , nec nifi quod eft egregium pro-  
bare admodum folet , nemo tamen nego-  
tiorum illorum caufâ , quæ ad pontificiæ  
ditionis regimen pertinent , quorumque  
tractationi tu quoque præfectus eras , ad te  
adijt ; nemo te judicem in controverfiis ad-  
hibuit , cui diligentia , doctrina , huma-  
nitate cumulate non fatisfeceris ; quemque  
in tuarum laudum prædicationem per om-  
nium deinde ora propagatam non pertraxe-  
ris . Sed his omiffis aliud habeo longe illu-  
ftrius commemorandum : graviffimum vi-  
delicet BENEDICTI XIV. Pontificis  
om-

omnium doctissimi ac sapientissimi de tuo præstanti ingenio singularique virtute testimonium. Is enim te superioribus proxime diebus inter Signaturæ Justitiæ, quam vocant, XII. viros adlegit; quo factò, si momentis suis omnia perpendantur, nihil ad tui commendationem honorificentius reperiri poterit. Primum enim id muneris tibi ab adolescentia vix dum egresso delatum est, quod antea non nisi viris forensi usu exercitatissimis deferri vidimus. Deinde delatum ab eo, qui propter summam sapientiam, & doctrinarum omnium cognitionem in æstimando de hominibus acutissimus est. Postremo ita delatum, ut nulla usus prensatione, ad honorem accersitus adieris, sola ingenii, scientiæque præstantia commendatus; quæ tibi cum ejus, qui te ultro ornavit, iudicium; tum omnium, qui te ornatum noverunt, gratulationem, approbationemque facile impetravit. Quare, ut principia se dant, illud omnes fore augurantur, ut maiores gradatim honores, sum-

summasque præfecturas adipiscaris ; & lætitiā , quantā possunt , percipiunt maximā , in qua ego concedo nemini , futuræ tuæ dignitatis . Quamquam vero in iis studiis , quæ Justitiæ administratio , tuique muneris exercitatio requirit , totus , ut decet , occupatus es ; non eius tamen amorem philosophiæ penitus dimisisti , quæ retrusa in tenebris atque abdita naturæ arcana elicere in lucem , & evocare conatur . De ea enim disserentes summa cum voluptate audis ; eam , quatenus in te est , tueris , & foves ; quod equidem , ut de cæteris taceam , experimento meo ego satis compertum habeo . Siquidem præclara quædam doctissimorum philosophorum inventa quum versibus conclusissem ; non modo tu præsentia tua cohonestare me voluisti ea publicè in eruditissimo Arcadum coetu recitantem , verum etiam iam tum benevolentia complecti , ornare officiis instituisti ; tuaque auctoritate , ac liberalitate effecisti , ut ea typis mandare animum inducerem ;  
quum

quum cæteroquin tenuitatis meæ probe  
consciis occultari potius, quæ scripseram,  
quam vulgari oportere judicarem. Qua-  
mobrem nulla jam mihi deliberandi facul-  
tas relicta est, in cuius potissimum nomine  
hæc emitterem. Quum enim propter offi-  
cia in me tua, imo potius beneficia totus in  
ære tuo sim, non ingrati modo animi vi-  
tium, sed iniustitiæ culpam non effuge-  
rem, nisi amplitudini tuæ inscripta hæc,  
& dicata apparere vellem. Tametsi, ut ve-  
rùm fatear, libentissime etiam id facio,  
quod observantiæ in te meæ tacite horten-  
ti, ut nequam tui colendi occasionem præ-  
termittam, morem gerere vehementer gau-  
deō. Simulque ad existimationem meam  
pertinere sentio, patefieri apud omnes be-  
nevolentiam erga me tuam; quam si mihi  
perpetuo conservabis, ego me non medio-  
crem studiorum meorum fructum consecu-  
tum esse putabo. Vale.

FRÄN-

# FRANCISCUS RETZ

PRÆPOSITUS GENERALIS SOCIET. JESU.

CUM Poemata duo, quorum titulus de IRIDE, & de AURORA BOREALI a P. Carolo Noceti Societatis nostræ Sacerdote conscripta cum notis, aliquot ejusdem Societatis Theologi recognoverint, & in lucem edi posse probaverint, facultatem facimus, ut typis mandentur, si iis ad quos pertinet ita videbitur. In quorum fidem has literas manu nostra subscriptas, & sigillo nostro munitas dedimus Romæ 6. Maij 1747.

FRANCISCUS RETZ.

## APPROBATIONES.

REverendissimi P. Magistri S. Palatii jussu legi Clarissimi Viri P. Caroli Noceti Soc. Jesu Presbyteri Poemata duo; alterum de IRIDE; & de AURORA BOREALI alterum; utrumque a doctissimo Viro P. Josepho Rogerio Boscovich ejusdem Societatis Presbytero Notis illustratum. Magna in iis sententiarum & orationis ubertas, quam arida & spinosa materies videatur prima fronte ferre non posse; miraque in obscurissimis reconditisque rebus exponendis lux, atque facilitas. Omnia enim ex abditissimis Philosophiæ & Geometriæ penetralibus deprompta nonnisi jejune dici posse credideris: quarum tamen rerum acerrimam duritiem, tristissimamque severitatem politissimo ingenio Virum mirare elegantia, suavitate, lepore, omnibus denique luminibus, & venuellatibus perfudisse. Præterea nihil non latine dictum: apta numerorum, & varia compositio: ubique Virgiliani carminis character expressus. Notæ vero magnum Virum, & sagacitate incredibili præditum satis declarant; quas qui legerit, nihil fere quod ad Iridem, & Auroram Borealem pertinet, desiderabit. Itaque librum hunc dignissimum censeo, qui typis in lucem edatur, cum nihil quidquam a Catholica Fide, bonisque moribus alienum contineat, ac potius ejusmodi sit, quo jure possimus præsentis sæculi literis gratulari. Dat. X. Kal. Sextiles MDCCCLVII.

Michael Angelus Giacomellus SS. D. N. BENEDICTI XIV. intimus Cappell.

JUBENTE Rmo S. Palatii Apostolici Magistro libentissimè legi carmina duo unum de IRIDE, & de AURORA BOREALI alterum a P. Carolo Noceti composita, atque annotationibus illustrata a P. Josepho Rogerio Boscovich. Non solum in hoc opere nihil deprehendi rectæ fidei bonisve moribus adversum, sed abstrusas Geometriæ ac Physiæ partes non minori elegantia, quam diligentia veribus traditis summo opere admiratus sum. Universo operi ea laus mihi videtur tribuenda, ut doctissimus Auctor tanto Interprete dignus plane censeri debeat. Datum Romæ die 17. Maji 1747.

Fr. Jacquier.

---

IMPRIMATUR,  
Si videbitur Rmo Patri Mag. Sac. Pal. Apost.  
F.M. de Rub. Arch. Tarf. Viceg.

---

IMPRIMATUR,  
Fr. Nicolaus Ridolfi Sacri Palatii Apost. Mag. Ord. Prædicatorum.

IRIS





## I R I S



Ærias quis pingat aquas, quæ dextera in arcum  
Flectat, & adverso cur non nisi sole coloret;  
Quæ demum ignotas certa experientia causas  
Iridis, occultosque diu patefecerit ortus,

Hinc canere, & Musis supremam impendere curam

5

Experiar: Pindi quando felicibus hortis

Forſitan ' æternum pulſus per devia luſtra

Plena metu nemorum, & ſilveſtribus aſpera dumis

Ferre gradum jubeor, Sophiæque recludere ſedes,

Et pedibus fortasſe viam ſignare cruentis.

10

Tu mihi ſupremum precor ò concede laborem,

Atque ortus cauſasque tuæ da pandere Natæ,

Phœbe pater; nubes ' ſi te ſœcunda marito

Concipit; & poſt Divûm iras, inimicaque Cœli

Murmura; poſt multo pulſatas fulmine terras,

15

Paciferam tandem trepidis mortalibus Irin

Edit, & attonitas ſolvit formidine gentes.

Principio haud alios ſtatuendum eſſe Parentes

Virginis aëriæ, quàm quos tacito æthere lapſæ

Accipiunt radios guttæ, acceptosque remittunt.

20

Novi ' equidem terræ qui ſub penetralibus imis

Olli quæſivere ortum, nitroque volucris,

Sulphureoque Irin genitam dixere vapore.

A

ſcilicet

- Scilicet in terras cum ruptis nubibus omne  
 Præcipitat coelum, & campos quatit horridus imber; 25  
 Ille sinum telluris, & intima viscera labens  
 Permeat, oppletisque excludit sulphura venis.  
 Sulphura, sydereas quæ deindeeducta sub auras,  
 Cum venti Coelum incipiunt aperire sereni,  
 Solis inardescunt radiis, variosque tuenti 30  
 Obiiciunt, magis hinc, minus inde accensa colores.  
 Novi etiam <sup>4</sup> ingentem qui dum mirantur in arcum  
 Flexam Irim; cupiuntque suas producere causas,  
 Concava curvatam retulere ad nubila formam.  
 Quique <sup>5</sup> quod haud pleno nobis effulgeat orbe 35  
 Accidere inde putant; quod ab alto Phœbus olympo  
 Irradians, imam non tangit lumine nubem.  
 Vel quia nimbus aquæ dissecti fornicis instar  
 Incumbit terræ, & summâ testudine sulgens  
 Non nisi dimidium reddit sub imagine Solem. 40  
 Non tamen ista tibi quisquam persuadeat auctor,  
 Dimoveatque loco; quamquam illum sancta vetustas,  
 Plurimaque inventis commendet gloria causis,  
 Uranieque alto præsens spectarit olympo.  
 Aspice athestinæ <sup>6</sup> qua sese ad culmina villæ 45  
 Paulatim molli nemora assurgentia clivo  
 Attollunt; tubulisque Anio conclusus in arcibus  
 Insidiis promptâ pluvialibus accubat undâ.  
 Nonne vides, cæcis ubi forte canalibus imber  
 Ingruit alta petens, & vafri fraude coloni 50  
 Decipit incautos subitarum aspergine aquarum:  
 Nonne vides, inquam, ut Coelo & tellure quietâ  
 Protinus, adversum si Sol agit aureus axem,  
 Emicet, & roseum Thaumantias exerat arcum,  
 Flumineasque vocet formæ in certamina Nymphas? 55  
 Sæpe illam Nais vicini è margine fontis

Obstupuit

- Obstupuit tacitâ invidiâ , fulgentiaque ora ,  
 Tam variisque caput cinctum mirata corollis  
 Erubuit , victamque suo se gurgite merfit .
- Præterea ? & latices buccâ si forte tumenti 60  
 Clauseris , ad superas & mox proflaveris auras  
 Obversus terga ad Solem : Phœbum ilicet humor  
 Discretus variis dum fertur in aëra guttis  
 Ebibet , & natam mirabere protinus Irim .  
 Vidi ego , qui agrestis parvo sub fornice tecti 65  
 Apricæ tergum conversus ad ora fenestræ  
 Hoc faceret , tenues nec dedignata Penates  
 Conjugis illa Jovis custos , illa inclyta Divæ  
 Nuncia fumosis successit sedibus hospes .
- Quæ cum ita sese habeant ; alios nempe Iridis ortus 70  
 Sulphureis procul & fumis , atque igne remoto  
 Quærere opus , causasque alias tibi nosse necesse est ,  
 Obvia phœbæo cur proferat ora nitore :  
 Et tandem radiis genitam fateare remissis .
- Nunc age tam varios ab eodem Sole colores 75  
 Cur trahat , & plenum cur nunquam præferat orbem ,  
 Expediam , & primâ causas ab origine prodam .  
 Nec me animi fallit , verbis ea vincere durum  
 Quam sit , & æonio contingere cuncta lepore .  
 Sive quod in cæcis pulcherrima quæque tenebris 80  
 Condere amat Natura , & prodi dura repugnat :  
 Sive quod antiquis nunquam tentata Latinis  
 Nomine multa carent : seu quod Parnassidos undæ  
 Desertorem oculis Phœbus me spectat iniquis .
- Sed quoniam ò nostræ Moderator summe ? palestræ 85  
 Me tua iussa premunt , Pindique per avia raptant ,  
 Exiguam nec habet parendi gloria laudem :  
 Intactas pergam ire vias , dumetaque densis ,  
 Tute modo adfuers , superabo obstantia truncis .

- 4  
 Lucida<sup>9</sup> cumprimis concessos linea calles 90  
 Dum meat, & secum defert lucemque, color emque,  
 Illa viæ spatium si qua sorte inter eundum  
 Rarius immutat denso; tum pergere cessat  
 Rectum iter, adque alios deflectitur avia cursus.  
 Nec cum ita contingit decepto lumine cernes 95  
 Quo res quæque loco; sed quo regio illa viarum  
 Duceret, extremam quam lucida linea currit,  
 Pertinet ad nostros recto cum tramite visus.  
 Atque ideo quoniam falso æquore disfluit ær  
 Rarior, atque ipso fluit aëre rarior æther; 100  
 Remus in æquoreis diffractus cernitur undis,  
 Syderaque apparent, quanquam nondum æquore, nondum  
 Opposito nobis caput erexere cubili.  
 Præterea<sup>10</sup> hæc studio tibi non leviore notanda,  
 Magnus & usus erit, libeat sive Iridis ortus, 105  
 Cunctarum externas rerum seu noscere formas.  
 Scilicet ut primo lux reddita fulsit Eo,  
 Continuo quotquot veniunt a Sole sagittæ  
 Staminibus constant septem, quorum ordine certo  
 Quodque suum texta defert sub luce colorem. 110  
 Igne rubens vivo, tyrioque superbus in ostro  
 Prima tenet: tum deinde subit, qui divitis auri  
 Lumina sulva refert: flavo quem lucidus ore  
 Consequitur; quales pueris, Batavisque puellis  
 Ludere promissi fuerunt per terga capilli. 115  
 Post hos qui viridi pingit splendore smaragdus  
 Et nemora, & læto campos convestit amictu,  
 Infert se medium; quo non jucundior ullus  
 Advenit, aut oculis præsentior accidit agris.  
 Tum faciem duo persimiles, quique æmulus undis 120  
 Cæruleis, & cui felix dedit India nomen.  
 Bina quidem species, sed quæ tamen una tuenti  
 Credi-

Creditur interdum, tam dulci errore moratur  
 Spectatorum oculos, radiisque simillima fallit.  
 Septimus, eoi quales fulgent Amethysti, 125  
 Aut qualis violæ lucet nunc purpura nigræ.  
 Nam Viola alba quidem, atque hilari nitidissima vultu  
 Quondam Nympha fuit; miseri sed amore Hyacinthi  
 Ipsa etiam formam pallentis ducere floris  
 Optavit; laudemque novo mutata colori 130  
 Addidit, atque suo nomen de nomine fecit.

Hæc autem si fila suos peragentia cursus  
 In spatium obliquo sese abdant densius ictu,  
 Cuncta quidem nec lege unâ, nec flexibus iisdem  
 Franguntur: sed enim in primis quæ ignita rubescunt, 135  
 Tramitibus cœptis minus omnibus una recedunt.  
 Tum gradibus certis quæ stamina pone sequuntur,  
 Flectuntur magis atque magis, diversaque cursum  
 Direxere aliò, & sociis abiere relictis.  
 Quod si oculos tali jam dissociata refractu, 140  
 Atque suum per iter non rursus immixta, penetrent;  
 Tum vero certas pingunt per lumina formas,  
 Distinctumque ferunt, quo sunt imbuta, colorem.

Non tamen hæc rutilis non hæc data foedera filis  
 Magnorum sine mente Deum, sine numine credas. 145  
 Ipse Pater primâ nascentis origine Mundi  
 Versicoloratam percurrens pectine telam  
 Staminibus lucem variis ita texuit auctor,  
 Quodlibet " ut certâ natum esset lege refringi,  
 Scilicet atque oculos certâ percellere formâ. 150  
 Unde simul potuere seorsum inflectere cursum,  
 Et discreta aliis telâ variante retexi;  
 Continuo & leges, & flexum servat eundem  
 Quoque suum, innatumque negat mutare colorem.  
 Non secus ac placidæ collum adsimulata columbæ 155  
 Vestis

Vestis ubi fulget teneris induta puellis ;  
 Illa quidem ambiguâ rutilans sub imagine fallit  
 Multicolor , varianſque ; at ſi fila arcâa retexas ,  
 Lumina conſtanti ſtringit tibi quodque colore .

Quo tamen indicio , Muſæ , quibus artibus uſus 160  
 Naturæ hanc partem , atque hæc mira reperta docebo ?

Eſt ternam <sup>12</sup> in faciem , quarum læviſſima quæque ,  
 Porrectum mediam vitrum non amplius ulnam ,  
 Nomine quod Graii dixerunt Priſma vocantes ,  
 Aptum opus , & tales fabricatum munus ad uſus . 165

Hoc ubi ad apricæ Solem appoſuere ſenestræ ,  
 Atque ibi multiplici lux eſt diſcreta refractu ;  
 Tectum introgreſſæ diverſo tramite partes  
 Hæc violas , hæc ſecum undas , herbam illa virentem ,  
 Iſta crocum , tulit illa roſas ; propriiſque reſulget 170  
 Pariete in adverſo variata coloribus Iris .

Tunc verò haud dubiis , quod diximus , accipe ſignis .  
 Priſmate namque alio rumpes ſi forte virori  
 Coeptum iter , & partes vitrum verſabis in omnes ;  
 Protinus hæc ſtabili pars invariata colore 175

Pervolitat loca cuncta domûs ; & jam angulus , & jam  
 Supremum tractu ridet viridante lacunar .  
 Quæ cum ita ſint , dubiâ nihil eſt cur mente feraris ,  
 Quin certos flexus , certos quin ferre refractus ,  
 Et ſoret hæc unum pars reddere nata virorem . 180

Atque ea quæ in viridi contingere cernimus herbâ ,  
 Quamlibet ad lucis partem diſcretaque fila  
 Transfer , & ad cunctos prudens extende colores .

Hoc autem <sup>13</sup> poſito fundamine , percipe porrò ,  
 Cur quæ plexa ſimul radii ſimulacra recondunt , 185  
 Ordine ab aëriis videas eſſulgere guttis .

Harum tu faciem <sup>14</sup> , Solis quæ obvertitur axi ,  
 Inprimis tibi pinget animo , medioque reſectam

In

- In partes distingue duas, quarum altera centrum  
 Iridis interior spectet, pars altera centro 190  
 Exterior, superas Coeli se avertat ad auras.  
 Tum mecum reliquos paulum seponere colores,  
 Staminaque igniti tantum perpende ruboris.  
 Hic guttæ externam dum permeat undique partem,  
 Frangitur, immutatque vias; mox incidit intus 195  
 Tergus in oppositum, flexûsque repulsus ad æquos  
 Retrorsum internas sparsim decurrit ad oras.  
 Pluribus atque locis Coelo inde regressus aperto  
 Rursus obliquat iter, vacuumque per aëra vectus  
 Corripit innumeros diverso tramite cursus. 200  
 At quamquam " ætheriâ rediens ille exeat undâ  
 Mille viis, & rubra oculis tu fila receptes,  
 Quo se cunque ferant, non te tamen omnia forti  
 Protinus afficient sensu; solûmque videbis  
 Partibus aërias certis ignescere guttas. 205
- Quare autem, Aonides, filis non omnibus unum  
 Robur? & eventus ratio quænam abdita tanti?  
 Dicite: durum opus est dicto, sed fama perennis.  
 Principio " quæcumque solent grandescere sensim,  
 Mox rursus imminui, & retro decrescere cundo; 210  
 Illa quidem nobis supremi in finibus auctus  
 Plurima sese æquant; namque id, quo limite in illo  
 Inter se excedunt, seque haud æqualia vincunt,  
 Non cadit in sensum, & tenui discrimine fallit.  
 Aspice surgentem summi ad fastigia Cancris, 215  
 Tum depressa hyemis repetentem sydera solem.  
 Longa suum crevere ubi tempora lucis ad augmen,  
 Quam multos illic paribus miraberis horis  
 Ire dies? sessum credas consistere Phoebum,  
 Longaque maturæ spondens tibi tempora messis 220  
 Non jam ultra ignavæ metuas mala frigora brumæ.

His

His animadversis, jactas a lampade Solis  
 In guttæ faciem rubras tibi finge sagittas.  
 Quæ in medio <sup>17</sup> teretem velut axis trajicit undam,  
 Nusquam immutat iter; retro & si pulsa recedit, 225  
 Antiquos relegit suâ per vestigia gressus.  
 At deinde <sup>18</sup> externam subeunt quæ spicula frontem,  
 Et vacuas redeunt internâ è parte per auras,  
 Hæc tibi diversos, diverso ut calle feruntur,  
 Cum jaculo Solis componunt reddita flexûs. 230  
 Non tamen hæc solum, quo te perducere avemus,  
 Observata ferent; nisi te divina Mathesis  
 Præterea hæc doceat, memorique in mente recondat.  
 Scilicet in guttas <sup>19</sup> quæ spicula rubra penetrant  
 A medio ad certos versus capita extima fines, 235  
 Illa quidem flexus, tibi quos memoravimus ante,  
 Latius expansis paulatim cruribus augent.  
 At caput ad summum quæ deinde a finibus illis  
 Guttam intrant, flexus hæc protinus ordine verso  
 Imminuunt rursus, jaculoque a Sole profecto 240  
 Jam magis atque magis compresso crure propinquant.  
 Tum vero optatam victor jam jam arripe metam.  
 Namque ubi <sup>20</sup> supremo grandescit maximus auctu  
 Angulus, a rebus veluti paulo ante locatis  
 Conficere in promptu est, hoc demum in limite flexûs 245  
 Æquantur plures; atque uno tramite plures,  
 Quod sequitur, coeunt radii; qui robore juncto  
 Plus possunt, radiosque ideo dixere *valentes*.  
 Horum igitur tantum telis inflicta coactis  
 Vulnere percipies, hos experiere videndo 250  
 Fulgere, & innati speciem tibi ferre ruboris.  
 Atque ea, <sup>21</sup> de roseis quæ sunt tibi tradita filis,  
 Ad reliquos poteris tute ipse aptare colores.  
 At quoniam, ut docui, flexu non frangitur uno

Quisque



- Quisque color ; cunctis idcirco haud angulus idem 255  
 Maximus est : guttâque licet digressus eâdem  
 Quisque secat radiis diversas fortibus auras .  
 Proinde tibi ignitos mittit quæ gutta pyropos ,  
 Extra oculos aliò crocei jaculatur acanthi  
 Spicula ; quæ crocei tibi spicula mittit acanthi, 260  
 Ignitos aliò jaculatur gutta pyropos .  
 Et siquidem cunctis hæc fœdera ; tempore eodem  
 Ordine septenos ad lumina nostra colores  
 Nonnisi distinctæ poterunt immittere guttæ .  
 Forſitan at quantum simulacra *valentia* flexum 265  
 Quæque petant , & mira hominum observata requiras .  
 Quilibet " in primis sive amplum circulus orbem  
 Ducat in immensum , gyro seu se attrahat arcto  
 Interior , spatiis segmenta in quattuor æquis  
 Finditur ; at gradibus decies segmenta novenis 270  
 Cæduntur , magnosque ita cæsa aptantur ad usus .  
 Parte rotæ in mediâ , centroque immobilis axis  
 Concilium radii celebrant ; locat angulus omnis  
 Hic caput in zonam protentus crura rotundam .  
 Quotque gradus , partesque orbis crus inter utrumque 275  
 Ceperit , ex illis mensuram & nomina ducit .  
 His positis , " siquidem in pluvios Sol aureus imbres  
 Lucida tela jactit , pluviâ quæ reddita ab ipsâ  
 Percellunt nostros rutilanti vulnere visus :  
 Finge parallelam venienti a Sole sagittæ 280  
 Ex oculo filum ire viam , atque , ut forte necesse est ,  
 Immergite solo , aut summas conradere terras .  
 Protinûs ex ipso radiisque a nube remissis  
 Angulus exorietur , & ipso in lumine acutum  
 Desiget caput , atque aliquem , quem tute licebit 285  
 Conſingas tibi mente , secabit cruribus orbem .  
 Ergo quaterdenos suram quando inter utramque

- Clauferit iste gradus , violæ tum forma videri ,  
 Indicus & color , & vitreis color æmulus undis  
 Incipient ; tum deinde oculis gratissima imago 290  
 Accidet , & viridi pingetur gutta smaragdo .  
 Tum reliqui surgent flexu crescente colores  
 Flavusque , croceusque , & pulchri flamma pyropi .  
 Nec prius absistent , dum binis angulus alter  
 Exuperet primum gradibus , quorum inter utrumque 295  
 Omnia stant simulacra , atque omnis cogitur Iris .  
 Hos igitur flexus radii petiere *valentes*  
 Ordine quisque suum : atque ipsos divina Mathesis  
 Absque Iri , <sup>24</sup> & tantùm radiorum more notato  
 Detexit , serosque dedit didicisse nepotes . 300  
 Adde quod & certis Diva Experientia signis  
 Castaliæ Diva hostis aquæ , & commenta perosa  
 Consonat , & mirâ dictis ratione cohæret .  
 Namque age , <sup>25</sup> Phœbeo cum terga obverteris igni ,  
 Vitrea gutta tibi clausis pellucida lymphis 305  
 Fornice sive domûs , aliter sive aëre ab alto  
 Pendeat : hanc trochleâ filum volvente reductum  
 Sustentet , sensimque altas attollat ad auras .  
 Tum verò manifesta fides : nam proxima terræ ,  
 Cum nondum ad certas pervenerit aëris oras , 310  
 Cæca manet , nullâque oculos tibi luce lacessit .  
 Ast ea vix radiis memoratâ lege remissis  
 Epotum evomuit jubar , & mora nulla , colorum  
 Instruitur , visusque ferit , quod diximus , agmen .  
 Quod cum ibi perspicias , nihil est quin protinus ipsum 315  
 Imbris in aëriis statuas contingere guttis .  
 Et tamen hic cum sit verissimus Iridis ortus ,  
 Non nisi longa <sup>26</sup> illum nobis post tempore multo  
 Annorum series , & plurima protulit ætas .  
 Ipse Pater primæ permulta incognita genti 320  
 Abdidit ,

Abdidit, atque aliis post invenienda reliquit.  
 Scilicet <sup>17</sup> ut pulchri correpta cupidine Veri  
 Altius & vitiis venientia secla, jocisque  
 Exerent caput, & studiorum exercita curis  
 Damnofo nunquam torperent fracta veterno. 225  
 Sic patuit sero, qua vi, <sup>18</sup> qua lege ferantur  
 Sydera; stelliferum sic lens chrySTALLINA <sup>19</sup> Coelum  
 Admovitque hominum ingenio, inferiusque locavit.  
 Sic etiam <sup>16</sup> ignotum proscindere puppibus æquor  
 Inventum, claramque astris majoribus Arcton 330  
 Inspectare aliam, & priscis illudere Nautis.  
 Sic studiis demum aucta novis sapientia crevit.  
 Jamque aliquis <sup>11</sup> nisum extundit, quo se æthere ab alto  
 Erumpat lux, & spatium quo tempore tantum  
 Permeet; adversos donec ferit aurea montes. 335  
 Hic modulus <sup>12</sup> labentis aquæ; Gravium ille <sup>13</sup> citatis  
 Præscribit numerum descensibus; atque pavorem <sup>14</sup>  
 Expellit Vacui, momentisque aëra librat.  
 Atque novas <sup>15</sup> alius redivivis fontibus urnas  
 Jam reteggit, rapidisque alius <sup>16</sup> primordia ventis. 340  
 Scilicet & tempus veniet <sup>17</sup>, vincentibus olim  
 Curâ hominum fatisque Deum, cum fama parentum  
 Cedet pulsa loco, & nostra hæc memorabitur ætas,  
 Donec & ipsa aliis iterum obscurabitur annis.  
 Quare agite, o Juvenes; magnarum semina rerum 345  
 In vobis fortasse latent; hæc pectore toto  
 Excolite, & solidas jamdudum extundite fruges,  
 Ac magnos superate senes. Nam quis timor unquam  
 Impediat, vel qua coëat formidine sanguis,  
 Ut quod avis licuit, desperent posse Nepotes? 350  
 Nunquid ut effoetæ torpent ad gramina terræ  
 Partubus amittit vires Natura ferendis,  
 Nascimur aut homines aliud genus? Addit easdem

- Particulas nobis divinæ Mentis, & ignes  
 Ætherios, Patribus quondam quos larga vetustis, 355  
 Nec si olim mater, nunc est Natura noverca.  
 Hactenus<sup>1</sup> unde Iris; dissecti proutinùs orbis  
 Forma tibi in promptu, & supereſt quodcunque, pateſcet.  
 Quippe coloratis feriant cum lumina telis  
 Non niſi quæ certo redduntur ſpicula flexu, 360  
 Continuo hæc ſolis conſtabunt ſœdera guttis,  
 E quibus inſeſtens componitur arcus, & idem  
 Non niſi diſſecto ſervabitur angulus orbe.  
 Finge etenim radium guttâ cœleſte repulſum  
 Atque parallelam jaculo Titanis habenam, 365  
 Dum coëunt oculo in medio, atque ibi certus ab ipſis  
 Angulus exoritur, rigido dureſcere ferro.  
 Sedibus hæc autem mox ſe convolvat in iſdem  
 Fixa loco; at radius dextrâ lævâque feratur  
 Infragilis, guttamque ferens, atque aëra findens. 370  
 Nonne vides, flexum ſi cum illâ ſervet eundem  
 Nec ſegnīs magis incumbat, nec ſe efferat altè  
 Varicus, ut zonam deſcribat gutta rotundam  
 Quo ſe cunque ferat? Terræ at ſola dura vetabunt,  
 Ne coëant capita, & plenīs ne cornibus unquam 375  
 Pulcher in integrum ducatur circulus orbem.  
 Idcirco expletum non ſe Iris colligit audax  
 In gyrum, ſed Sole gerit ſe Nata minorem,  
 Auricomum referens, at non toto ore, Parentem.  
 Nec verò<sup>2</sup> ſolas reputes effulgere guttas, 380  
 Quas hic forte vides: liquido ex umbone repellunt  
 Lucida tela omnes dictâ jam lege; ſed illa  
 Diſpereunt agris paſſim, pulchroſque colores  
 Heu! fruſtra in cæcos deperdunt irrita campos.  
 Quod ſi oculis ſubeas, ſimulacraque jacta receptes, 385  
 Sive pedem referens, greſſum ſeu longius urgens  
 Uſque

- Usque novam cunctis mirabere partibus Irim.  
 Hæc tu olim sapiens præcepta secutus, & istis  
 Doctus ab indiciis, ah ne crudelia dicas  
 Sydera, crudelesque Deos; si forte sequentem, 390  
 Tendentemque manûs, atque oscula grata parantem  
 Illa fugit, tutosque urget pudibunda receptus.  
 At neque tolle animos, nec captam stultus amore  
 Irim crede tuo, si quando blanda sequatur  
 Cedentem, atque ultro fugienti passibus instet. 395  
 Scilicet hæc idèd eveniunt, quod in aëre toto  
 Guttæ omnes radios jaculantur, & uda per arva,  
 Quoquoeversum adeas, certâ sub lege subibis  
 Reddita nunc aliis, aliis nunc spicula guttis.  
 Quamquam etiam fama est miseri pro funere Xanthi, 400  
 Si vates meruere fidem, neque somnia narrant,  
 Has Veneri sævas Thaumantida pendere poenas.  
 Namque ferunt famâ, Xanthum, qua se alta coruscis  
 Explicat Ida jugis, & sylvas densat opacas,  
 Dilectum Veneri Xanthum, Paradisque sodalem 405  
 Formosam variis vidisse coloribus Irim:  
 Vidisse, & totis flammam admisisse medullis.  
 Illa, sed immitem dominæ Junonis ob iram  
 Cultorem Veneris refugit, sacrumque pudorem,  
 Nominaque ingrata prætexit vana repulsæ. 410  
 Quid non ille, feros ut posset flectere sensus,  
 Extudit infelix, quæ non tentata reliquit?  
 O quoties rupes, depressoque questibus arva  
 Impulit, & blandâ fugientem voce secutus  
 Aspera flebilibus percussit faxa querelis! 415  
 O quoties Nympham Divûm dignatus honore  
 Proceras summis sacrauit montibus ornos,  
 Cervorumque sacris fixit capita ardua truncis!  
 Quid tamen heu miserum lachrymæ, quid verba precantis,  
 Quid

Quid data dona juvant? fugit ilicet aspera Virgo, 420  
 Et miserum curâ tabescere cogit inani.  
 Ergo illum perhibent post tot data munera frustra,  
 Post tot in immiti consumptos Iride fletus,  
 Unum illud tandem rebus quod restat in arctis,  
 Decrevisse mori; letho finire dolorem 425  
 Si queat, atque animum sævæ exaturare puellæ.  
 Forte igitur Phrygios de more averſa per agros  
 Dum cupidum fugit, & retro sublapsa recedit,  
 Venerat ad flumen; casu quo protinus Heros  
 Attollens animos; non hic mihi namque per amnem 430  
 Effugies formosa, inquit; lato objice fluctus  
 Scilicet, & nostrum miserabitur unda dolorem.  
 Et simul hæc dicens, collo dare brachia circum  
 Apparat, atque avidus Nymphæ, fluvioque propinquat.  
 Ecce sed oppositam, vix hic vestigia movit, 435  
 Illa abit in ripam, prensantemque aëra frustra,  
 Et Juvenem dementem animi, attonitumque relinquit.  
 Vulnere quo victus, tantisque doloribus impar  
 Jam tandem medium sese moriturus in alveum  
 Præcipitem dedit, & fluvio nova nomina fecit. 440  
 Quod Venus ut sensit, sævo inflammata dolore,  
 At tu, inquit, sacri cultos simulata pudoris  
 Junonis blandita odio, dominæque superbæ  
 Turpis adulatrix, meritis dabis improba poenas.  
 Nec licet optatis unquam jungere hymenæis, 445  
 Mutua nunquam æquæ cognosces gaudia flammæ,  
 Spernentisque sequens, & tu averſata sequentes.  
 Virgo eris; at nullum de Virginitate coactâ  
 Aut referes decus, aut paries tibi perfida nomen.  
 Sic ait, & Stygiæ juravit stagna paludis, 450  
 Et Nati telo satum crudele notavit.  
 Illa igitur nullo felix in amore quiescens

Aut

Aut fugit, aut fugitur; fermèque ad fluminis undas  
 Affidet æternùm lacrymans, ceu flumine in omni  
 Heu! nimiùm serò contemptum ploret amantem. 455  
 Nunc locus, 4<sup>o</sup> exterior quo pacto effulgeat arcus  
 Interdum, quem vulgo Irim dixere secundam.  
 At siquidem hunc etiam radii genuere remissi,  
 Multaque conveniunt; rursùm ne ad dicta revolvar,  
 Pauca tibi tantùm superaddam carmina, tantùmque 460  
 Inter utramque Irim quæ sint discrimina ponam.  
 Iride in hâc primum, quæ jacta a Sole refulgent  
 Spicula, parte illâ, centro quæ obvertitur arcus,  
 Undam intrant teretem, geminosque ibi passa reculsus  
 Tergore in opposito, vacuas revomuntur in auras. 465  
 Tum jaculum Solis nostros adeuntia visus  
 Phœbum inter guttamque secant: radiique *valentes*  
 Hic quoque diversos poscunt ex ordine flexus.  
 Quinque etenim decies, quo se ardens purpura cogit,  
 Continet ille gradus; atque his si quattuor addas, 470  
 Angulus exurget, violæ quo flamina nigræ  
 Plura simul coeunt, cunctorumque ultima fulgent.  
 Et quoniam contra quàm contigit Iride primâ,  
 Post roseum *validi* redeunt qui deinde colores,  
 Hic magis atque magis flexus petiere patentes; 475  
 Zona rosæ prior est, atque altè desinit arcus  
 In violam, primæque invertitur Iridis ordo.  
 Huc animum tamen advertas, mirandaque lucis  
 Fœdera, & arcanos radiorum percipe mores.  
 Iride nam primâ Tyrii seu fila ruboris, 480  
 Seu quæcumque velis, tibi ceu monstravimus ante,  
 Angulus extremos ubi maximus attigit auctus,  
 Densabant sese, & coeuntia tela ferebant.  
 Hic ubi se minimus compressis cruribus arctat,  
 Conveniunt (dictu mirum) feriuntque tuentes 485  
 Acriùs

Acriùs , & saturum apportant congesta colorem .  
 Detectoque prius causam tibi fonte petendum .  
 Quippe etiam Minimi circum confinia , plures  
 Æquantur flexus ; veluti cum tempora Cancer  
 Contraxit fomni , & minimas jam reddidit umbras , 490  
 Permultæ æquales fuerunt tunc currere noctes .

Denique dicendum , primâ cur luce remissâ  
 Hic minus ardentis videas fulgere colores .  
 Floribus ut cernis formam languere resectis  
 Seu mollis calthæ , seu palliduli narcissi ; 495  
 Quos neque rivus alit , neque nubibus educat imber ,  
 Succisis nec jam tellus alimenta ministrat .  
 Scilicet aëriæ quoties in tergora guttæ  
 Se radii impingunt intus ; non protinus omnes  
 Inde viam relegunt ; sed enim pars disperit extra 500  
 Adversas ingressâ auras ; pars reddita retrò  
 Tendit ; quoque ferunt plures simulachra recusûs ,  
 Hoc magis attritis tibi lumina viribus urgent .  
 Hic igitur geminos intra imbrem passâ repulsûs  
 Plus tenuant vires , & damnis languida multis 505  
 Huc redeunt , ictuque oculos levioe laceffunt .

Perque gradus istos tandem Thaumantias altis  
 Assiduoque hominum studio , atque indagine multâ  
 Extulit os sacrum tenebris , penitûsque videndam  
 Se dedit , atque omni nobis jam parte refulsit . 510  
 Salve pulchra comis , salve nitidissima vultu  
 Aërias inter famâ celeberrima Nymphas ,  
 Attonitis omen felix Mortalibus , Iri .  
 Non ego falforum tibi tradita munera Divûm  
 Nec commenta morer : Te rerum vera Potestas 515  
 Cœlicolûm Genitor summo ditavit honore ,  
 Æternumque dedit tibi ferre in sæcula nomen .  
 Te siquidem incestæ pertæsus crimina terræ ,

Cum



Cum ruit immensum Cœlo sine nubibus imbrem ,  
 Conseruitque acrem nimbis toto æthere pugnam §20  
 Fervidus , & pelago obduxit juga summa sonante ;  
 Paciferum jussit deferre per aëra foedus ,  
 Perpetuumque sui te fulgere pignus amoris .  
 Salve iterum , & nostri miserata incommoda sæcli ,  
 Præliaque , & prædas , tot apertaue limina morti , §25  
 Exere sancta caput ; bellumque in barbara vertens  
 Imperia , huc roseam refer o per sæcula Pacem .

F I N I S.





## NOTÆ IN IRIDEM



OC carmen in solenni studiorum instauratione ab Auctore ipso recitatum in Collegio Romano jam ab anno 1729, cum Philosophiæ tradendæ munus auspicaretur, haud ita multo post Veneriis prodiit in collectione opusculorum Albritiana. Is quidem temporis ad graviores disciplinas traductus de Musis repetendis desperaverat. Nihilo tamen minus post aliquot annos ad hæc amœniora regressus, & hoc ipsum carmen perpolivit, atque auxit, multis adjectis, potissimum, quæ pertinent ad anguli cujusdam maximi determinationem, ac ad Iridem, quam secundariam appellant, & alterum de Aurora Boreali conscripserat, quod hic pariter exhibemus.

(2) Iridem enim gignunt aquæ guttæ decedentes e nube in pluviam soluta, & illustrata radiis solis, ut mox videbimus.

(3) Redarguit hic eorum sententiam, qui Iridis originem desumunt ab exhalationibus sulphureis excitatis vi imbrum, se intra terræ viscera intinuantium, & plurimorum aliorum generum exhalationibus, quæ a Solaribus radiis illustrentur, ac tam varios colores exhibeant. Hanc sententiam ut admodum probabilem paucis annis ante, quam hæc Noster scriberet, typis vulgaverat & commendaverat plurimum hic in ipso Collegio Romano Doctor recentior illud affirmans, fieri posse, ut ingens diversarum exhalationum copia, quarum qualibet cum colore retineat, quem habebat id corpus unde effluxit, excitata per procellam, & ita agitata, ac cum vaporibus commixta, ut nullus color discerni possit, cessante jactatione illa, se in ordinem componat, & similibus quibusque inter se conjunctis, ac in longiorem gyrum dispositis, elucescat.

Fortasse etiam Plinius ab exhalationibus inflammatis colores Iridis repetendos censuit, cum Historiæ Naturalis l. 2. cap. 59. sic habeat. *Manifestum est, radium Solis immixtum cave nubi, repulsa acie in Solem refringi, colorumque varietatem mixtura nubium, aeris, igniumque fieri.* Nam ignium nomine multo probabilius videtur nobis intellexisse Plinium ignes a radiis solaribus excitatos, exhalationibus nimirum inflammatis, quam radios ipsos, quos ignium nomine hic intelligit Harduinus.

Porro plures alias Veterum sententias. refert Seneca Naturalium Quaestionum l. 1. ut illam etiam Recentioribus plurimis ante veram detectam originem satis communem, quæ colores repetit ex diversâ lucis, ac umbræ commixtione. *Quidam, inquit, ajunt, esse aliqua stillicidia, quæ solem transmittant, quadam magis coacta, quam ut transluceant; itaque ab illis fulgorem reddi, ab his umbram, & sic cujusque intercurfu effici arcum, in quo pars fulgeat, quæ Solem recipit, pars obscurior sit, quæ excludit, & ex se umbram proximam faciat.* Et paulo superius dixerat. *Sic enim formam arcus discoloris efficiunt; quia aliæ partes in nubibus tumidiores sunt, aliæ submissiores, quadam crassiores, quam ut Solem transmittant, aliæ imbecilliores, quam ut excludant.* Hac inaequalitas alterius lucem, umbramque permisceat, & exprimit illam mirabilem arcus varietatem. At hanc etiam ipse sententiam videtur improbare, quod ex umbra, & lumine tam multi, tam varii colores oriri non possint. *Quid ergo, inquit, isthic duo colores faciunt luminis, atque umbra, cum innumerabilium ratio reddenda sit?* Quinquam inferior colores eos omnes a duobus, igneo nimis, & exulco, oriri affirmat.

Alii singulas guttas tanquam quædam specula considerant. *Quidam*, pergit Seneca, *ita expriment arcum fieri. Dicunt in ea parte, in qua pluit, singula stillicidia pluvia cadentis singula specula esse, a singulis ergo imaginem reddi Solis; deinde multas imagines, immo innumerabiles, & devexas, & in præceps transcurrentes confundi; itaque & arcum esse multarum imaginum Solis confusione ..... Ergo cum multa stillicidia sint, totidem specula sunt. Sed quia parva sunt, Solis colorem sine figura expriment. Deinde cum in stillicidiis innumerabilibus, & sine intervallo cadentibus reddatur idem color, incipit facies esse non multarum imaginum intermissarum, sed unius longe, atque continua.*

Hanc autem ipsam sententiam, vel huic admodum similem ipse amplectitur, cum dicat, dum eam detendit; *Illud esse dubium nulli potest, quin arcus imago Solis sit roseida, & cava nube concepta: & paulo ultra: nec dubium cuiquam relinquitur, quin arcus imago Solis sit male expressi ob vitium figuramque speculi. Et clarius infra. In eadem sententia sum, qua Posidonius, ut arcum iudicem fieri nube formata in motum concavi speculi, cuius forma sit parvis e pila secta ..... Geometria argumentis nihil dubii relinquentibus docent, Solis illam esse effigiem non similem. Eandem autem sententiam pluribus ipse confirmare nititur, & quæ in contrarium obijci possent, diluere. Cumque tibi objecerit, Solis imaginem non posse colores exprimere, qui in ipso Sole non sint; sic respondet. Varietas autem non ob aliam causam fit, quam quia pars coloris a Sole est, pars a nube illa: humor autem modo caruleus lineas, modo virides, modo purpura similes, & luteas, aut igneas ducit, duobus coloribus hanc varietatem efficientibus, remisso, & intento. Ac paulo post. Color igneus a Sole est, caruleus a nube, ceteri utriusque mixtura.*

Plures alias Veterum sententias apud Plutarchum invenies de Placitis Philosophorum, apud Aristotelem de Meteoris, ejusque Commentatores: sed eis tuis persequi non valet; ut nec his ipsis retellendis immorabimur, quas omnes ex veræ sententiæ ignoratione ortas, satis manifeste, ubi eam exposuerimus, sonantescet.

(4) Plinium primum, tum Senecam vidimus, Iridis originem ducere cum Posidonio; alitque multis, ex Solis radiis a nube concava retro reflexis. Multi ex iis a cava speculi forma formam etiam circularem Iridis repetebant. At Seneca ipse eam potius a circulari Solis ipsius forma deducit, cuius imaginem esse Iridem affirmat, licet per speculum ipsum actam, & immutatam. Sic enim habet. *Quare autem si imago Solis est arcus, longe ipso Sole major apparet? Quia est alicujus speculi natura talis, ut majora multo, quam videat, ostendat, & in portentosam magnitudinem augeat formas; alicujus invicem talis est, ut minuat. Illud mihi dic, quare in orbem eas facies, nisi orbi reddatur? Dices fortasse unde fit ille color; unde talis figura fit, non dices; nisi aliquid exemplar, ad quod formeret, ostenderis. Nullum autem aliud, quam Solis est, a quo fatearis illi colorem dari; sequitur, ut desit & forma.*

(5) Binas hic Veterum sententias redarguit explicantes, cur arcus Iridis non compleatur, quarum utranque Seneca ipse & refert, & refellit. Primum sic exponit. *At quare arcus non implet orbem, sed dimidia pars ejus videtur, cum plurimum porrigitur, incurvaturque? Quidam ita opinantur. Sol cum fit multo altior nubibus a superiore tantum illas percutit parte; sequitur, ut inferior pars earum non tangatur lumine. Ergo cum ab una parte Solem accipiant, unam partem tantum ejus imitantur, qua nunquam dimidia major est. Hanc autem ipse pluribus evidenter falsam esse demonstrat; tum quia Sol totam nubem*

bem percussie utrunque superior sit: tum quia, si superiorem solum partem percuteret, nunquam Iris pertingeret ad terram, ad quam pertingit: tum quia falsum est, quod nubes ex adverso Solis sit: tum demum, quia Sol etiam in Horizonte positus, nec jam altior nubibus, adhuc dimidiam tantum Iridem generat.

Secundam vero sic refert. *Nostri qui sic in nube, quomodo in speculo lumen reddi volunt, nubem cavam faciunt, & secta pila partem, qua non possit totum orbem reddere, quia ipsa est pars orbis.* Hanc impugnat tum ex eo, quod etiam in parte orbis levigata cernitur imago integra, tum ex eo, quod nulla redditur ratio, cur semper concava nubes Solem accipiant, nec aliquando plana & tumentes.

(6) Celeberrima est Tiburtina Estensium Principum villa; quam recentiorum per Italiam, & vero etiam per universam Europam villarum quandam veluti normam extitisse serunt. Ea cum aliis multis magnificentissimis monumentis abundat, tum plurimis præcipue ludicris, occultisque quibusdam fontibus ex proximo Aniene deductis referta est, ex quibus aquarum ex improviso erumpentium vis ingens in guttas dispersa effluit, & incautos spectatores occupat. Porro in iis, si Sol ex adverso emicet, statim Iris effingitur; quod utique satis ostendit, nec sulphureis halitus, nec concavæ nubis formam quidquam conferre aut ad generationem Iridis, aut ad figuram.

(7) Idem satis confirmat Iris, quæ in aqua guttatim ex ore efflata, generatur. Huiusmodi Iridis generationem & Veteres norant. Seneca enim eodem loco; *Videmus, inquit, cum fistula aliquo loco rupta est, aquam per tenue foramen elidi, qua sparsa contra solem obliquè positum faciem arcus representat. Idem videbis contingere, si quando volueris observare fullonem: cum os aqua implevit, & vestimenta radiculis diducta leviter aspergit, apparet varios edis colores in illo aere asperso, quales in arcu fulgere solent.* Bina alia ejusmodi Iridum exempla præfert & Aristoteles Meteorologicorum libro 3. textu 10. alterum Iridis, quæ apparet cum remi e mari extracti guttatim aquam simul omnes emittunt, & pluviam quandam exhibent; alterum cum quis irrorans guttas dispergit, *manu enim pro remo utitur irrorans.* Cæterum quotiescunque aqua in guttas quomodocunque dispersa Solis radios excipit, oculo rite collocato Iridem exhibet sine sulphure, sine exhalationibus, sine concava nube.

Huc etiam ille pertinent Irides, quæ in herbis matutino inspersis rore apparere solent in pratibus, ejusmodi, præter alios sane mukos, Volsius a se olim conspectam Iridem affirmat, & quidem Sole tum maximè oriente hyperbolica figura præditam, cruribus quam longissimè protensis. Spectantur autem, & in araneorum telis: & vero etiam aliquando in farina globulis a Sole illustratis, & per microscopium inspectis sunt observatæ. Quæ omnia docent Iridem generari ex reflexione Solarium radiorum in aquæ guttas, vel iis similes, impingentium.

(8) Collegii Romani Rectorem inuit, qui cum ad hoc carmen conscribendum, & in solemnè studiorum instauratione recitandum impulerat.

(9) Refractionem luminis exponit. Lumen dum per ejusdem densitatis medium tendit, recta pergit moveri. At si e rariore medio ad densius transeat, vel etiam a densiore ad rarius; mutat iter accedendo ad rectam superficiem refringenti perpendicularem in primo casu, & ab ea recedendo in secundo. Incidat in fig. 1. radius  $AB$  e medio rariore in densius  $e: g$ ; ex aere in superficiem aquæ  $MN$ . Non pergit recta per  $BF$ , sed ducta recta  $CBD$  perpendiculari ad superficiem  $MN$ , inflectitur per  $BO$  ita, ut accedat ad perpendicularem  $BD$ .

*BD*. At contra si e medio densiore delatus per *OB* ingreditur medium rarius; intorquet iter per *BA* recedendo a perpendiculari *BC*. Ea dicitur refraçtio luminis, quæ quidem habetur solum in radiis obliquis superficiei refringenti, & eo est minor certa quidam lege, quo angulus radiorum cum perpendiculari *CD* est minor, & in ipsis perpendicularibus radiis nulla. Fit enim refraçtio ita, ut is, quem in Trigonometria dicimus sinum anguli incidentiæ *ABC*, ad sinum anguli refracti *DBO* sit in iisdem mediis semper in eadem ratione.

Porro objectum semper videtur secundum eam directionem, quam radius habet, ubi impingit in oculum (saltem seclusa quadam aberratione, quam Bradleyus detexit, & quæ oritur ex motu oculi collato cum motu luminis; quæ, nisi adit immensa quidam oculi celeritas, sensum omnem effugit, & cuius exponendæ non est hic locus). Hinc objectum, quod sit in *A*, apparebit oculo tanquam si esset in *a*, & viceversa objectum, quod sit in *O*, apparebit oculo collocato in *A*, tanquam si esset in *F*. Et eadem est causa etiam in speculis, cur objecta videamus alio in loco diverso ab eo, in quo sunt. Radio nimirum reflexo a speculo cernuntur res, tanquam si laterent post speculum, quo ducit recta linea a radio reflexo descripta.

Et hæc quidem vulgo notissima sunt, ut & illud, ob maiorem densitatem aquæ, quam aeris, apparere remum tractum in aqua, licet sit integer, & ob maiorem aeris nostri crassit, quam purissimi ætheris, sydera omnia apparere magis elevata supra Horizontem, quam reapse sint, ac proinde citius apparere supra Horizontem & serius recedere, quam revera orientur, aut occidant. Radiis enim, qui deferuntur e partibus remi demersis in aqua, deflectentibus a recto itinere, ex partes videntur aliter collocatæ, ac revera sunt, nimirum elevata res, dum partes extantes in aere ibi apparent, ubi sunt. Ac pariter radio a stella quavis delato, dum in aerem nostrum impingit, deflectente a recto tramite, & ob densitatem perpetuo auctam perpetuo incurvante iter suum, directio radii impingentis in oculum respicit Cæli punctum altius eo, quod stella occupat, quæ proinde altior apparet.

At quod de medio densiore diximus; licet plerumque ab Opticis affirmari soleat; non ita tamen generaliter verum est; ut aliquando ex medio densiore radius incidens in medium rarius & contrario non refringatur recedendo a perpendiculari. Sic etiam ex eodem medio radius impingens in duo media diversæ densitatis aliquando maiorem refractionem habet in medio rariore quam in densiore; ac pariter sunt media diversæ densitatis, e quorum altero in alterum absque ulla refractione radius pertransit. *Corpora enim unctuosæ, & sulphurea refringunt plus, quam alia corpora, quæ sint eadem densitate*, ut Nevvtonus notavit Opticæ lib. 2. par. 2. prop. 10. Sic refraçtio est major in Electo, quam in vitro communi, licet fere triplo densius, & ponderosius sit electo vitrum.

(10) Exponit hic Noster Nevvtoni sententiam de radiis natura sua coloratis album lucis radium componentibus; quæ quidem omnino necessaria est, & ad Iridis detegendam originem, & ad noscendos naturales corporum colores, sive formas rerum æternas.

Censet Nevvtonus, & immensa experimentorum vi plane demonstrat; radium album componi ex plurimis veluti filiis, quæ si omnia simul impingant eadem directione in oculum, exhibeant ipsum colorem album. Verum si singula ab aliis separata ad oculum deferantur, colores referant alia alios, sive, quod idem est, alia aliorum colorum ideam excitent; & corpora quidem ejus coloris apparere nostris oculis, cujus coloris tila in multo majore copia, quam reliquorum colorum his trans-

transmittant ad ipsos oculos. Porro colores ejusmodi licet innumeri sine sint, omnes inter se diversi, tamen iis, qui parum admodum inter se differunt, ad eandem classem redactis, ad 7. præcipua capita reducuntur, quæ hic Noster poetico lepore enumerat nimirum sunt Rubeus, Aureus, Flavus, Viridis, Cæruleus, Indicus, Violaceus. Solent autem etiam Aureus, ac Flavus pro eodem haberi, ac pro eodem pariter Cæruleus, & Indicus, qui non ita discrepant inter se, eoque pacto reducuntur ad 5. Et ideo Noster de hisce postremis habet,

*Bina quidem species, sed qua tamen una tuentis  
Creditur interdum, tam dulci errore moratur  
Spectatorum oculos, radiisque simillima fallit.*

Hæc autem colorata fila, Nevvtonus idem deprehendit, dum ex eodem medio in idem diversæ densitatis medium penetrant, non æquè refringi; sed Rubeum colorem omnium minimè, reliquos magis eodem ordine, quo eos nominavimus, ac proinde omnium maximè Violaceum iter suum intorquere, & vi refringentis corporis a suscepto itinere deturbari.

Porro inde etiam illud patet, cur Rubeus color omnium maximè percellat oculos; Violaceus omnium maximè ad umbram, & ad nocturnas tenebras accedat; de Viridi vero jure affirmari possit, eum esse, quo non jucundior ullus advenit, aut oculis præsentior accidit agris. Nam ii radii, qui omnium minimè cedunt vi refringenti, et sunt Rubei, impingunt in oculi fibras vi omnium maxima; qui omnium maximè detorqueantur, eadem vi, ii omnium minimè vim suam exerunt; ac demum ii protectio gratissimi, ac jucundissimi omnium debent accidere, qui vires exerunt inter reliquos medias, & quibus potissimum oculorum fibræ debent fuisse attemperatæ, ne nimis magna esset Rubeorum radiorum impressio, vel Violaceorum nimis exigua.

(11) Illud nimirum Nevvtonus demonstrat majorem; vel minorem refractionem, & excitationem idææ unius potius, quam alterius coloris non pendere a modificationibus, quas radius luminis in refractione, aut reflexione acquirit; sed in filo quolibet id ex ipsius natura oriri; ac proinde fila ipsa intrinsecam, ac autem, retransmittitatem habere, aliud majorem, aliud minorem, & intrinsecam colorem; ac in reflexionibus, & refractionibus separari tantum fila, & telam velut retexi.

(12) Ex innumeris experimentis, quæ Nevvtonus instituit, & in Optica suis persequitur, ad demonstrandam hanc intrinsecam radiorum refrangibilitatem diversam, & intrinsecam vim excitandi ideam determinati cujusdam coloris, unum hic Noster sedit satis validum, & vulgo etiam notissimum, quod binis prismatibus perficitur.

Est autem experimentum hujusmodi. Paratur prisma vitreum triangulare, vitrum scilicet tribus oblongis superficiebus lateralibus planis terminatum, cujus transversam sectionem in fig. 2. exprimit triangulum  $ABC$ , ejus lateribus  $AB$ ,  $BC$ ,  $CA$  exprimentibus tres illius prismatis facies. Debet autem vitrum carere bullulis aereis inclusis, & ex massa constare ita homogenea, ut per omnem ejus crassitudinem nusquam densitas immutetur. Ejus facies solent omnes accuratissimè complanari, & perpoliri; satis tamen est, si binæ tantum  $AB$ ,  $BC$  poliantur, & angulus non debet esse nimis acutus, ut effectum sensibilem præstare possit.

In fenestri soli  $S$  obverfa excavatur exiguum foramen  $D$ , per quod radius  $SD$  transmittatur in cubiculum satis tenebrosum, cujus parietes si nigris vestiuntur pannis, ne quid luminis ulla ex parte resiliat, melius etiam succedunt experimenta. Excipitur radius  $SD$  in facie prismatis  $AC$  obliquè in  $E$ . Ejus pars ex  $E$  reflectitur, pars ipsum ingreditur vitrum, & refringitur; nam quotiescumque ex altero medio in alterum transit lumen; semper ejus pars aliqua reflectitur; ac proinde etiam

etiam ubi delatum ad faciem *CB* egreditur e vitro; adhuc alia pars intra vitrum reflectitur. Sed de his reflexis radiis nihil hic quidem curandum.

Porro radius in *E* non refringitur totus in eodem angulo, sed plurium florum textura retextitur, & Violaceus quidem omnium maxime a motu suo delatit per *Ep*, Rubeus omnium minime per *Er*, reliquis omnibus jacentibus in angulo *pEr*. Ibi autem in egresu e facie *CB* iterum intercedunt iter radii recedendo a perpendicularis *TpN*, *irn*, Violaceus quidem omnium maxime, Rubeus omnium minime, ac in pariete vel in charta abijt radius Violaceus in *C*, Rubeus in *R*, reliqui intermedii in *F*, *V*, *I*.

Et hic quidem expressimus radium *SDE* tanquam si per unicam rectam lineam delatus esset, & fila separata lineam quandam *PR* pingerent. Verum ob amplitudinem foraminis *D*, pro linea ex quovis Solis puncto delatur exiguus quidam radiorum conus, seu quasi cylindrus ad *E*; & ob diametrum apparentem Solis *Sz*, delatur per quodvis punctum foraminis *D* conus *EDe*, habens angulum *EDe* aequalem angulo *SDz* ad verticem opposito, nimirum diametro apparenti Solis. Hinc fit, ut radii *DE*, *De* non habeant eundem angulum incidentiæ, ac proinde nec omnia ejusdem coloris fila eodem angulo refringantur, nec simul procedant, nec in unicum punctum coalescant: sed fila omnia Rubea tum quæ profecta ex eodem Solis puncto transeunt per omnia puncta foraminis *D*, tum quæ discedunt e diversis punctis Solis, pingunt circa *R* exiguum ellipsim, seu circellum quendam, cujus centrum proxime occupat Rubeus radius e centro Solis digressus, & per centrum foraminis transiens. Idem præstant Violacei circa *P*: ac a centro circelli Rubei ad centum Violacei procedit series continua centrorum circellorum omnium, qui pinguntur a filis refrangibilitatis sensim majoris reductis ad illas 7. vel 5., classes: ac in pariete vel charta non linea quædam colorata pingitur, sed veluti columna, qualem exhibet fig. 3. terminata binis semiellipticis, vel semicirculis ad *R* & *P*, & binis rectis infinitas ellipses, vel circellos intermedios tangentibus; in qua columna colores extremi Rubens, & Violaceus omnium purissimi, reliqui ex admixtione proximarum elliptium, vel circellorum impuriore, ita sensum alter in alterum degenerant, ut ibi, ubi e proximis hinc inde aquæ participant, vividiores appareant.

Porro hic illud omnino prætermittendum non est, quod plurimis errandi occasione dedit. Si foramen in *D* sit adeo amplum, ut radii incidentes in *AP* magnam ejus faciei partem occupent, & imago excipiat in *PR* in ea distantia, in qua diversorum colorum fila nondum ob divergentiam satis a se invicem recesserint; in solis extremis columnæ *PA* limitibus illis in *P* & *R* colores videri debent saturi, & puri Violaceus, ac Rubeus, in medio autem color albus ex admixtione circellorum omnium colorum ibi concurrentium. Remota sensim charta oblongatur imago, vel sensim imminuto foramine contrahitur, & in utroque casu incipiunt apparere prope Rubrum Flavus, prope Violaceum Cæruleus diluiores initio, tum magis saturi: donec denum, & Viridis in medio exurgat, circellis, qui diversos hosce colores exhibent, vel per chartæ remotionem a se invicem recedentibus, vel per foraminis contractionem contractis ita; ut jam ii, qui prorsus specie differunt, in minori copia admisceantur, vel etiam penitus separentur.

Eadem superpositio circellorum habetur in pluribus aliis casibus, in quibus, cum refractione ipsa vel nulli exhibentur colores, vel solum fimbriæ quædam extremorum colorum Rubei, ac Violacei, vel alterius tantum, & id potissimum in ipso limite lucis & umbræ, vel in transitu a majore lumine ad multo mi-



nus : in quibus casibus ii tantum colores apparent, qui in extremis illis limitibus aliorum admixtione carent, vel qui in maiore copia eo deferuntur, & satis prævalent, quo tamen casu etiam dilutiores sunt. Id autem in causis fuit, cur plurimi censuerint colores generari ex ipsa permixtione lucis & umbræ : ut alii, excepto radio nimis amplo in charta parum remota a prismate, cernentes extremas tantum extremorum colorum fimbrias cum alba luce intermedia, Nevvtonianis experimentis fidem denegarunt, ejusque sententiam de intrinseco coloris, & refrangibilitatis gradu acrius insectati sunt.

Ex eodem fonte & illud pater, cur in vitris, quæ terminantur per binas superficies parallelas, licet habeatur refractionis, ac proinde colorum divisio, divisio tamen ipsa nequaquam appareat. Sit vitrum terminatum in fig. 4. binis superficiebus parallelis  $AB$ ,  $CD$ . Incidat oblique in primam in  $E$  radius  $SE$ , e centro Solis egressus. Is refringitur ad perpendicularum ita, ut solum Violaceum refringatur omnium maxime per  $EP$ , Rubeum omnium minime per  $ER$ . Tum in egressu ita refringitur ille per  $PM$ , hic per  $RN$ ; ut uterque egrediatur cum directione parallela illi, cum qua ad vitrum devenit, quod facile demonstratur ex illa data ratione sinuum incidentiæ, & refractionis. Hinc rectæ  $PM$ ,  $RN$  sunt inter se parallele. Si e Sole nullus alius radius deferretur præter unicum e centro egressum, & is incideret in  $E$ , ac vim haberet lati s magnam ad percollandum sensum visus; appareret in superficie vitri opposita in  $PR$  tota colorum series, ac eadem in  $MN$ . Quoniam tamen angulus  $PER$ , qui est differentia refractionum, est perquam exiguus; nisi crassitudo vitri esset admodum magna; spatium  $PR$  esset admodum exiguum, & spatium  $MN$ , quod in charta ipsi vitro parallela est ipsi  $PR$  æquale, adhuc adeo exiguum esset, ut sensu vix, aut ne vix quidem percipi posset.

Si jam considerentur radii ex omnibus punctis superficiei Solaris egressi, & adhuc impingentes in  $E$ ; ii parvas Ellipses, vel circellos coloratos inducent, quorum centra erunt in rectis  $KP$ ,  $NM$ , ex quibus ob tantam propinquitatem jam superpositio orietur, & fere continuata in medio potissimum albedo. Si autem præterea foramen, per quod radii ad vitrum deferantur, sit majus, vel libere deferantur radii ad totum vitrum; sumpta  $E$  æquali  $PR$ , radius ex ipso Solis centro delatus ad  $e$ , pariter dividetur per refractionem in fila colorata; quorum extrema  $ep$ ,  $er$ . Quoniam autem ob angulos incidentiæ æquales radiorum  $SE$ ,  $se$ , etiam radii Violacei  $EP$ ,  $ep$  ad æquales angulos refringuntur, erunt  $EP$ ,  $ep$  parallele, &  $Pp$  æqualis  $Ee$ , æqualis  $PR$ ; ac proinde incidet punctum  $p$  in  $K$ , & egredientur conjuncta simul fila  $RN$ ,  $pm$ , illud Rubeum pertinens ad radium  $SE$ , hoc Violaceum pertinens ad  $se$ . Eodem autem pacto deferentur ad  $R$  fila omnium intermediorum colorum pertinentium ad radios delatos e centro Solis in spatium  $Ee$ , & in recta  $RN$  habebitur textura prorsus eadem omnium filorum, quæ in radio  $SE$  vel  $se$ , sed filorum excerptorum ex omnibus radiis inclusis spatio  $SE$  et. Id autem, quod accidit in puncto  $R$ , idem accidet in reliquis omnibus supra, & infra ipsum, si in totam superficiem  $AB$  vitri incident radii, dempsis tantum extremis partibus  $C$ , &  $D$ . Nimirum ex omnibus intermediis punctis secundæ superficiei  $CD$  egredientur radii compositi ex æquali numero filorum colorum omnium; & deferentur uniti ad chartam  $TZ$ ; solum deferentur fila Violaceum ad  $CT$ ; ac Rubeum ad  $DZ$  a cæteris separata.

Quare, seclusa prorsus consideratione radiorum delatorum ex aliis punctis Solis, cernetur quidem circa  $T$  color Violaceus, circa  $Z$  color Rubeus, & si crassitudo vitri sit satis magna, illi quidem proximus Indicus, huic Autens, sed dilutiores: at in omnibus intermediis punctis cernetur perpetua, & æqualis albedo, qualem radii directi exhiberent. Adveniat jam consideratio radiorum de-

latorum a reliqua Solis superficie, & inducentium circa limites ipsos parvas Ellipses, seu circellos: & confusio crescit, crescente superimpositione prope ipsos limites, ac separatio colorum extremorum consistit solum in extremis extremorum circellorum finibus tenuissimis, qui sensum vix, aut ne vix quidem efficiunt, potissimum si crassitudo vitri non sit maxima. Nam ubi ea est parva, distantia ipsa *PR* determinata a tam exiguo angulo in tam exiguo intervallo ita exigua est, ut sub sensum non cadat.

Hinc autem demum patet, quid angulus prismatis ad colorum separationem conducatur; & in quo præstet planis parallelis. In planis parallelis refractione in egressu æqualis, & contraria refractione in ingressu corrigit inflexionem ita, ut fila diversorum colorum pertinentia ad eundem radium non acquirant post egressum majorem distantiam a se invicem, quam habuerint in ipso egressu acquisitam per crassitudinem vitri. At si facies egressus non sit parallela faciei ingressus non corrigit refractionem habitam in ingressu, & fila colorata pertinentia ad eundem radium pergunt recedere a se invicem etiam post egressum, ut in fig. 2. qui recessus major est vel minor pro diverso angulo *C* prismatis, & pro diversa inclinatione prismatis ad radium: & illud demonstrari potest, maximam fore filorum divergentiam post egressum in eodem prisma, si radius Viridis intermedius percurrat viam, quæ sit basis trianguli Iloscelii habentis verticem in *C*, sive eundem angulum faciat cum latere prismatis in egressu ad partes contrarias, quem faciebat in ingressu: eo enim casu binæ refractiones conspirant ad augendam divergentiam.

Inde vero illud etiam patet, cur si radii transmittantur per vitra habentia superficies undantes, vel per phialas, potissimum si per foramina exigua radii admittantur; colores separentur: ut etiam illud, si vas amplum superficiebus vitreis planis *AB*, *CD* in fig. 4. terminatum impleatur aqua; & radius per exiguum foramen admittatur in *E*, debere in *PR*, ac *MN* videri separatos colores; sed ista fusius persequi non est hujus loci.

Porro si quis in fig. 2. interceptis alicubi inter *P*, & *p* filis reliquis transmittat per exiguum foramen unicum filum ex. gr.: viride, & secundo prisma ipsum interceptat, ac frangat; jam illud in plura fila non dividitur, sed refringitur totum iidem legibus, quibus ipsum in primo prisma fuerat refractum magis quam Rubrum, minus quam Violaceum eodem pacto transmissum, & eo secundo prisma exceptum, & quidem quocunque id dirigatur conversione prismatis, tenet per colorem suum servat, & ostendit in viridi colorato objecto vividissimum, in cæteris minus vividum; quod satis evincit filum illud ex natura sua habere hoc, ut ita refringatur, & ejus coloris ideam excitet, non vero in prima refractione hæc conditiones adeptum esse.

Id experimentum si vitra adhibeantur bullulis æreis sedata, vel non ejusdem homogeneæ densitatis, vel experimentum fiat in loco non satis tenebroso; non ita bene succedit, & secundo quoque prisma sit separatio aliqua colorum; quia in primo, & secundo casu fit ejusmodi permixtio lucis ob novas refractiones in transitu per vitri crassitudinem, & in tertio ita adveniunt radii aliunde a parietibus, vel fenestris delati, ut filum viride in egressu alia etiam fila habeat sibi admixta, quæ separentur. Idem accidit etiam cum filum Viride non est Viride simplex, & primigenium, sed ex aliis filis compositum. Nam ut omnia fila simul conjuncta exhibent albedinem, ita unus quidam color ex aliorum colorum determinata quadam mensura exurgit, quam mensuram ipsam Newtonus definit Optices lib. 1. parte 2. prop. 6. quo casu oculus quidem nullum discrimen agnoscit inter eum colorem simplicem,

plitem, & ita compositum: at prisma adhibitum disjungens fila, ac retexens illam veluti telam, rem prodit. Id vero etiam facili experimento confirmatur. Si enim quis alia interposita charta inter *BC*, & *PR* in fig. 2. cum quotcumque, & cujuscumque mensuræ foraminibus transmittat quolibuerit, & quotlibuerit fila colorata; tum lente vitrea ipsa colligat in *PR*; videbit statim ibi exortum colorem illum compositum, quem Nevvtoni regula præscribit, nihil diversum ad sensum ab eo colore simplici; sed qui post decussationem remota charta *PR* iterum dividatur in plura fila, quæ diversas novo prismate refractiones acquirant.

Nec ab simile est illud quod ad theoriam hanc confirmandam insinuat experimentum, quo fila omnia egressa ex *p* ope lentis vitreæ uniuntur in *PR*, ubi colorem album exhibent, qui tamen vel admota ante concursum charta, statim dividatur in colores, vel remota post decussationem, iterum divisus appareat, coloribus ordine inverso jacentibus, ubi si successive intercipiatur prope *BC* filum quodlibet; unicus ipsius color in charta *RP* deest reliquis omnibus prorsus immotis. Ut illud: si per unicum foramen exiguum unicus color transmittatur & iptum foramen lentius moveatur sursum deorsum; statim in *RP* oriuntur serie continua colores, sibi succedentes, ita ut is appareat quovis tempore, cujus filum transmittitur: at si velocissime movetur lamella, apparet in *PR* color albus; impressionibus in oculo tam brevi intervallo factis, ut effectus alterius perseverante, dum alter appellit color, eadem exurgat idea, quæ exurgeret, si simul omnes appellerent. Quibus accedit etiam pro coloribus corporum naturalium, quod si diversorum colorum pulveres apte inter se commisceantur, exurgit ex omnibus simul color quidam subalbidus, sed subfuscus idcirco, quia quævis particula non omnem radium in se impingentem reflectit, sed unicum filum; ac proinde ex tota massa reflectuntur quidem omnium colorum radii, sed multo minus reflectitur luminis, quam ex pulvere coloris albi. At si quis in ejusmodi pallentem pulverem radium Solis immittat, & quidem auctum ope lentis; statim candor, & albedo cernitur corporum natura sua candidissimorum candori nihil concedens.

Hæc quidem sunt præcipua ex experimentis a Nevvtono institutis ad confirmandum hoc præclarissimum ejus inventum, nimirum radium luminis componi ex filis quamplurimis, quæ fila hoc a natura sua sibi inditum habeant (undecumque proficiscatur id ipsum) ut suum quodlibet reirangibilitatis gradum habeat, suum colorem, quem nulla modificatione, aut reflexione, vel refractione acceptum conservet perpetuo, & nulla nova ejusmodi modificatione possit amittere. Multo plura in ejus Optica occurrunt experimenta, quæ jam passim in omnibus & publicis Academiis, & eruditorum hominum privatis musæis repetita cum optimo semper successu, quotiescumque vitra sunt adhibita satis apta, dubitationem omnem Nevvtonianæ doctrinæ de luminis, & colorum natura penitus exemerunt; inter quæ illud profecto, quod hic Noster exposuit, & omnium reliquorum potissimum, & cæterorum omnium quædam veluti basis est, ac firmissimum fundamentum.

(13) Ut Iridis origo intelligatur præmittenda hic est analysis radii guttam permeantis prorsus similis ei, qua radium permeantem prisma vel vitrum planis parallelis terminatum percuti sumus, ex qua facile illud etiam patebit, quam & expedit, & dilucide rem tam Noster versibus exposuerit.

Sit *C* in fig. 5. centrum guttæ aqueæ rotundæ, per quod transeat recta *SAB* ducta e dato puncto Solis, superficiem secans in *A*, *B*. Impingat autem in quodvis punctum superficiei ejusdem *D* radius, *D* ex eodem puncto Solis delatus, qui erit quamproxime parallelus rectæ *SC*. Secto globo aequo plano *SCD*, sit ejus sectionis circulus *DAEG*, cui occurrat diameter *DCE* in *E*, & recta *ED* produ-

producta in  $G$ . Radii  $1D$  pars ex omnibus colorum filiis contexta reflectetur per  $DF$ , pars ingressa guttam refringetur accedendo ad perpendiculum  $DCE$  ita, ut filum Rubrum refringatur omnium minime per  $DR$ , Violaceum omnium maxime per  $Dr$ , reliquis omnium filiis jacentibus in angulo  $RDr$ .

Nec difficile est radii reflexi, & cujuslibet fili refracti viam definire. Si centro  $D$  intervallo  $DG$  inveniat in circulo punctum  $H$ , & secundum directionem  $HD$  ducatur  $DF$ ; ea erit via radii reflexi. Patet enim fore æquales angulos  $EDH$ ,  $EDG$ , ac proinde producta  $ED$  in  $e$  fore angulum  $eDF$  æqualem angulo incidentiæ  $eDs$ . Si autem in recta  $SA$  ubicunque assumatur ex aliqua scala  $MO$  partium 162. erectaque  $MN$  ipsi perpendiculari partium 108, & alia perpendiculari  $OV$  indefinita, ducatur  $NO$ , ac radio quovis  $1D$  ipsius  $NO$ ,  $OV$  occurrente in  $Q$ , &  $P$ , centro  $E$  intervallo  $PQ$  inveniat punctum  $R$  in peripheria circuli ad partes  $G$ ; erit  $DR$  via fili Rubei omnium minime refrangibilis. Nam ducta  $ER$ , & ei parallela  $CI$ , ac  $CL$  parallela  $OP$ ; patet ob  $ER$ ,  $OP$  perpendiculares rectis  $DR$ ,  $1DG$ , fore etiam  $CI$ ,  $CL$  perpendiculares iisdem, & proinde fore eos, quos in Trigonometria dicimus sinus angulorum  $EDI$ ,  $CDL$ , quorum primus est angulus refractus, secundus æquatur angulo incidentiæ  $eDs$  ad verticem opposito. Erit autem  $CI$  dimidia  $ER$  sive  $PQ$  ob  $CD$  dimidiam  $ED$ , &  $CL$  æqualis  $OP$ ; ac proinde cum sit  $OP$  ad  $PQ$ , ut  $MN$  ad  $MO$ , ut 118. ad 162, erit  $CL$ , ad  $CI$  ut 118. ad dimidium 162. sive ad 81. quæ est ratio sinus incidentiæ ad sinum anguli refracti in radio rubeo, juxta Newtonum, minime omnium refrangibili transeunte ex aere in aquam pluviam. Si autem sumatur  $Mn$  partium 109; & deducta  $On$  aptetur  $Er$  æqualis  $Pq$ ; habebitur eadem demonstratione  $Dr$  via radii violacei maxime refrangibilis, ac eodem pacto sumptis successivè in  $Mn$  partibus 103.  $\frac{1}{4}$ , 108.  $\frac{1}{2}$ , 108.  $\frac{1}{2}$ , 108.  $\frac{3}{4}$ , 108.  $\frac{7}{8}$ , habebuntur limites inter Rubrum & Aureum, Aureum & Flavum, Flavum & Viridem, Viridem & Cæruleum, Cæruleum & Indicum, Indicum & Violaceum; cum ex Newtoni observationibus Opt. l. 1. parte 2. prop. 9, ii sint eorundem limitum sinus incidentiæ ad sinum communem anguli refracti 91. ex aere in aquam pluviam.

Porro cujusvis fili delati ad partem  $R$  guttæ aqueæ pars egreditur extra guttam, & refringitur æquè, ac in ingressu, pars intra ipsam reflectitur, & semper facile definitur via tam partis refractæ, quam reflexæ. Omissis reliquis coloratis filiis, de quibus idem dicendum, quod de uno quovis, exhibeat in fig. 6.  $1D$  filum Rubrum radii delati ex dato Solis puncto. Ejus pars reflectitur per  $DF$ , pars refringitur per  $DR$ , ut in fig. 5. definitum est. Si aptentur in circulo ipsi  $DR$  æquales  $Rr$ ,  $Yc$ ,  $cf$  &c. sumanturque ipsi  $DG$  æquales ad easdem partes  $RV$ ,  $YZ$ ,  $cd$  &c. quæ producantur ad partes  $R$ ,  $Y$ ,  $c$  &c. in  $X$ ,  $s$ ,  $g$  &c. fili Rubei delati ad  $R$  pars refringetur per  $RX$ , pars reflectetur per  $RT$ ; hujus pars refringetur per  $Ts$ , pars reflectetur per  $Yc$ ; & hujus iterum pars refringetur per  $cg$  &c. pars reflectetur per  $cf$ ; & ita porro innumera novæ ejusdem fili divisiones fiunt, parte radii reflexi prodeunte extra guttam, & parte iterum reflexa. Unde etiam fiet, ut pars fili egressa post duplicem reflexionem sit multo tenuior, quam egressa post primam, & aucto reflexionum numero, densitas fili colorati prodeuntis, & vis excitandi ideam coloris in immensum decreseat. Demonstratio autem geometrica horum omnium est admodum facilis, & pendet ex eo, quod quævis æquales circuli chordæ contineant angulos æquales cum diametris ductis per utrumlibet ipsarum extremum.

Ex hisce radiorum viis illud facile deduci potest, ex radiis in totum guttæ hemi-

hemisphaerium impingentibus partem in primo occurſu reflexam diſpergi quaquaverſus in ſphaeram, dempto cylindro vel cono truncato, quem dehniunt radii tangentes guttam, & quo ipſius guttae umbra definitur: at cujuſvis ſili colorati partes, quae poſt binas refractiones vel ſine reflexione, vel cum una, aut aliquot reflexionibus prodeunt e gutta, per certa quaedam ſpatia diſfundi, & uſque ad certam quandam meſuram immutare directionem itineris ſui. Sed omiſſis reliquis caſibus, conſideretur id tantum, quod accidit ſili poſt unicam reflexionem in gutta, & binas refractiones egreſſis, ex quibus primaria Iris generatur, & quod accidit ſili egreſſis poſt binas reflexiones in gutta, & binas refractiones, ex quibus ſecundaria Iris ortum ducit.

Referat fig. 7. ſila tantum Rubea radiorum omnium ex eodem Solis puncto egreſſorum & impingentium in quadrantem  $ADE$  dimidium ſemicirculi  $CAE$  ſoli obverſi, ac poſt unicam reflexionem intra guttam, & binas refractiones egreſſa. Filum  $SA$  recta pergens cum refractione ibidem evaneſcente, tranſit per  $C$ , & in  $B$  reflexum retro regreditur per  $BA$ , ac prodians per  $AS$ , per eandem viam regreditur pariter irrefractum, ac proinde angulum nullum continet cum ea directione, cum qua delatum eſt. Filum quodvis  $nu$  proximum ipſi  $SA$  refractum per  $ui$ , tum reflexum per  $ig$ , ac iterum refractum per  $gg$  habet poſt egreſſum directionem  $gg$  parum diverſam a directione  $nu$ , cum qua delatum eſt ita, ut  $nu$ , &  $gg$  productae concurrant alicubi ultra  $B$  in  $x$ , & contineant angulum exiguum  $nxg$ , qui data diſtancia ſili ipſius  $nu$  ab  $SAC$ , & data ratione ſinus incidentiae ad ſinum anguli refracti, facile admodum ope Trigonometriae computatur. Nam data in fig. 5.  $CL$ , datur angulus  $CDL$  incidentiae, cujus ipſa eſt ſinus, & data ratione ſinus incidentiae ad ſinum anguli refracti  $CDI$ , datur ipſe angulus  $CDI$ ; & proinde dantur arcus  $EG$ ,  $ER$  eorum angulorum dupli, quibus detractis a ſemicirculo habentur arcus  $DG$ ,  $DR$ . Si autem gradibus 180. addatur arcus  $DG$ , arcus autem  $DR$  ducatur in numerum reflexionum unitate auctum generaliter, & quidem facile demonſtrari poteſt, eorum numerorum diſſerentiam, fore meſuram anguli quo via radii poſt quotcumque reflexiones egreſſi inclinatur ad viam incidentis.

Porro in fig. 7. in ſili  $nu$  ſenſim remotioribus ab  $S$  angulus  $nxg$ , qui eſt meſura divergentiae ſili egreſſi a via ſili incidentis, ſenſim creſcit, donec deveniatur ad ſilum quoddam  $PD$ , quod ita reſringitur per  $DR$ , tum reſſectitur per  $RT$  deinde iterum reſringitur per  $TO$ , ut productis  $SD$ ,  $OT$  uſque ad concurſum in  $K$ , angulus  $KO$  ſit omnium maximus; ac in ſiliſ ulterioribus  $NE$  angulus divergentiae  $NZ$  iterum fiat minor. Quamobrem divergentia ſili egredientis a via ſili ingredientis in ipſo  $SA$  nulla, recedendo ab eodem perpetuo creſcit uſque ad certam quandam diſtanciam  $MP$ , ubi ſit maxima, tum iterum decreſcit uſque ad poſtremum ſilum  $NE$  tangens ipſum guttam. Id autem & geometricè demonſtrari poteſt, & calculo inito pro pluribus diſtantiis ab  $SA$ , vel adhibita in majoribus circulis conſtructione, quam in fig. 5., & 6. propoſuimus, innoteſcet.

Hinc ſi aſſumpto quovis puncto  $T$  rectae  $SC$  remotiore ab ipſa gutta Solem verſus, fiat centro  $C$  ſemicirculus  $IO$ ; ſilum  $SCB$  reflexum per  $BGS$  in ipſum impinget in  $T$ : tum ſila omnia  $nu$  clauſa inter  $SC$  &  $D$  delata per  $uigq$  impingent alicubi in  $q$  in punctis eo remotioribus a  $T$ ; quo punctum  $u$  magis remotetur ab  $M$  uſque ad  $P$ ; ipſum autem ſilum  $SPD$  impinget in punctum remotiſſimum  $O$ ; at ſila poſt ipſum poſita uſque ad  $NE$  iterum impingent in puncta propiora ipſi  $T$  uſque ad quoddam punctum  $Q$ , in quod impinget ipſum ſilum tangens  $NE$ . Quamobrem ſi in guttam deſerantur ſola ſila Rubea jam ſeparata ope priſmaticis,

prismatis, & parallela, ac per spatium  $MN$  opaca lamina obtectum excurrat foramen exiguum motu perpetuo ab  $M$  usque ad  $N$ ; eo existente in  $M$  lumen post binas refractiones, & unicam reflexionem egressum cernetur in  $T$ , tum foramine pergente ab  $M$  ad  $P$ , punctum lucidum recedet a  $T$  per  $TqO$ , & foramine pergente porro per  $PN$ , punctum lucidum regreditur per  $OQ$ , usque ad datum quandam limitem  $Q$ . Unde illud etiam sequitur ad singula puncta arcus  $OQ$  deferri bina fila alterum impingens inter  $A$  &  $D$ , alterum inter  $D$  &  $E$ ; ad puncta arcus  $Tq$  unicum deferri ab ipso  $SA$  non ita remotum, ad puncta arcus  $OT$  nullum.

At si fig. 8. referat fila omnia Rubea radiorum ex eodem puncto Solis egressorum, & impingentium in alterum quadrantem  $AE$ , ac post duplicem reflexionem, & duplicem refractionem egressa, & assumpto  $T$  in recta  $SC$  producta ad partes Soli oppositas sit semicirculus  $TOI$ ; filum  $SA$  pariter recta pergens refractione ibidem evanescente perget per  $AB$ , tum per  $AB$ , ac denum per  $AB$  deferretur ad  $T$  directionibus  $SA$ ,  $BT$  incidentis fili, & egressi in directum jacentibus, & in unicam rectam coalescentibus, ac proinde continentibus angulum duobus rectis aequalem, qui idcirco jam non dicitur angulus. Filum quodvis  $nu$  proximum ipsi  $SA$  refractum per  $ui$ , tum reflexum per  $ig$ , &  $gl$ ; ac iterum refractum per  $iq$ , habet post egressum directionem  $iq$ , parum diversam a directione  $nu$ , cum qua delatum est ita, ut  $nu$ ;  $gl$ , si opus est, producta concurrant alicubi citra  $B$  in  $\kappa$ , & contineant angulum  $nuq$  parum abluentem a duobus rectis, qui pariter data distantia fili ipsius  $nu$  ab  $SA$ , & data ratione sinus incidentiæ ad sinum anguli refracti facile admodum ope Trigonometriæ computatur per regulam paulo ante expositam.

Porro in filiis  $nu$  sensum remotioribus ab  $SC$  angulus  $nuq$ , qui est mensura divergentiæ fili egressi a via fili incidentis, sensum minuitur, donec deveniatur ad filum quoddam  $PD$ , quod ita refringitur per  $DR$ , tum reflectitur per  $RT$ , &  $Te$ , deinde iterum refringitur per  $co$ , ut concurrentibus  $SD$ , &  $ce$  citra guttam in  $K$ , angulus  $KO$  sit omnium minimus, ac in filiis ulterioribus  $NE$  angulus divergentiæ  $NZQ$  fiat iterum major. Quamobrem divergentia fili egredientis a via fili ingressi in ipso  $SA$  aequalis duobus rectis, recedendo ab ipso perpetuo decrescit usque ad certam quandam distantiam  $MP$ , ubi sit minima, tum iterum crescit usque ad postremum filum  $NE$  tangens ipsam guttam; quod pariter & per Geometriam & per calculum demonstratur.

Hinc pariter ut in fig. 7. si foramen exiguum motu perpetuo excurrat ab  $M$  usque ad  $N$ ; eo existente in  $M$ , lumen post binas refractiones, & binas reflexiones egressum cernetur in  $T$ , tum foramine pergente ab  $M$  ad  $P$ , punctum lucidum recedet a  $T$  per  $TqO$ ; & foramine pergente porro per  $PN$ , punctum lucidum regreditur per  $OQ$ , usque ad datum quandam limitem  $Q$ . Unde illud etiam sequitur ad singula puncta arcus  $OQ$  deferri bina fila alterum impingens inter  $A$  &  $D$ , alterum inter  $D$  &  $E$ ; ad puncta arcus  $Tq$  unicum deferri ab ipso  $SA$  non ita remotum, ad puncta arcus  $OT$  nullum.

Jam vero in majoribus distantibus a globo densitas fili egressi, & vis multo maxima est in illo limite  $PO$  figuræ 7. vel  $co$  fig. 8. Nam circa illum limitem multa fila ipsi  $SD$  proxima in ingressu, habent post egressum aequalem ad sensum divergentiam a via radii directi ad quam in aequali ad sensum angulo inclinantur, ac proinde egrediuntur ad sensum parallela; dum aliis in locis directione plurimum mutata plurimum etiam distrahuntur. Diximus autem in majoribus distantibus; Nam vis radiorum emergentium e globo, pendet a quantitate radiorum impingentium in oculum.

lum. At ea quantitas pendet, ex obliquitate, quam invenit filum quodlibet  $nm$ , in  $n$ , in  $i$ , in  $g$ ; nam, quo magis radius incidit obliquus ad superficiem; eo major ceteris paribus ejus pars reflectitur, & minor transmittitur; & pendet a magnitudine zonulae, quam bini radii paralleli ipsi  $nm$  inter se proximi occupant in  $n$  ante ingressum circumquaque in eadem distantia ab axe  $SC$ , & zonulae, quam iidem circumquaque in  $g$  in eadem distantia ab axe occupant post egressum, quarum prior pendet a distantia binorum radiorum incidentium inter se, & eorum distantia ab axe, secunda a similibus binis distantis. Porro si  $g$  in magna a globo distantia sit, cetera omnia radiorum dispersioni ortæ ex divergentia in egressu plurimum cedunt; at in minore distantia radiorum maximam vim habentium locum non parum mutat; quod argumentum dissertatione peculiari persequemur, quam alibi exhibebimus, ubi & formulam supra expositam, & maximi anguli ac minimi determinationem expeditissimam proferemus. Miramur autem illud penitus prætermisum ab iis, qui de Iride agunt, ut & a Nevvtono. Cæterum æqualitas plurium angulorum prope limitem & computando angulos ipsos pro pluribus distantis fili a recta  $SA$  colligitur manifeste, & generaliter tam ope Geometrix, quam ope calculi demonstrari potest. Et id plerumque contingit in maximis, ac minimis quantitatibus omnium variabilium quæ ubi crescendo transeunt ad decrescendum, vel viceversa, plerumque diu ejusdem ad sensum quantitatis sunt, ut in duratione dierum cernimus in Solstitiis. Nam dum in æstivo Solstitio dies ab incremento transeunt ad decrementum, & in Hyemali a decremento ad incrementum, plures dies æquales ad sensum perstant; unde etiam ipsis Solstitiis nomen factum. Hinc antea radii illi  $YO$  in fig. 7. &  $CO$  in fig. 8. circumcur radii efficeret, ac licet per totum spatium  $TQO$  fila ejusdem coloris deferantur ad oculum; solum prope  $O$  tanta vi percellent oculum ipsum, ut ejus coloris sensum exprimant.

Ut in radiis post primam, ac secundam reflexionem egressis habetur quidam angulus maximus, vel minimus directionis radii egressi cum directione incidentis, ita & in radiis egressis post quencunque reflexionum numerum invenitur suus incrementi vel decrementi terminus, & Nevvtonus Optic. l. 1. par. 2. prop. 9. definit generaliter radium illum, qui ad eum terminum devenit, determinando rationem, quam habet in eo casu in fig. 5. dimidia corda  $DG$  nimirum  $DL$  ad semidiametrum  $CD$ . Huc autem formula generalis reducit. Sumantur numeri exprimentes rationem sinus anguli incidentiæ ex aere in aquam, vel in quavis materiam, ex qua globus conficit, ad sinum anguli refracti: a prioris numeri quadrato subtrahatur posterioris quadratum, & extrahatur radix quadrata; posterioris numeri quadratum multiplicetur per quadratum numeri reflexionum faciendarum intra globum auctum duplo ipso reflexionum numero, & extrahatur radix, & ex radices exhibebunt rationem  $DL$  ad  $CD$ , qua data, invenitur ipsa  $DL$ , ac ei perpendicularis  $CL$ , quæ definit distantiam ab  $SAC$  illius radii incidentis, qui maximam vel minimam habet inclinationem post egressum ad viam ante ingressum. Ea autem ratio sic facile exprimitur algebraicis signis: dicitur sinus incidentiæ  $I$ , sinus anguli refracti  $R$ , numerus reflexionum  $n$ ; eritque  $DL$  ad  $CD$  ut  $\sqrt{II - RR}$  ad  $\sqrt{(nn + 2n)RR}$ , quo in casu erit  $DI$  ad  $DL$  ut  $(n + 1)R$  ad  $I$ . Ac proinde in quovis reflexionum numero, & in quovis colorato filo numeris substitutis invenitur admodum facile ut supra etiam innuimus, tam arcus  $DG$ , quam  $DR$ , & eorum ope angulus ipse maximus vel minimus. Nam ipsæ  $DL$ ,  $DI$  sunt sinus dimittiorum arcuum  $DG$ ,  $DR$ , quibus datis per formulas expositas dantur ipsi arcus ope Trigonometriæ, ac si gradibus 180. addatur arcus  $DG$ , & arcus  $DR$  multiplicetur per numerum reflexionum unitate auctum, illius aggregati differentia ab hoc producto exhibebit menturam anguli maximi, vel minimi quæsitæ. Et illæ quidem generales formulæ, ope geometrix infinitè parvo-

rum

rum admodum facile demonstrantur, ut apud Gravesandum, Muschembroekium; & apud Physicos jam passim videre est, ac hæc posterior regula facile pariter demonstratur, sed ipsas demonstrationes persequi non est hujus loci. Eas ut diximus & quidem nova methodo eritas brevi alibi exhibebimus.

Quoniam autem diversorum colorum fila diversam habent refrangibilitatem, ac proinde diversam rationem sinus anguli incidentiæ ad sinum anguli refracti; angulus quoque maximus vel minimus in diversis coloratis filiis diversus est, & radii efficaces diversorum colorum diversas in egressu directiones habent; quod calculus institutus manifestum facit. Nam posito sinu anguli incidentiæ ex aere in aquam pluviam ad sinum anguli refracti in radiis Rubeis minime refrangibilibus ut 108. ad 81., sive ut 4. ad 3., & in radiis Violaceis maxime refrangibilibus ut 109. ad 81., & calculo inito, invenitur angulus maximus radii Violacei maxime refrangibilis egressi post unicam reflexionem graduum 40. min. 17., radii Rubei minime refrangibilis gr. 42. min. 2. adeoque major, & post duplicem reflexionem e contrario angulus maximus Rubei minor, nimirum gr. 50. min. 57., & Violacei major nimirum gr. 54. min. 7. Patet autem mediorum colorum angulos maximos, & minimos fore medios inter angulos ejusmodi horum extremorum.

Hinc sequitur, quancunque guttam consideratis radiis ab unico Solis puncto profectis emittere binis integras Irides, quarum prima fit multo vividior facta a radiis egressis post unicam reflexionem, & binas refractiones, secunda multo languidior facta per binas etiam reflexiones. Incidant enim in fig. 9. in guttam rotundam C radii paralleli Axi SC, & sit DRF quavis guttæ sectio facta per axem ipsum. Filum quoddam datum Sd delatum per dry ita, ut post egressum per yo contineat cum recta ei parallela Sd angulum gr. 40. min. 17. deferat radios efficaces Violaceos maxime refrangibiles: Filum SDTO ita egressum, ut angulus TOI sit graduum 42. min. 2. deferat radios efficaces Rubeos minime refrangibiles, reliquis radiis efficacibus pertinentibus ad unicam reflexionem jacentibus inter OF, oy. At filum SMNPQF ita egressum, ut angulus QFA laetius cum recta FA parallela SM, sive SC sit grad. 50. min. 57. deferat radios efficaces Rubeos minime refrangibiles ex duplici reflexione ortos, & filum Swnpqf habens angulum qfa gr. 54. min. 7. deferat radios efficaces Violaceos ortos pariter ex duplici reflexione, mediis coloratis filiis efficacibus jacentibus inter QF, & qf. Cumque idem accidat quaquaversus in planis omnibus per rectam SC transcurrentibus, si tota figura circa ipsum axem SC circumvolvatur; describent rectæ yo, TO, QF, qf superficies conicas definiens omnes directiones omnium radiorum efficacium extremorum filorum ex unica, vel ex binis reflexionibus.

Quamobrem si planum opacum VX perpendiculare ipsi SC, habeat foramen Bb globo aqueo æquale, ad quem radios Solis transmittat, & idem sit in distantia ab ipso globo non ita exigua; pingentur in eo binæ Irides, prima vividior in eo, secunda languidior in Ff, quarum limites extremi erunt circuli habentes centrum in occurfu plani cum axe in T & circumferentiam in o extremi filii Violacei, in O extremi Rubei, in F extremi Rubei, in f extremi Violacei; serie colorum in secunda jacente ordine contrario seriei primæ.

Et quidem colores Rubei in O, & F erunt multo vividiores & puriores, quam Violacei in o, & f. Nam cum in fig. 7. per totum spatium TO inter axem TC & radium efficacem TO jaceant alii radii coloris ejusdem, & quidem non ita rari, dum ipsi efficaci radio proximi sunt, at ultra ipsum TO nulli; patet in fig. 9. ad O non deferri nisi solos radios Rubeos delatos ex unica reflexione: at per totum spatium OT adeoque & ad o pariter Rubeos radios deferri; quod & de reliquis co-

loribus



loribus verum est ita ; ut in  $\theta$  quidem adsint radii Violacei in maxima copia ; sed adhuc multi Rubei , plures Aurei , plures adhuc ordine suo Flavi , Virides , Cerulei , Indici pariter adsint , & Violaceus color jam omnibus admixtus degeneret a vi sua , ac in postremo limite in albedinem etiam desinat : colores vero intermediis magis refrangibiles commixti cum omnibus minus refrangibilibus , quo magis a Rubeo recedunt , eo minus puri sint , & minus saturi . Idem autem ob oppositam rationem accidet in secunda Iride in  $Ff$  , ubi ad  $F$  deferuntur tantum radii Rubei minime refrangibiles , qui in fig. 8. per totum spatium  $OQT$  diffunduntur ; ac proinde in hg. 9. ab  $F$  ad partes oppositas  $T$  versus  $V$  ; nimirum , etiam ad  $f$  appellantur ; quo appellant etiam reliquorum omnium colorum minus refrangibilium fila

Adhuc tamen ne in  $O$  quidem , &  $F$  radii Rubri purissimi erunt ; cum eo deferantur & radii colorum omnium ex prima reflexione , sine refractione quaquaversus diffusi in sphaeram , ut vidimus , & radii ex pluribus reflexionibus intra guttam delati eodem ; sed horum tanta tenuitas parum oberit tanto majori Rubecorum efficacium vi . Oberit nonnihil distinctioni colorum etiam tanta Solaris corporis moles . Nam radii e singulis ejus punctis profecti suas singulis ipsis punctis respondentibus Irides generabunt , quarum alix aliis superpositae augebunt colorum fascis ita , ut si  $yo$  ,  $IO$  ,  $QF$  ,  $qf$  expriment radios efficaces e centro Solis digressos ; radii efficaces extremorum limbi punctorum hinc inde ab iis divergant per semidiametrum Solis apparentem , nimirum circiter per 15. minuta , Violaceo colore incipiente supra  $\theta$  , Rubeo desinente infra  $O$  , Rubeo iterum incipiente supra  $F$  , Violaceo desinente infra  $f$  ; ac eadem superpositio magis etiam turbabit , ac confundet limites colorum , in quibus ab altero ad alterum transitur , qui quidem idcirco etiam minus distincti sunt , quod ejusdem radii fila gradatim sint alia aliis magis refrangibilia , & aliter colorata , transiundo per omnes intermedios refrangibilitatis , & colorum gradus , sine ullo saltu .

Si jam omnia adhuc consideratione diametri apparentis Solis , vel interval-  
lis  $\theta$  ,  $O$  ,  $Ff$  dilatatis , quantum ea requirit , oculus a  $T$  per rectam  $XV$  excur-  
rat motu perpetuo in guttam semper intentus : is per totum spatium  $Io$  nullum  
colorem perspiciet , ab  $\theta$  ad  $O$  perspiciet in arcu  $Iy$  seriem omnem colorum a  
Violaceo , qui tamen ita languidus erit , ut vix , aut ne vix quidem discerni  
possit , usque ad Rubrum : tum per intervallum  $OF$  nullus aderit color , & per  
 $Ff$  series habebitur in arcu  $Qp$  colorum a Rubro usque ad Violaceum inverso  
ordine positorum , & languidorum , ac Violaceus quidem in  $f$  vix , aut ne vix  
quidem discerni poterit .

Si autem oculus quiescat , & gutta aquea filo  $ZC$  suspensa , ac initio depres-  
sa sensim erigatur , remoto obstaculo  $VX$  , easdem prius oculus idem eodem  
ordine videbit colorum series , ubi radii efficaces  $yo$  ,  $IO$  ,  $QF$  ,  $qf$  ad ipsum  
successive appulerint . Et si loco unius guttae sensim elevatae , per totum spatium  
 $CZ$  figuræ 9 , adsint in fig. 10. in toto spatio  $BEGD$  plurimæ guttulæ sibi pro-  
ximæ , & ita exiguae , ut pro punctis quibuscumque habeantur , altera alterius positi-  
onem radiis efficacibus ad eundem oculum transmittendis necessariam mole sua non  
turbet ad sensum ; oculus autem sit immotus in  $O$  ; & ducta per eum recta  $SOI$   
parallela radio egresso e centro Solis , sint anguli  $IOB$  gr. 40. min. 17. ;  $IOE$   
gr. 42. min. 2. ,  $IOG$  gr. 50. min. 57. ,  $IOD$  gr. 54. min. 7 ; ac guttae spatii  $BE$  ,  
 $GD$  interceptæ Solis radiis illustrantur ; videbit oculus ipse in  $B$  quidem colo-  
rem Violaceum ortum a radiis efficacibus e Solis centro digressis & egressis e  
gutta post unicam reflexionem : tum reliquos usque ad Rubrum , quem videbi ;

E

in Et

in *E* ; ac iterum spectabit in *G* Rubrum efficacem e centro Solis profectum , & egressum e gutta post reflexionem duplicem , ac reliquos ordine in. erio usque ad Violaceum , quem videbit in *D* . Diameter autem apparens Solis augebit intervalla *BE* , *GD* depressis *B* , & *G* , ac erectis *E* , & *D* per minuta 15 : Et colores in *EB* erunt multo vividiores , quam in *DG* , tum quia radii , qui prodeunt post duas reflexiones , ob partem in prima reflexione egressam sunt tenuiores , ut supra vidimus , tum ob majorem amplitudinem intervalli *GD* ( quod subtrahendo gr. 50. min. 57. a gr. 54. min. 7. & additis min. 30. pro diametro apparente Solis , invenitur gr. 3. min. 40. ) quam *EB* ( quod subtrahendo gr. 40. min. 17. a gr. 42. min. 2. , & pariter addendo min. 30. invenitur gr. 2. min. 15. ) Inde enim fit , ut radii efficaces florum in refrangibilitatis gradu , & coloris vi proximorum magis a se invicem distent , & proinde minus multi in aequales oculi partes incurrant . Colores autem Rubri in *E* , & *G* multo furiores erunt , & vividiores , ac colores reliqui , quo magis ab iis recedunt usque ad extremos *B* , & *D* Violaceos , eo dilutiores , impurioreisque , Violaceo ipso vix , aut ne vix quidem cadente sub sensum .

Si demum totum spatium *RDT* ejusmodi guttulis confectum sit , ut in iis fontibus contingit , in quibus aqua in guttulas distracta dispergitur , ac in pluvia , & concipiantur , axe *SOI* immoto , gyrare circa ipsum in iisdem semper angulis rectæ *OB* , *OE* , *OG* , *OD* ; idem ubique contingerit ; & habebuntur binæ fasciæ coloratæ genitæ a rotatione rectarum *BE* , *GD* , quæ pro diverso guttularum situ , & distantia ab oculo erunt figurarum diversarum , & maxime etiam irregularium . Sed oculo in *O* posito apparebunt circulares , & ab axe *SOI* aequè remotæ . Et si oculus ipse stet in ipsa superficie Terræ , axe *SO* vel elevato supra Horizontem , vel in occasu Solis horizontaliter jacente ; deprimeretur *OI* intra superficiem Terræ , vel eam perradet , & coloratæ arcus vel semicirculo minor erit , vel æqualis . At si oculus in aere suspensus sit , poterit coloratum arcum aspicere , vel semicirculo majorem vel etiam integrum , quod quidem sæpe contingit avibus in sublimiore aeris regione volantibus .

Nos quidem nuper paulo post exortum Solem Iridis utriusque arcum semicirculo majorem contemplati sumus una cum Eminentissimo Cardinali Passioneo ex editore hoc ejus Tusculano secessu , quod in ipsa Camaldulensium Patrum Eremita condidit , & elegantissimo apparatu exornavit ; ut identidem intra annum gravioribus curis paulisper sepolitis animum & religione loci revocaret ad sese , & amenitate rehercet , & lectissimorum librorum subsidio , quibus hic etiam , non ampliorem illam quidem , sed cultissimam bibliothecam instruxit , ditaret semper uberius , ac perpoliret , quo nunc maxime dum hæc ibidem scribimus feriata Urbis immanem strepitum , & Bacchanaliorum turbas , ut quotannis solet , evitaturus secessit .

Si autem oculus *O* utcumque moveatur , translatis cum ipso tam axe *SOI* quam rectis *OB* , *OE* , *OG* , *OD* , novæ semper , ac a prioribus diversæ guttæ coloratos exhibebunt radios , & novæ semper Irides succedent ; ac oculo intra pluviam ipsam promotum per *OI* , ipsum Iris fugiet , retracto per *OS* , ipsum sequetur , ibi semper exhibitæ , ubi rectæ *OB* , *OE* , *OG* , *OD* terminantur .

Atque hoc demum picto ex sola consideratione diversæ radiorum refrangibilitatis , & diversæ coloris innati , ac rotundæ guttarum formæ , quam ex ex mutua particularum in se invicem actione induunt , devenimus ad formam , & magnitudinem utriusque Iridis definendam , quæ quidem observationibus ipsis sunt admodum conformes , quantum ipsæ observationes patiuntur . Nam Violacei coloris limitem nunquam in Iride satis definire licetbit , & ne ipsum quidem forsasse

tasse Violaceum colorem dispicere ob superpositionem illam exterorum colorum. Quin immo & Rubei coloris limes determinari non poterit, ipso quoque ad extremum marginem sensim languente iccirco, quod inde radii ab exigua Solaris disci parte delati remittantur ad oculum, atque in ipso extremo limite adfint radii egressi ex unico diametri Solaris puncto. Et id ipsum in utraque illa Iride, quam hinc a nobis nuper consideratam diximus, notare licuit. Interioris enim fulgor ob immanis pluviz viciniam, & spissitudinem vividissimus, exterioris fulgorem satis quidem notabilem, sed tamen multo dilutiorem plurimum superabat; & utriusque quidem Rubens color inter externos omnes saturatissimus adhuc prope externos limites linguebat utrobique, & in penumbræ caputem morem finem evanescebat; Violacens vero aut vix, aut ne vix quidem dignoscabatur: quod ipsum Nevvtono quoque contigisse non semel, satis liquet ex illa ipsa prop. 9. partis 2. lib. 1. Opticæ.

Et huic quidem tenuitati radiorum ab exigua Solis parte egressorum, & a radiorum heterogeneorum mixtione, quæ in Violaceo potissimum colore tanta est, tribuendum omnino censuimus, ut diximus, evanidum Rubei coloris extimum limitem, & incertum, totumque Violaceum vix, aut ne vix quidem cadentem sub sensum potius, quam claritati nubium circumiacentium, cui uni Nevvtonus ibidem utranque tribuit: quem hanc ipsam superpositionem radiorum, & vim, versum Solis margines evanescentem, ne inuissile quidem, satis mirari non possumus.

Hæc autem omnibus expositis susus sortasse, quam par erat, sed ita, ut res tota ob oculos proponeretur, & tam multa, quæ phænomenum maxime compositum implicare videntur, a se invicem sejungerentur; ostendimus quam appositè Noster præcipua, quæ ad rem pertinent, exponenda selegit, & quam dilucidè, atque eleganter additissima quæque, atque implicatissima explicaverit, atque in apertum protulerit.

(14) *Facies quæ obvertitur axi Solis est in fig. 7. Eæ, quæ a recta SAC in medio refecatur in A, parte altera Ac interiore spectante centrum Iridis, altera exteriore AE in calum averfa ab ipso centro. Fila tantum Rubea permeantia partem externam AE, quæ reliquis sepositis perpendenda proponuntur, sunt nu. PD, NE. Hæc in ingressu franguntur, & mutant viam pergendo per ui. DR, Et: tum incidunt intus intergus oppositum in BIR, & repulsa ad flexus æquos, nimirum ad æquales angulos reflexa; decurrunt sparsim ad superficiem guttæ GYd internam, nimirum centrum Iridis respicientem, per rectas ig. RI, IG divergentes; & inde egressa pluribus locis, nimirum in punctis omnibus arcus AgYG, rursum refringuntur obliquando iter; & egrediuntur per directiones innumeras diversas, nimirum per eas, quæ deferuntur ad omnia puncta arcuum TqO, & OQ.*

(15) Licet ad totum intervallum TqO deferantur radii Rubei, & oculus in quovis ejus puncto constitutus recipiat fila Rubea; adhuc tamen non ubique, sed in certo quodam puncto O, & prope ipsum, Rubei coloris sensus percipitur; ibi tantum Rubeis radiis ita sortibus prodeuntibus, seu ut Phytici vocant efficacibus, ut sensum percellant.

(16) Ut rem explicet sine arduam, cur nimirum in certa illa directione tantum radii efficaces prodeant, præmittit hoc veluti lemma. Quantitates quæ ita perpetuo variantur; ut a crescendo transeant ad decrescendum, circa ipsum Maximum plurimæ æquales sunt, non quidem accuratè sed ad sensum; quoniam ob causam appositam illud nobis dicendo nobis sepe aquant; & rationem adjecit, quia nimirum ibi, ubi a crescendo transitur ad decrescendum,

dum, incrementa illa ipsi, quæ in decrementa vertuntur, ita prius exigua evadunt, ut sensum effugiant; ac proinde ejusmodi quantitatum differentiæ, quibus in illo limite se mutuo excedunt, sub sensum non cadunt.

Porro hoc lemma plerumque verum est, & in casu, in quo adhibetur pro Iride, verissimum; non tamen generaliter. Id in Geometria patebit sic. Curva  $PMQ$  in fig. 11. & 12. primum recedat a recta  $AB$  per  $PM$ , tum accedat per  $MQ$ , & ducit rectæ  $CD$ ,  $EF$ ,  $HI$ ,  $KM$ ,  $LN$  ex omnibus punctis rectæ  $AB$  ipsi perpendiculares usque ad curvam, ex perpetuo crescent usque ad  $KM$ , tum decrescunt.

Id autem plerumque ita contingit, ut exhibet fig. 11., ut nimirum curva  $PMQ$  obvertat utrinque circa  $M$  cavitatem ipsi rectæ, & tangens  $RMS$  ducta per  $M$  sit ipsi rectæ parallela. In eo casu in reliquis punctis  $D$ ,  $F$  ita perpetuo crescent perpendiculares, ut ductæ  $DG$  ipsi  $CE$  parallela, incrementum  $FG$  non sit exiguum respectu eorum distantia  $DG$ , sed habeat rationem finitam ad eam: tum quo magis acceditur ad  $M$ , eo minus sit in pari distantia incrementum, quod in rectis  $HI$ ,  $LN$  differentibus ab  $KM$  per  $MO$ , si illæ ad hanc accedant in infinitum, sit infinities minus respectu ipsius distantia  $OI$ ,  $ON$ . Eo casu plurimæ perpendiculares ipsi  $KM$  proximæ tam parum a se invicem differunt, ut discrimen in sensibili etiam a se invicem distantia sensum omnem effugiant.

Verum est aliud curvatum genus ejusmodi, ut exhibet fig. 12., in quibus curva in  $M$  in cuspidem desinit, & in se ipsam regreditur obvertens utrinque circa  $M$  convexitatem rectæ  $AB$  ita, ut recta  $MK$  ipsi  $AB$  perpendicularis tangat utrumque arcum  $MP$ ,  $MQ$ . In ejusmodi curvis, quo magis acceditur ad maximam perpendicularem  $KM$  eo magis augetur incrementum  $FG$  respectu distantia  $DG$ , & prope ipsum punctum  $M$ , accedente  $HI$  ad  $KM$  ultra quoscunque limites, sit  $OM$  infinities major quam  $OI$ . Eo casu ita binæ perpendiculares  $HI$ ,  $LN$  hinc inde a  $KM$  æquantur inter se, ut reliquæ intermedia ibi magis, quam usquam alibi ab iis differant, & inter se; adeoque non æquantur multa maximo proxima.

Quod autem dictum est in fig. 11. & 12. de incrementis, ubi transendo ab incrementum ad decrementum devenitur ad maximum, idem in fig. 13. & 14. locum habet in decrementis, ubi transendo a decremento ad incrementum devenitur ad minimum; plerumque circa minimum plura æquantur ad sensum, ut in fig. 13. Sunt tamen curvæ, in quibus ibi maximæ differentia habeantur, quæ respectu distantiarum in infinitum exarescunt, ut in fig. 14.

Hinc binæ adhiberi solent methodi in Analyti, ubi maximum aliquod queritur, vel minimum. Altera ponendo differentiam quantitatis variabilis æqualem nihilo, altera ponendo eandem æqualem infinito. Quando maximum, vel minimum exhibentur prima methodo; plures quantitates ipsi maximo, vel minimo proximæ parum admodum inter se differunt. Quando eadem exhibentur secunda methodo; ibi maximè inter se differunt quantitates, ubi ad maximum vel minimum accedunt.

Porro quod de rectis perpendiculis ad curvam terminatis diximus; idem in quovis quantitatuum perpetuo variabilium genere locum habet. Nam ex magnitudines, ac earum incrementa & decrementa, possunt semper exponi per rectas datæ rectæ perpendiculares, quarum vertex quandam curvam continent perpetuo attingunt.

Jam vero in casu nostro Iridis, in qua hoc lemma adhibetur ita, ut ex eo deducantur æquales ad sensum inter se plurimi anguli contenti sub via radii impingentis in guttam, & egredientis ex ipsa, ex qua æqualitate vis major efficaciam radiorum

pro

prodeat, maximus ipse angulus definitur in Analyfi ponendo anguli differentiam aequali nihilò, non ponendo aequali infinitò, ac proinde rite ex eo deducitur, plurimos circa ipsum angulos esse inter se ad sensum aequales.

Hæc autem tam multa, & tam geometrica Nolter sibi jure omittenda censuit, ut verbis minus idonea; ac id tantum exposuit, quod plerumque accidit; & exemplum adduxit dierum circa Solstitia aequalium ad sensum, quod unicum exemplum Nevvtonus quoque in Optica adduxit in Iride explicanda. Plurima autem ejusmodi exempla passim occurrunt in transitu ab incremento ad decrementum, vel viceversa. Sed ea solius persequi non licet.

(17) Filum Rubeum quod, *velut axis trajicit guttam in medio*, est in eadem fig. 7. SAC, quod directionem itineris nusquam immutat; sed in ingressu in A pars ejus *retro recedit* reflexa per eandem viam AS, pars ingressa pergit in directum per AB, tum in B pars egressa rectè pariter pergit, pars reflexa per eandem viam BA retro redit, & ita porro.

(18) Fila *nu*, PD, NE, quæ ingreditur guttam ex parte externa nimirum inter A', & E (omissis autem hic radiis reflexis sine refractione ex prima superficie, & iis, qui plures intra guttam reflexiones patiuntur, loquitur de iis, qui possunt unicam reflexionem, & binas restrictiones excurrere, ut superius exposuit) & deinde redeunt ex parte interna AgTG, ut habent diversas directiones gq, YO, GQ, continent in egressu flexus diversos, nimirum diversos angulos qzn, UKP QZN, cum jaculo Solis, nimirum cum radio directo nu, FD, NE.

(19) Porro fila rubra nu, quæ penetrant in guttam a medio A per totum arcum AD versus extimum caput E usque ad certum finem D, fixum, sive angulum memoratum nxq, initio per quam exiguum, ubi nu est ipsi MA proximum, paulatim augent curvibus zn, xq expansis latius, sive divergentia viz xq, secundum cujus directionem radius egreditur, a via nx, per quam ad guttam delatam est, eo magis crescente, quo magis nu accedit ad PD. At quæ deinde inrant guttam ab illo limite D usque ad extremum caput E, hæc e contrario illum angulum rursus imminuunt, & minus divergunt a directione per quam delata sunt; unde fit ut angulus PKQ sit omnium ejusmodi angulorum maximus, nimirum major quovis nxq, & quovis NZQ.

(20) Ubi angulus est maximus PKQ, ibi, ut deducitur ex præmissis lemmate, plures proximorum horum anguli aequales sunt ad sensum; & uno tramite, sive eadem ad sensum directione plures radii coeuntes nec a divergentia dispersi, oculum subeunt, qui simul agentes majorem vim habent & sensum coloris illius exprimunt, & ideo dicuntur radii efficaces, quos Nolter appellat *valentes*.

(21) Posteaquam exposuit, quæ in Rubris filis contingunt, idem affirmat in reliquis omnibus contingere ita, ut ex quibuscumque coloratis filis suum angulum maximum singula habeant; quem mox docet ob diversam singulorum retransmittentem in singulis diversum esse; unde fiat, ut diversis directionibus radii efficaces diversorum colorum prodeant ex eadem gutta, ut in fig. 9. radii efficaces Rubri prodeant directione TO, Violacei directione ye, reliqui directionibus mediis. Inde autem consequi, ut eadem gutta ad eundem oculum non possit emitte radios efficaces, nisi unus tantum coloris; si nimirum oculus sit in O in fig. 9. excipiet radios efficaces Rubros TO, sed non excipiet Aureos, aut Virides, aut Violaceos ye. Et proinde in fig. 10. series radiorum efficacium coloratorum, non deferatur ad oculum O, nisi a serie guttarum distinctarum jacentium ab E usque ad B, ipsa gutta Etransmittente ad oculum O colorem Rubeum tantum, & jaculante reliquos colores ut Violaceum alia directione Eo extra oculum.

(22) Exponit

(22) Exponit hic notissimam angulorum mensuram per gradus circuli; ut angulos ipsos maximos, & Iridis positionem, atque amplitudinem determinet.

In primis igitur Geometra dividunt circumferentiam cujuscvis circuli in partes 360., quas dicunt gradus. Hæc divisio habetur, si primum circumferentia ipsa dividatur in partes quatuor, quadrantibus singulis continentibus gradus 90., tum singuli quadrantes in partes decies novem, sive nonaginta; & patet, quo circumferentiæ majores sunt, eo & gradus singulos majores esse.

Porro hi gradus adhibentur ad angulos mensurandos. Sit angulus quivis  $ACB$  ut in fig. 15. Centro  $C$  quovis intervallo fiat circulus, cujus aliquis arcus  $DE$  interceptetur inter lineas  $CA$ ,  $CB$ , quæ dicuntur anguli latera, seu crura; & in centro circuli  $C$ , quod est in ipsius circuli medio coeunt lineæ  $AC$ ,  $BC$  angulum componentes, & anguli ipsius caput ibidem locatur. Jam vero angulus ipse tot graduum esse dicitur, quot gradus continentur in arcu  $DE$ . Et quoniam si fiat quivis alius circulus utcunque aut minor, aut major; ejus arcus  $de$  licet minor, aut major arcu  $DE$  continet eundem numerum graduum tanto videlicet minorum aut majorum; iccirco numerus graduum cujuscunque circuli adhibetur ad graduum mensuram.

Cum autem circulum sub Rotæ idea efferat; centrum ejus collocat in medio ipso axe, quem immobilem dicit iccirco, quod rota circumacta immotus maneat.

(23) In fig. 10.  $SB$ ,  $SE$ , sunt *tela lucida*, quæ *Sol jacit* in guttis parvis, quæ *reddita* directionibus  $BO$ ,  $EO$ , *percellunt nostros oculos*. *Filum* iis *parallelum ex oculo* educum est  $OI$ , quod *Sole supra Horizontem manente immergitur* sub Terræ superficiem, & eodem oriente vel occidente, *perradit* superficiem ipsam.

*Ex hoc ipso filo*, & *ex radiis*  $EO$ ,  $BO$  *remissi* e guttis nubis roscedæ in pluviam dissolutæ, *exoritur angulus* aliquis  $IOE$ ,  $IOB$ , cujus vertex in ipso oculo  $O$ : qui angulus, ubicunque sit gutta, aliquot graduum erit, nimirum si mente concipias circumculum habentem pro centro verticem anguli  $O$ , ejus circuli arcum aliquem interceptiet; a quo mensuram desumat.

Igitur quando angulus is fuerit 40. graduum, ut est  $IOB$ ; tunc apparebit color Violaceus, eo autem angulo sensim crescente colores reliqui spectantur; donec angulus evadat binis gradibus major nimirum 42. graduum ut est  $IOE$ , inter quos limites colores omnes concluduntur.

Porro numeros proximos adhibet hic Noster, cum solos gradus nominet, non etiam minuta, quæ sunt partes graduum sexagesimæ. Nam ut supra vidimus, si considerentur soli radii e centro Solis digressi; angulus  $IOB$  est graduum 40. min. 17., &  $IOE$  gr. 42. min. 2. Consideratis autem radiis ex omnibus punctis Solis delatis, est ille gr. 40. min. 2., hic gr. 42. min. 17.

Determinatis autem angulis  $IOB$ ,  $IOE$ , determinantur & anguli illi maximi, quos radii effluentes post egressum continent cum radiis directis, nimirum anguli  $SBO$ ,  $SEO$ , alterni ipsorum  $IOB$ ,  $IOE$ , & iidem aequales.

(24) Anguli radiorum effluacium ope solius diversæ refrangibilitatis, & vis excitandi diversorum colorum ideæ, Mathesi duce, nimirum per Geometriam, & calculum deprehenduntur, etiam Iride non inspecta. Ac proinde Geometra, qui Iridem nunquam vidisset, si illas nosset radiorum proprietates; Iridem ipsam posset deprehendere, & ejus mensuram, ac colorum ordines definire accuratius etiam, quam ipsam Iridem observando: quod licet mirum tunc Geometra imperitis videbitur, ac prorsus incredibile; adhuc tamen ita verum est; ut ante hanc omnem originem detectam multi Iridem ipsam

fam dimittentes, angulum  $IOE$  figuræ 10. habuerint pro semirecto, sive gradu 45. ut supra diximus.

(15) Celeberrimum est experimentum, quo phiala vitrea rotunda filo suspensa, & a Sole illustrata sursum sentim attollitur, & in iis angulis, quos radiorum effusio directiones possunt, colores Iridis exhibet. Id experimentum supra exposuimus, ubi fig. 9. guttam  $C$  elevavimus hlo  $CZ$ .

(16) Hæc verissima phaenomeni expositio, quam Cartesio magna ex parte, magna itidem ex parte Nevvtono debemus, tot sæculis prorsus incognita; mirum sane quam densis sapientiorum etiam hominum nubes involvit tenebris, & quam absurdis sententiis locum reliquit; quarum aliquas sub initium exposuimus.

Diximus autem eam nos Cartesio debere magna ex parte, magna itidem ex parte Nevvtono; nam licet Nevvtonus eandem ita perlocerit, ut nihil jam, quod investigari in hoc phaenomeno possit, ad ejus intelligendam originem, omnino superfit; adhuc tamen & Cartesius ad ejus explicationem multo sine plus contulit, quam ipsi a Nevvtono tribui videatur; & reliqui, qui ante Cartesium Iridis explicandæ fundamenta & nosse, & proposuisse dicuntur, quorum quidem opera nancisci potuimus, aut nihil, aut fere nihil ad ipsam explicandam Iridem contulerunt.

Cartesius Meteororum cap. 8. Iridis elegantissimam sine analysi quandam aggressus, cum videtet Iridem gigni non tantum in remotis imbribus, sed in fontium quoque proximorum guttulis intulit a sole modo quo radii luminis in guttas agunt, atque inde ad oculos nostros tendunt, eam procedere. Deinde cum sciret has guttas rotundas esse; primum sibi contemplandam induxit pilam vitream satis accurate rotundam, qualem exhibet fig. 9., ut inde colligeret, quo pacto in aqueis pluvix guttis se res haberet. Ibi autem detexit certam globi partem  $Da$  eam esse, in quam ingressus radius, ibique refractus, ac post unicam reflexionem in certa parte opposita  $Rr$  delatus ad certum locum  $Ty$ , ibique refractus colores exhibeat; Ac pariter aliam certam esse partem globi  $Mm$ , in qua alius radius ingressus & refractus, post reflexiones binas in certis locis  $Nn$ , &  $Pp$ , e certo loco  $Qq$  cum secunda refractione egressus pariter colores inverso ordine positos exhibeat. Id autem detexit, & partes ipsas accurate notavit, obtegendo reliquam partem globi, & foramen relinquendo primo in  $Da$  ac  $Ty$ , tum in  $Mm$ , ac  $Qq$ ; Quo casu perstabant colores, & via omnis coloratorum radiorum perspiciebatur, coloribus evanescentibus, ubi reliqua guttæ detestæ arcus illi  $Da$ , &  $Qq$  opacarentur.

Uterius progressus invenit illum radium, qui colores secum deferret, in egressu post unicam reflexionem efficere angulum illum in fig. 7.  $PKO$  omnium maximum cum via radii directi, & post duplicem reflexionem angulum ipsum in fig. 8.  $PKO$  omnium minimum; & angulum ipsum determinavit non solum observando, quid in phiala contingeret, sed angulos ipsos  $xxq$  utriusque figuræ computando pro pluribus radiis  $nu$ , ad diversas inter se æquales distantias delatis, adhibita ratione constanti sinus incidentiæ ad sinus anguli refracti ex aere in aquam ut 187. ad 350., & invenit primum angulum esse graduum 41. 30., secundum grad. 51. 54.. Unde intulit in iisdem angulis ab axe  $OI$  figuræ 10. binas Irides apparere debere; & inde correxit eorum errorem, qui ponebant semidiametrum Iridis primariæ graduum 45. quo casu ostendit ejusmodi admittendam esse rationem sinus incidentiæ ad sinus anguli refracti, ut in eodem fere angulo secundaria quoque Iris cernenda esset.

Ex ea autem comparatione angulorum, & illud deduxit, plures angulos maximum

ximo proximos æquari ad sensum inter se; ac proinde ibidem lumen copiosissimè emitti, & radiorum cum eadem directione egredientium majorem vim, & efficaciorē nitum ad oculos percipientes, quam uspiam alibi; unde fiat, ut in guttis in ea directione politis, non vero in aliis, tantum luminis deprehenderetur: ex quo & circularem formam Iridis rite explicavit.

Præterea ad colores explicandos, notavit eundem colorum seriem in Iride, & in Phiala, ac in prisma, ubi per exiguum foramen in ipsum prisma radius immitteretur. Aucto foramine colores in medio radio per prisma transmissi evanescere, & solum extremos colores in extremo ipso radio apparere, unde intulit umbram requiri, quæ radius terminaret ad colores ex refractione habendos, & e prisma ad phialam, seu guttam gradum faciens, notavit illum angulum maximum definire radiorum limitem quendam umbræ prismatis æquivalentem.

Huc rectissima methodo ex observationibus directè delatis, cetera, quæ ad colorum ipsorum explicationem pertinent ex sua illa hypothese globulorum ita est persequutus, ut in iis, quæ ex phenomenis recta rationatione rite deduxerat, veram doctrinam traderet, in reliquis quæ ex arbitraria hypothese decomplicat, ignorata diversâ diversorum coloratorum holorum retransigibilitate plurimum aberraverit: nec veram seriei colorum tum in Iride tum in prismate rationem reddere, nec amplitudinem colorati arcus in Iride explicare omnino potuerit.

Newtonus detecta diversâ hac retransigibilitate diversorum radiorum coloratorum, illud adiecit, quolibet colorem habere suum diversum angulum maximum, & angulum ipsum maximum, quem Cartesius invenit sola attentione computando plures angulos; ipse definivit & quidem pro quovis reflexionum numero generali formula involvente rationem sinus incidentiæ ad sinum anguli refracti, & numerum ipsum reflexionum. Inde autem & amplitudinem ipsam coloratorum arcuum definivit, & ipsius seriei, in quam colores disponuntur, rationem reddidit ex simplicioribus & generalioribus phenomenis. In iis quidem postremam huc veluti tabulæ manum applicuit, & rem perfecte; at viam luminis intra guttam, angulum maximum, angulos plures circa maximum æquales, efficaciam radiorum inde ortam, analogiam quendam seriei colorum in Iride, cum coloribus in prismate umbram requirentibus Cartesius jamante ipsum invenerat.

Newtonus quidem illa ipsa prop. 9. partis 2. lib. 1. sic habet. *Hodie convenit inter omnes arcum ipsum refractione luminis Solaris in guttulis pluvie cadentis efficit. Intellexerunt hoc etiam antiquorum nonnulli: Inter recentiores autem plenius id invenit, uberiorque explicavit celeberrimus Antonius de Dominis Archiepiscopus Spalatensis in libro suo De Radiis Visus, & Lucis, qui non ante annos amplius viginti scriptum in lucem tandem edidit amicus suus Bartolus Venetiis anno 1611. In eo enim libro ostendit Vir celeberrimus, quicquidmodum arcus interior binis refractionibus radiorum Solis, singulisque reflexionibus inter binas istas refractiones intervenientibus in rotundis aqua guttis effingatur; exterior autem arcus binis refractionibus, binisque iidem reflexionibus interjectis in fimbriis aqua guttis efficiatur. Suamque is explicandi rationem experimentis comprobavit in phiala aqua plena & globis vitreis aqua plenis in Sole collocatis: quo duorum arcuum ipsorum colores in illis se exhiberens contemplans. Porro eandem explicandi rationem persequutus est Cartesius in Meteoris suis, eamque, quæ est de arcu exteriori insuper emendavit. Hæc Newtonus. Christianus autem Volfus in Lexico Mathematico Lipsiæ edito anno 1716. (ut in ipsis Liptensibus actis idem lexicon enunciantibus habetur) affirmavit Iridis explicationem, quam dedit Cartesius, descriptam esse ex Antonii de Dominis libro*



bro De Radiis Visus, & Lucis a Bartolo anno 1611. Venetiis publicato.

Hinc nobis investigandum hic esse duximus, num quæ Cartesius de Iride protulit, descripserit ex ipso Antonio de Dominis decedente Iridem primam fieri per binas refractiones cum unica reflexione, & secundam cum binis & reflexionibus, & refractionibus, nec quidquam aliud adjecerit de suo præter correctionem aliquam secundæ Iridi adhibitam. At in primis si Marcus Antonius de Dominis illud tantum in phialæ contemplatione detexit, primariam Iridem fieri per unam reflexionem cum binis refractionibus, secundariam vero cum binis & reflexionibus, & refractionibus; adiecit sanè Cartesius angulum maximum radii exeuntis cum directo in primaria Iride, minimum in secundaria: adiecit radios in eo angulo egressos efficaciores ob sensibilem æqualitatem angulorum plurimorum maximo illi, ac minimo proximorum: adiecit ejusdem anguli maximi, & minimi determinationem erutam tum per observationem in phiala, tum per calculum ex data ratione sinus incidentiæ ad sinum anguli refracti, quibus adjectis adiecit quiddam Nevvtonus adhibuit ad Iridis explicationem, dempta generaliori illa diversâ refrangibilitate radiorum, qua Nevvtonus ipse luminis quidem naturam, & naturalium corporum colores detexit, invento sanè inter nostri ævi potissima longe præclarissimo, sed qua supposita, nihil aliud ad plenam Iridis utriusque explicationem requiritur præter ea, quæ ante Nevvtonum jam Cartesius invenerat.

In ipso autem Marci Antonii de Dominis opusculo vix credibile dictum est, quam multa se nobis obrulerint cum primis etiam Opticæ legibus aperte pugnantia, ut illud inter cætera plurima cap. 3. *Visionem propriè & immediatè fieri in ipsa pupilla, id est humore cristallino, sive glaciali*: & id ipsum tum ob alias nullius ponderis rationes, tum quia pupilla, interposita sud densitate, & crassitie, & figurâ lenticulari, fractiones magnas faceret, & visum semper deciperet: fractiones autem (inquit) intra oculum nullas fieri inferius probabo. Probationes vero ipse tam falsæ, absurdæque sententiæ, ut & causæ, quas reddit de visione consultâ obiectorum propiorum in senibus, remotiorum in juvenibus, ac de perspicillorum in remedium adhibitorum, Telescopiorumque effectû, hominem arguunt Opticarum rerum supra etiam id, quod ea pateretur atas, imperitissimum. Quod vero pertinet ad radios a gutta reflexos, & ad experimentum phialæ, seu globi vitrei sic totam rem expedit cap. 4. In primis numero 7. exponit dispersionem radiorum; ex prima superficie reflexorum, quam rite determinat, sed ea ad Iridis explicationem non pertinet: tum numero 7. sic habet: (verba ipsa referenda censemus ob summam exemplarium paucitatem; excussis enim, quantum licuit, Romanis Bibliothecis omnibus vix duo tantum invenimus, alterum in publico Archigymnasio, alterum in celeberrima, ac immensa rarissimorum librorum collectione locupletissima Cardinalis Passionei Bibliotheca, cujus nobis per summam qua litteras & litteratos homines fovet humanitatem copiâ factâ schema ipsum ex Barbari editione illa diligenter describendum curavimus in nostra fig. 16., ita consilium, ut ibidem a lignea forma exhibetur). Corpus globosum sive sphericum diaphanum supradictum plenum, sive solidum præter quamquod reflectit ex sui superficie convexa radios modo dictos, facit aliam reflexionem lucis permixtam cum aliqua refractione: nam radius lucis ex centro corporis lucidi B penetrat irrefractus recta usque ad V per centrum A, cum sit perpendicularis, radii vero BC, & BD franguntur in C, & D ad perpendicularem per tradita supra cap. 2. suppositione 11. & penetrant similiter punctum G ulterius in V, eoque multam lucem congregant simul cum radiis interioribus

F

BR.

BR, BO, qui & ipsi fracti in punctis R, & O perveniunt circa punctum G in fundo globi A, quod & faciunt reliqui radii ex B, quicumque incidunt in superficiem convexam totam a C usque ad D. Sed interim omnes radii fracti congregati circa fundum G non modo penetrant, & uniuntur ad punctum V, ubi & ignem possunt accendere, sed etiam bona ex parte cum eadem lucis intensione ob dictam aggregationem reflectuntur a fundo G, qui fundus G varias facit huius lucis multiplicata reflexiones servata lege reflexionum ex sperio concavo; sed tamen nonnihil variata, quia est reflexio post jam dictas refractiones, & quia non modo reflectuntur radii incidentes in globum A ex centro corporis lucidi B sed etiam infiniti alii ex reliquo corpore lucido, & vult magno, ut est Sol, quicumque videlicet ex T & P, & reliqua circumferentia TQP egrediuntur. Quam varietatem nunc explicare demonstrationibus non est opera pretium. Satis est me experimentis clarissimis comperisse in phiala aqua plena, & globulis vitreis aqua similiter plena a me ad hunc tantum effectum perfici curatis. ex fundo G opposito Soli directè præter refractionem, qua fit in V, duplices fieri reflexiones alias statim per latera versus F & E circulariter, alias vero versus Solem prope perpendiculararem BA ad partem anteriorem versus H & I similiter circulariter & non per unam solam lineam indivisibilem sed per plures utrobique, cum aliqua latitudine, ut sunt in priori refractione GF, GN, GM, in altera vero GI, GK, GL, quæ latitudo oritur partim ex refractionibus, quæ intra globum fiunt cum aggregatione plurium radiorum; partim ex magna latitudine corporis luminosi VQT ut paulo ante dicebamus.

Porro ejusdem schematis nusquam antea meminerat, nec vero schematis ipsi similis; ac proinde nec punctorum GG ullam determinationem habet, nec rectarum AC, ED positionem definit, ea dempta, quam per se figura exhibet, quæ quidem videtur exhibere tangentes; nec quidquam aliud magis definitur, quam verba, quæ exposita sunt, sentant. In illa autem suppositione 11. cap. 2. ad quam hic se relet, hæc tantum habet: *Fractio hæc, seu refraçtio radiorum non fit ubi interponitur corpus diaphanum densius, aut rarius aliquo medio si sit in pauca quantitate, & æqualis crassitie, ut in exigua aqua altitudinis unius digiti, vel circiter. Similiter si interponatur vitrum pellucidum, vel chrysalis uniformis exigue crassitie, omnes radii, tam luminosi, quam visuales penetrant recta, & infracti: absque ulla alteratione visus, aut luminis. Si tamen tale corpus sit difforme, & difformis crassitie etiam si sit exiguum, ut sunt vitra perspectiva, quæ vocantur specilla, seu perspicilla fiet similiter fractio radiorum, non quidem ex ratione communi, quia varietur medium in raritate, & densitate, sed ex sola figura talis corporis, & difformitate, atque inæqualitate crassitie, eo quod in aliqua parte sit crassius, in aliis subtilius, in quantitate nimium non in qualitate: & tunc fractiones semper fiunt versus partem crassiorem, ut si vitrum rotundum sit in medio crassius & convexum, ac versus extrema, & circumferentiam semper tenuius, & gracilius; fractiones fiunt ad perpendiculararem, id est versus axem per centrum vitri transiuntem: contrarium continget, si vitrum sit in medio gracilius, & versus circumferentiam semper crassius, perpendicularis tamen penetrat recta absque sui fractione.* Hæc ibi.

Jam vero, quam & confusa sint, quæ hisce locis continentur, & falsis etiam pluribus, atque absurdis admixta, nemo non videt. Nihil aliud colligitur, nisi ænovisse Marcum Antonium de Dominis ingressum radiorum in phialam, quorum alii in fundo GG egressi uniantur alieubi in V, alii retro reflecti prodeant: Hos autem reflecti ita in fundo gutta GG, ut prodeant ex ipsa gutta binæ turmæ radiorum circulares MNFE, IKLH. Quam singuli radii viam teneant intra guttam, ne verbum quidem. Schema ita rem exhibet tanquam si ex eodem fundi puncto, reflecterentur,

tur, nec ipse loquendi modus oppositum ab Authore sentiri satis indicat. Refractionem in ingressu manifesto affirmat: verum an in egressu quoque radii reflecti refringantur, nihil enunciat: Schema ita conformatum est, ut hanc secundam refractionem non admittat, & ex iis, quæ in suppositione 11., quam enunciamus habet, & ex reliquo omni opusculo videtur omnino idem colligi. Nam cum plura vitra & convexa, & concava delineata sint, nunquam adest refraçtio in egressu delineata, sed unica in ingressu; & nusquam in iis omnibus casibus mentio de secunda refractione radii idem corpus permeantis nobis occurrit, plura ejusmodi loca scrutantibus; ac in suppositione 11. cum refractionem admittat fieri solum ratione majoris crassitudinis ita, ut digitus aquæ equè crassæ a radiis semper irrefraçtis permeetur; videtur potius unicam admittere refractionem ex illa majori crassitudine pendentem. De duplici autem reflexione intra guttam pro secunda Iride ne verbum quidem. Quare illud omnino patet Marcum Antonium de Dominis nequaquam in eo libro ostendere quemadmodum arcus interior binis refractionibus radiorum Solis, singulisque reflexionibus inter binas istas refractiones intervenientibus in rotundis aquæ guttis effingatur, & multo minus quemadmodum interior arcus binis refractionibus, binisque itidem reflexionibus interjectis in similibus aquæ guttis efficiatur: nec hujusmodi explicationem experimentis comprobasse in phiala aquæ plena & globis vitreis aquæ plenis in Sole collocatis.

Præterea nec determinat angulos, quos illæ binæ turmæ radiorum *GF*, *GN*, *GM*, ac *GL*, *GK*, *GI* cum axe efficiunt; & ita schema est efformatum, atque ita loquitur, ut videatur non agnoscere alios radios egressos e globo cum aliis directionibus præter illas binas turmas inter se non parum distantes, quod omnino est falsum: nam & in toto spatio *IGB* radii prodeunt cum directionibus omnibus minoribus, ut vidimus. Quibus omnibus consideratis illud hinc videtur nobis: Marcum Antonium de Dominis in phiala nihil aliud observasse, nisi illud unum, quod omnino non videre non poterat, prodire e gutta binas radiorum coloratorum turmas, quarum prima minorem, secunda majorem angulum cum axe efficere: cæterum prorsus ignorasse, qui ii radii essent, quam viam tenerent intra guttam, ex qua fundi parte, & post quot reflexiones erumperent; cur in iis potissimum angulis vividiores, efficacioresque prodirent, & quidquid aliud ad Iridis explicationem ope phialæ requirebatur.

Quin immo ea omnia, & angulos præcipuè maximum, ac minimum ignorare omnino debuit, qui refractionis leges omnino ignoravit: nam ubi cap. 2. refractionem explicat, illud unum affirmat, fieri in transitu e medio rariore in densius ad perpendicularum, & viceversa ita; ut manifesto ostendat nullam legem, secundum quam is accessus fiat, & ex qua deinde radiorum vix definiri possint, ipsi cognitam esse, quam nimirum si nosset, procul dubio enunciaisset.

Illud unum rite explicat ex illa determinata inclinatione radiorum prodeuntium e phiala ad axem cap. 13., formam nimirum Iridis circularem ortam ex eo, quod cum omnes guttulæ ejusmodi lumen remittant in eodem angulo; in iis solis id cerni possit, quæ ab Iridis axe discent in certo angulo. Atque id unum, & ipsum phialæ consideranda consilium, est Cartesio commune cum Marco Antonio de Dominis. At & phialæ consideratio sponte se animo ingerit, & incurrit in oculos; ac circularis forma ex iis etiam, quæ Cartesius invenit, tam sponte fluit, ut ignorari non possit. In eodem autem capite cum de colorum quoque generatione plurima alia profero omnino & falsa, & nullius ponderis; tum illud ex iis guttulis, ex quibus Rubens color deferretur ad oculum plus luminis deferri, cum contra ex iis minima lucis copia deferretur ad oculum, ex quibus nimirum soli Rubra fila deferuntur, ut supra vidimus, & ex iis, quæ Violaceum copiosissime reddunt, omnium colorum fila deveniant.

Et quidem phialæ considerationem adhibuerat & Keplerus ad Iridem explicandam: nisi forte suspexit cuiusdam sint tam multæ illæ ejus epistolæ, quæ tanto post ejus obitum intervallo Lipsiæ editæ sunt anno 1718., in quibus plurima ab aliis inventa toto post Keplerum sæculo proferuntur, & ipsi adjudicantur. Porro in Actis Lipsiensibus ad an. 1719., ubi hæ ipsæ Kepleri epistolæ enunciantur sic habetur. *In epistola 152. Keplerus respondens Brengero fundamenta Iridis explicanda proponit, quibus Antonius de Dominis, & Cartesius usi sunt: Experimentum etiam cum globo aquo cum in finem in Camera obscura institutum commendat, & paulo post: In epistola 222. sua fundamenta Iridis explicanda per refractionem, & reflexionem in guttis cum Hariotto communicat: ac demum: Epistola 328. denuo Iridis fundamenta genuina explicat Remo.*

At iis epistolis diligenter excussis, multi nobis quidem Kepleri errores occurrunt: nusquam genuina Iridis explicandæ fundamenta comperimus. In primis in ep. 152. ingenuè prolitetur, se nihil scire de secunda Iride. *Quid autem de geminata Iride nescio.* Proinde in omnibus iis epistolis errat in angulo, sub quo Iris apparet; cum quo primæ Iridis semidiametrum, quæ est graduum 40. vel 42., ut vidimus ponat graduum 45. In quem errorem primum omnium incidisse Maurolyceum asseruat Cartesius Meteororum cap. 8. Sed quo t magis ad rem pertinet, cum videret e globo reddi radios in opposita parte reflexos ita, ut colores in extremis eorumdem radiorum limitibus apperent, cœnsuit in cono illo lucido continente omnes radios reflexos, eos, qui extremi sint, & colores deferant, esse illos, qui globum tangunt, nimirum in fig. t. non radios quosdam intermedios *spD*, sed extremos *NE* globum ipsum tangentes, illud adiciens in epist. 222. iccirco esse coloratum extremum radium illum tangentem, quia per contactum tanquam per causam, sine qua non, efflorescunt colores.

Et quidem ibidem censet radium tangentem, qui in nostra figura 7. est *NE*, delatum ad *I*, tum ad *G*, prodeuntem ibidem, & iterum contingentem globum continere angulum *EZG* graduum 45. Quoniam autem hoc pacto refractione *ZEL*, ut facile demonstratur, invenitur gr. 33.  $\frac{1}{4}$ , multo minor, quam experimenta in radiis aquam subeuntibus ex aere ipsi ostenderant, quæ nimirum desinebant refractionem radii tangentis gr. 37., recurrit ad teporem, & raritatem aquæ pluviz: *Nisi hoc dixerimus, inquit, aquam pluviam, & adhuc tepentem esse rariorem nostrâ stagnante, itaque, & minores ejus refractiones:* ac ut manifestius errorem suum exponat: *Sed dicat, inquit, quare utrumque radium facis tangentem. Dicam, primò radium Solis facio tangentem ut supra, quia non existunt colores, nisi ubi refracti, qui ex contactu veniunt, incidunt: radium verò oculi facio tangentem, quia nisi tangens non incidit in *I* locum colorum:* ac in postrema quoque epistola eundem repetit radii tangentis errorem.

Quare omissis etiam aliis erroribus, quos persequi singulos non vacat, patet Keplerum quoque in phialæ consideratione illud tantum vidisse, quod non videre omnino non poterat: reddi e phiala radios; quorum extremi colorati essent; ac non solum non intellexisse, qui essent ii radii, qui extremi prodirent: cur ibi vividiores: cur colorati: sed errasse etiam censendo eos, qui extremi egrediebantur, directionem tangentis habuisse & in ingressu, & in egressu, nec in erroris suspensionem devenisse, licet videret manifestam oppositionem refractionis requisitæ ad ejusmodi generationem Iridis cum refractione radii ex aere in aquam transeuntis per observationes erata; sed ad majorem teporem aquæ pluviz, ac majorem raritatem prorsus incredibiles confugisse. Ex quibus omnibus patet, quam cautè de hujusmodi inventis testimonia accipienda sint, nec nisi ipsis Auctoribus diligenter perceptis temere admittenda.

iccirco

Idcirco autem nihil audemus affirmare de Joannis Fleischeri invento, de quo in Dictionario Gallico-Latino Universali verbo *Iris* sic habetur. *Iris fit per reflexionem radiorum Solis cum duplici refractione in eadem gutta, quod fuit notatum a Joanne Fleischerio Breslaviensi ab anno 1571., & ab Antonio de Dominis Italo anno 1611. in quo ipsi prævenerunt Cartesium;* idem autem Fleischerio ipsi tribui etiam alibi comperimus. Ejus opus frustra Romæ in præcipuis omnibus Bibliothecis conquistum, videre nobis non licuit. In Bibliotheca Gesneri a Jacobo Frisio aucta hæc habentur. *Joannes Fleischerus Aristoteli, & Vitellionis doctrinam de Iris certa methodo comprehendit, & necessariis demonstrationibus auxit Vitemburga anno 1571.*

Vcremur tamen, ne si Aristotelis tantum, & Vitellionis doctrinam est persecutus; parum admodum ad Iridis genuinam explicationem contulerit.

En igitur seriem ipsam detectæ explicatæque Iridis, & post longam demum ætatem prolata. Veteres eam plerique repetebant a radiis ex prima nubium superficie reflexis tanquam e speculo, & iccirco ad nubium cavitatem atque ejusmodi consuegebant. Re eo pacto infelicitè tentata, ad singulas guttulas recursus factus, & phialæ globique vitrei adhibiti, ut in iis innotesceret, quid in guttis contingeret. In phialas & Keplerus, & Marcus Antonius de Dominis ita crassa observatione inquisiverunt; ut licet radiorum ingressum, egressumque notaverint; nihil præterea ex iis, quæ ad explicationem phenomeni potissimum pertinebant detexerint; ac in errores simul inciderint sanè plurimos. Cartesius phialam contemplatur feliciori successu, deprehendit ac definivit singulorum radiorum viam intra globum, angulum quem radius quilibet egrediens cum ingrediente continet, angulum hujusmodi inter ceteros omnes post unam reflexionem maximum, post duas minimum, plures huic proximis ad sensum æquales, majorem inde radiorum vim ibi, quam uspiam alibi, analogiam colorum Iridis cum coloribus prismatis eodem ordine positis, & se in ipso lucis, & umbræ confinio prodentibus, quibus expositis, is primus Iridis explicandæ & fundamenta jecit, & vero etiam ædificii totius molem maxima ex parte erexit, & ad fastigium deduxit a Nevvtono demum impositum, qui & generali formula angulum maximum definivit, & ipsum angulum maximum in diversis coloratis tiliis diversum, ac illi prorsus æqualem, quem in Iride cernimus, ex diversa intrinseca refrangibilitate deduxit.

(27) Sternit hic sibi viam ad præcipua Recentiorum inventa enumeranda, qui quidem in perferenda cognoscendaque Natura Veteres omnes longissimè superarunt. Seligit autem leges & vires, quibus Planetæ moventur, Telescopium, Artem Nauticam novos detegentem Orbes, luminis celeritatem, Aquarum fluentium mensuram, Descensum gravium, Barometrum Torricellianum, ac demum quæ de Fontium, & Ventorum origine inventa sunt.

(28) Ad Keplerianas leges in Astronomia notissimas hic alludit, quæ in Planetarum motibus deprehensæ sunt, & ad vim gravitatis universalis Nevvtonianam, ex qua ipsorum motuum causa desumitur, & eadem illæ leges deducuntur: quod quidem est præcipuum nostræ ætatis inventum. De hac in Aurora Boreali multo plura.

(29) Quis ignorat præclarissimum Telescopiorum inventum, quibus debentur hi tanti Astronomiæ progressus? Ea casu in Hollandia inventa sub initium elapsi sæculi: tum a Galileo, ab Hugenio, a Cassino, ab Halleyo, a plurimis præstantissimis Astronomis in Cælum directæ *Admovere oculis* (ut Ovidianum illud adhibeamus, quod hic Noster respexit) *distantia sydera nostris*. Id autem Inventum a Nevvtono perfectum speculorum metallicorum ope, & post Nevvtonum ipsum, iisdem speculis perforatis ad summum evectum apicem, nulla unquam satis commendabit Posteritas.

(30) Ars Nautica postremis hæc sæculis usque adeo promotæ, inter præclarissima Recent-

Recentiorum inventa, & nobilissimum sane, & vero etiam utilissimum censendum est. Id quidem nemo inficiabitur, qui novos detectos Orbes, novas Veteribus prorsus incognitas Cali plagas inventas proximas alteri Polo, quem non *sub pelibus Styx atra videt, manesque profundi*, sed gentes nostris similes contemplantur, ac immensam gemmarum, & auri, argenteque copiam universum Orbem nostrum unius artis Nauticae ope ditantem consideraverit.

Porro aliam nominat Arcton majoribus illustrem stellis; non quod & circa Australem Caelestem Polum alia sit Urbs, ut binæ adsint circa Polum Borealem: sed quia circa Australem Polum adsunt multo plures insigniores Stellæ, quam circa nostrum, inter quas illæ maximè conspicuæ, quæ quod in crucis formam sunt compositæ dicuntur, *Il Crociere*. Quamquam nulla ita insignis, ut nostra Urbis minoris Cauda, ita Australi Polo proxima nunc quidem est, ut hæc Boreali, quæ iccirco Polaris dicitur, & est cursui navium dirigendo aptissima, quod parum admodum a Polo recedens diurno motu, directionem ostendit Borealis plagæ, ac proinde plagarum omnium.

(31) Rocineros primum ope Ecclesium Satellitum Jovis, mox Bradleyus ope annuæ Fixarum aberrationis, miro sane consensu immensam luminis celeritatem definiverunt, quæ ipsum lumen percurrit dimidio quadrante horæ spatium æquale distantie Solis a Terra, nimirum milliaria circiter centies milles mille: quod quidem inventum inter nostri ævi præcipua est jure commemorandum.

(32) Abbas Castellus effluentium aquarum mensuram diu olim incognitam summo Reip. bono explicavit. Post ipsum, quæ ad aquarum sive prementium dum stagnant, sive celeritatem, ac vim perpetuo mutantium, dum fiunt, theoria pertinent, miram sane, quo & succellu, & publico commodo felicissimè inventa.

(33) Galileus lege accelerationis gravium descendantium stabilita, primus Mechanicæ, quæ de motu corporum agit, fundamenta jecit. Quo ejusmodi præclarissima physica pars provecta sit, satis patebit percurrenti vel Newtoni principia Philosophiæ naturalis, vel Hermanni Phoronomiam, vel Euleri Mechanicam, vel tam multa, tam præclara tot Academiarum publica monumenta, ac tot doctissimorum hominum opera in dies prodentia. Quantam verò utilitatem ea ipsi pepererit; novit sine, qui horologiorum aequalitatem, qui artem Balisticam, qui plurimos alios ejusmodi præclarissimos Mechanicæ usus perpenderit.

(34) Torricellius in celeberrimo suo tubo Mercurii suspensi altitudinem illam determinatam, ac ascensum liquorum in Anthlis non ab horrore vacui, sed a pondere, & elaterio aeris prementis extrinsecus provenire ita ostendit; ut eo pacto pondus etiam saltem ejus Atmosphæræ deprehenderit, quæ per vitri poros se infundere non potest. Id experimentum consecuta Boyliana machina quantum ad Naturæ cognitionem contulerit, quis longiore etiam oratione satis pro dignitate perscrutari possit.

(35) Notissimi sunt Halleyani calculi, quibus illud adstruere conatus est, aquas pluvias fluminibus omnibus alendis abunde sufficere; ac proinde ex ipsis aquis pluvias ortum ducere flumina ipsa, contendit. Eandem sententiam, & Valisernus, & alii sine plurimi propugnarunt. Huc Noster respexit, cum hæc primum scriberet. Verum P. Nicolaus Ghezzius vir e nostra Societate summi ingenii, summæ eruditionis, summi in scribendo nitore, leporisque elegantissimo opusculo de Fontium origine paucis ab hinc annis divulgato ita Halleyanos calculos, cæteroque ejusmodi veritatem ejus sententiæ nequaquam evincere, manifesto ostendit; ut rem plane conficiat, qui quidem vestustioris sententiam de fluminibus ex ipso Mari ortum nova tamen quadam ratione ducentibus ita proponit; ut validissimè sine propugnet.

De ventorum origine non ita multa adhuc deprehensa, ut de reliquis, quæ hic  
Noster

Noster enumeravit. Ingentes tamen eo quoque in genere postremis hisce temporibus progressus habiti. Nam earum pilarum ope, quis Aëolipilas vocant, illud ostenditur, quo pacto vapores in loco circumsepto oclusi, dum calefacti sese expandunt, ac diffundunt, si per angustum spatium exitus pateat, ingenti cum velocitate egressi, ingentem aëri motum imprimant; ac proinde ingentem excitent ventum. Nam in iis pilis aqua semiplenis & exiguo tantum foramine hiantibus, aqua ipsa, si ad ignem applicata in vapores dissolvatur, ingentem excitat ventum ex illo ipso foramine efflantem. Inde autem peculiarium ventorum causæ repetitæ ab exhalationibus vel intra montium viscera, vel inter vallium angustias, vel inter nubes ipsas excitatis caloribus vi, dilatarisque.

At aliæ generalium ventorum causæ repetitæ a Solis actione Atmosphæram perpetuo calefacientis, & in Hypothesi Terræ motæ a motu ipso diurno Terræ in Orientem celeriore non nihil, quam sit Atmosphæaræ motus, ac a generalis Nevvtonianæ gravitatis actione, ex qua, ut in Aurora Boreali videbimus, Maris æstus pendet; & æstus similem in Atmosphæra ipsa debere contingere satis patet. Eum Daniel Bernoullius in Dissertatione, quæ præmio donata est Parisiis anno 1740, censuit debere esse tanto majorem marino æstu, quanto minor est aeris densitas densitate aquæ. At nos in Dissertatione pariter de Maris æstu, quam nunc edimus, satis luculenter, ut nobis quidem videmur, demonstramus; æstum Aeris marino æstui debere esse ad sensum æqualem, utcumque magna sit ipsius aeris raritas.

Porro eodem argumento de generali ventorum causâ a Berolinenſi Academia proposita, præmium nuper retulit Vir doctissimus Da Lambertus, cujus dissertatio nuper Parisiis prodiiit: Romam nullum adhuc quod sciamus exemplum ejusdem delatum est.

(37) Præcipua huc usque e Recentiorum inventis hic Noster enumeravit. Qui hæc perdenſerit, insciari omnino non poterit, Vcteres a Recentioribus nostrorum temporum summis viris in Naturæ investigatione, atque cognitione longe superatos esse, ita; ut apud Nepotes nostros multo plus admirationis hæc nostra ætas excitatura olim sit, quam nobis excitet tota tot sæculorum antiquitas.

Porro inter densissimorum studiorum juvenum turbam, ad quos hæc, cum primum poema ipsum recitaretur, adhortatio directâ est, nos quoque tum potissimum e lyrocinio eduçti, ac Geometriæ prorsus ignari, & in omnibus Philosophiæ partibus omnino rudes ibidem assidebamus, quos & tum quidem, & sæpe postea ejusmodi incitamenti ita extimulavit, inflammavitque; ut licet cas nobis deesse vires, quibus ad *magnos superantos senes* opus esset, satis perspiceremus; animum tamen inasitata quadam excitatum alacritate, atque ardore correptum senserimus, quo quicquid in nobis virium esset, id ad ea potissimum excolenda studia conferendum nobis esse, apud nos ipsos statuerimus, & Geometriæ, atque Analyſeos ope rimandam diligenter, perſcrutandamque Naturam; ut si quid forte densioribus adhuc tenebris involutum, nobis quoque dispicere, atque explorare contingeret, in publicum protraheremus, & aut nostra ipsi profferremus inventa, aut si res minus succederet, aliorum saltem labores perſiceremus, atque inventa, nova aliqua accessione facta, promoveremus.

(38) Explicata Irisidis origine, explicat hic, cur ea, & circularis appareat, & circumlum non expleat. Quoniam nimirum colores non deferuntur ad oculum, nisi in certo angulo; solum gutta in arcum circulem composita, & eum non completum, eundem colorem exhibebunt. Id ut ostendat, concipit radium in fig. 10. *BO*. remissum a gutta *B*, & rectam *OI* parallelam radio Solis indurſcete, tamquam si filo ferreo conflarent, tum rectam *OI* converti in se ipsa dum radius *BO* circa ipsum revolvatur gyrans hinc inde ad dexteram, lævamque, & ferens guttam *B*. Cum hic

hic radius servet eundem angulum; cum illa recta *OI*, nec magis accedat ad eam se deprimens, nec ab ea recedat in altum elatus; omnino ipsa gutta describet peripheriam cuiusdam circuli, qui nimirum in ipsa recta *OI* immota centrum habeat. At cum ipsa *OI* vel deprimatur intra superficiem Terræ, vel eam per-  
radat; impinget radius *OB*, & gutta *B* in ipsam Terræ superficiem, antequam circulus compleatur, qui proinde manebit abruptus.

(39) Quoniam autem singulæ guttæ integras Irides emittunt, ut supra in fig. 9. demonstravimus, quæ per campos dispereunt; ideo si oculus vel progredia-  
tur, vel regrediatur, & secum deferat angulos *IOB*, *IOE*, nova semper oculo apparebit Iris cum eo progrediens, vel regrediens, ut pariter supra vidimus.

(40) Exposita fufius Iride Primaria, Secundariam aggreditur, in qua tantum notat, in quibus a Primaria discrepat. Hanc fig. 8. exhibet. Sunt autem hæc discrimina.

1. Radii *1D* Primariam Iridem generantes in fig. 7. incidebant in quadrante *AE* externum, & post unicam reflexionem in *R* ita egrediebantur ex parte interna in *T*, ut nusquam postgressum radio directo occurrerent: at radii *1D* generantes in fig. 8. Iridem secundariam incidunt in quadrante *AE* spectantem partem interiorē, seu centrum Iridis, & post binas reflexiones in *R* & *T* egrediuntur in *c* ex parte opposita externa, & radio directo *1D* occurrunt in *K* inter guttam & Solem.






2. Radii efficaces adsunt etiam hic, & diversos angulos minimos poscunt, sed ordine prorsus opposito. Nimirum in fig. 10. color Rubeus poscit angulum *IO* graduum proxime quinquies decem, seu 50., & Violaceus poscit angulum *IOD* graduum proxime 54. Nam, ut vidimus, nulla habita ratione diametri apparentis Solis, Rubeus requirit 50. gradus & min. 57., Violaceus gradus 54. min. 7. Et si demantur illi, & addantur huic min. 15., ob diametrum apparentem Solis, fiunt gr. 50. min. 42., & gr. 54. min. 22.; quæ Noster nominat omiffis minutis.

3. Radii efficaces in Iride Primaria egrediebantur in angulo omnium maximo, in Iride secundaria egrediuntur in minimo, ut supra vidimus. Id autem ipsum in causa est, cur colores inverso appareant ordine. Quia ut Rubei coloris maximus angulus in unica reflexione erat maximorum maximus, ita minimus ejusdem in duplici reflexione erit minimorum minimus. Ut autem plura circa maximum æquantur inter se, ita & circa minimum; ac proinde & in hoc minimo radii habenter efficaces.

4. Demum Iris secundaria est languidior; quia in quavis reflexione intra guttam, ut diximus pars egreditur e gutta, & pars tantum reflectitur. Quare quo plures reflexiones sunt, eo plus luminis disperit, & radius tenuior evadit.











# AURORA BOREALIS.



Unde suos gelidâ rutilans Aurora sub Arcto  
 Accipiat radios ; boreæ de parte nivalis  
 Cur micet ; & varias mutet non una figuras ;  
 Post mihi dictam Irim , post longum a vertice  
 Pindi

Exilium , & tetricæ post tædia multa Minervæ , 5  
 Jam canere incipiam . Vos o præsentia , Musæ ,  
 Numina , si vestros liqui non sponte recessus ,  
 Ingratasque moras , & inanes flevimus annos ;  
 Vos me pulverei rauca inter bella Lycæi  
 Sordentemque artus , & barbara verba sonantem 10  
 Accipite o reducem , meque omni abstergite labe ,  
 Et lympa , atque sacris lauri lustrate manipulis .  
 Audior : aonio rursus mihi labra liquore  
 Ecce linunt , & membra lavant ; abit ecce per amnem  
 Squallor , & in media vitium omne relinquimus unda . 15  
 Tuque adeo , totis plaudit cui Sequana ripis ,  
 Semotæque procul responsant plausibus oræ :  
 Sive , ' Parisiaci quæ clara reperta sodales  
 Extuderunt , mira arte refers : seu funere merfos  
 Laudibus exornas , nigrantique crispis orco : 20  
 Ingenii sive alta tui monumenta recludens  
 Extendis propriam ventura in sæcula famam :

G

Hûc

- Hûc ades o MÆRANE favens : & <sup>4</sup> mœnia Cœli ,  
 Titanisque auras , vibrataque lumina pande :  
 Dum chartis deprompta tuis Comperta latino  
 Inlustrare paro versu ; & te , Magne , secutus  
 Fixa pedum pressis pono vestigia signis .  
 Te sine nil rectum mens proferet . O age cunctas  
 Rumpe moras . Tibi Romulei de valle theatri  
 Arcades assurgunt , cupiuntque audire docentem ,  
 Et simul è stellis , simul & parnasside lauro  
 Debita pieriæ properant tibi ferta Sorores .  
 At prius ignotos quam carmine pandimus ortus  
 Lucis hyperboreæ ; quo se ordine in ætheris axem  
 Illa ferat ; quæque incautis inducere fraudem  
 Possunt ; & vera procul a ratione recedunt ,  
 Discutere , & multæ mihi sit prævertere curæ .  
 Scilicet <sup>7</sup> is demum veras cognoscere causas  
 Aptus erit , qui secum animo legesque , modosque  
 Ante notet rerum , observans ; penitusque releget  
 Credulus a teneris temere quæ combibit annis .  
 Primum <sup>6</sup> igitur boreamque inter , solemque cadentem ,  
 Hic se ubi sub pelagus ternis ferme abdidit horis ,  
 Nube niger densa , crassusque vaporibus orbis  
 Vix medium , veluti fugiens , metuensque videri ,  
 Sese aperit cælo , & media plus parte recondit .  
 Nec longum ille tamen durat pudor . Extima quippe  
 Zona renidenti paulatim albescere limbo  
 Incipit : hanc aliæ gyro interiore secutæ  
 Lumine inardescunt simili ; variùmque nitentes  
 Luce secant totam , pulchrisque coloribus umbram .  
 At , qui cæcus adhuc caligine flectitur atra ,  
 Limbus agit rimas ; rimis tum protinus actis  
 Exiliunt radorum imbres , & lumina jactant .  
 Non secus ac <sup>7</sup> latix festis quando ignibus arcis

25

30

35

40

45

50

55

Annua

Annua clavigero renovantur sacra Parenti;  
 Lucidus ut tubulis latè crepitantibus imber  
 Detonuit, campisque cadens, & Tybride sedit;  
 Fomite correpto turrim cita flamma per altam  
 Sibilat erumpens, atque ignivomæ Cyparissi 60  
 Ardua murorum rutila cinxere corona.  
 Sæpe etiam media cœli regione videbis  
 Multa coire simul, centroque quiescere in uno  
 Flammarum capita; & latos diffundere ramos,  
 Inque tholi patulam sese componere formam. 65  
 Ut, quum immitis agros, atque aera Cancer adurit,  
 Grata coronatæ texunt umbracula fagi:  
 Aut ut iter gravibus legio permensa sub armis  
 Substitit, & campis tentoria fixit apertis.  
 Sæpe etiam ætherias incendia vasta per oras 70  
 Sanguineumque ignem, & nebulam ferale rubentem  
 Aspicias: terris credas instare supremum  
 Exitium; maculis vultum quum foeda cruentis  
 Altra ruent; quum signa dabit late horrida cælum  
 Judicis adventum testantia; quumque repente 75  
 Ære fremens rauco trepidas fera buccina gentes  
 Ad scelerum pœnas, aut præmia læta reposcet,  
 Aridaque abruptis passim ciet ossa sepulchris.  
 Ah tamen ah, ne tanta time; Nam tempore parvo  
 Paulatim ferus ille vapor mansuescet, & imas 80  
 Æthere sub Scythico cœli procumbet ad oras,  
 Æmulaque eoīs accendet lumina flammis.  
 Ergo lycaoniam siquis conversus ad ursam  
 Hæc videt, eventusque petit primordia tanti,  
 Is primum quæ falsa animo forte imbibit ante 85  
 Exuat, & toto prudens mihi pectore pellat.  
 Incipiens, stulta edico tibi mente facessat  
 Vana superstitio, læsæ quæ Numinis iræ

- Arctoum jubar adscribit, quo nempe minaces  
 Sontibus heu! terris denunciet ante furores. 90  
 Qualiter horribicos cernens ardere cometas  
 Mens sibi cæca hominum variabilis incia coeli  
 Bellumque, horribilemque luem, & dira omnia fingit;  
 Fataque purpurei metuunt suprema Tyranni.  
 Tu sapiens venerare Deos: namque ordine certo 95  
 Fert natura vices, & servant astra tenorem  
 Sorte datum; seu dira instent; seu læta parentur;  
 Atque uno spectant non unos lumine casus.
- Ac ne forte putes tibi me canere impia vatem,  
 Paulisper monumenta ævi lustrare vetusti, 100  
 Præteritosque juvet mentem versare per annos.  
 Committens eventa simul, quam sæpe videbis,  
 Plurima quum gelido sese diffudit ab axe,  
 Composuitque Aurora truces ad tristia vultus;  
 Temporibus tamen ut numquam præsentior ullis 105  
 Adsuerit nobis placidi clementia Cœli?  
 Non tunc armorum sonitus, non sæva per orbem  
 Bella, nec abductis moesti cultoribus agri.  
 Non tunc dira lues hominesve, ferasve veneno  
 Corripuit, tacitove infecit corpora tabo. 110  
 Tempestas sed læta anni vitalibus auris  
 Dispulit omnigeni toto æthere semina morbi,  
 Addidit & venis animos, membrisque vigorem.  
 Non alias tumidis fluxerunt vina racemis  
 Plenius, aut tanto gemuerunt pondere rami. 115  
 Nec tam immensa seges gravibus lætissima culmis  
 Plaustraque tarda boum lassavit, & horrea vicit.
- Contra, quum nullos Boreas ostenderit ignes,  
 Invenies quam sæpe, imo crudelia cuncta  
 Eumenidas vertisse lacu, frugesque malignas, 120  
 Præliaque, & pestes olim effudisse nefandas?
- Sed

Sed quid opus longinqua sequi? Præsentia nostris  
 Indubitare verent quum tot fata aspera dictis;  
 Absolvantque omni borealem crimine lucem.  
 Jam plures<sup>9</sup> fluxere anni; quum nulla Bootes, 125  
 Dum vehitur tardis sera jam nocte quadrigis,  
 Obvia sanguineæ timuit fera lumina flammæ.  
 Quis tamen ærumnas, quis vulnera nostra canendo  
 Enumerare queat, tantoque æquare dolores?  
 Europa infelix! nam quæ te sæva Deorum 130  
 Tam gravibus premit ira malis; quo crimine tanto  
 Heu! tibi tam diras potuisti accerlere pœnas?  
 Regna per immenso septem subjecta Trioni,  
 Sequanicasque arces, atque aurea littora Iberi  
 Volve acies; spectâ, Eridanus qua labitur, & qua 135  
 Fluctibus irrumpens siculo de littore pontus  
 Submovet Italiam, & brevibus discriminat undis.  
 Anne tui latus aspicias, quod tempore eodem  
 Pallida Tisiphone intactum furialibus armis  
 Liquerit, aut diris non sparserit atra venenis? 140  
 Quæ quibus adversa anteferam? Tu prima furentem  
 Dic Messana luem; dic tot miseranda tuorum  
 Funera, & aggestis glomerata cadavera plaustris  
 Excisasque a stirpe domos, censusque vacantes.  
 Adde peregrinæ commercia perdita gentis, 145  
 Atque execratum trepida formidine portum:  
 Et statio illa quidem sessis tutissima nautis.  
 Nec fuit auxilio nobis, quod marmoris æstus  
 Hesperium siculo latus abscidit. Æquora namque  
 Sprevit dira lues; calabræque<sup>9</sup> per oppida terræ 150  
 Jam furit, atque humili stravit latus omne pavore.  
 An memorem exhaustas auroque, & civibus urbes,  
 Anne tot immixtas subvertere cuncta catervas,  
 Anne neces tantas? quum maximus Ister, & Albis,  
 Oenus-

- Oenusque , Scaldisque ingens , Rhenusque , Padusque 155  
 Corpora functa equitum, defunctaq; corpora equorum  
 Voluentes , atque arma unâ , armatosque trahentes  
 Trudere luctanti vix possent agmine fluctus ?  
 Nec tu adeo infestos potuisti evadere casus  
 O longum nullo Martis concussa tumultu 160  
 Tarpejo regnata Patri sanctissima tellus .  
 Sed gravidos Cerere , & felices vitibus almis  
 Vastari insueto flevisti milite campos ,  
 Externas perpessa acies , & non tua bella .  
 Interea obnixa non fecius omnibus oris 165  
 Arma parant reges , nec vulnera sæva verentur  
 Discerptis iterum atque iterum dare plurima membris ;  
 Tantis amor regni , & vincendi dira cupido .  
 Quum videas igitur , luce hac surgente secundis  
 Res fluere auspiciis , contraque latente , nefandum 170  
 Atque luem , atque neces , & ovantia sanguine bella  
 Tollere nocte caput : nihil est cur tristitia posthac  
 Omina hyperboreis pergas affingere flammis .  
 At neque ceu<sup>10</sup> Vero sibi plauserit ille reperto ,  
 Qui jubar arctoum nebulis glacialibus ortum 175  
 Esse docet , quas terra imbres perpessa perennes  
 Ebibit , & superas saturata remittit ad auras .  
 Tamquam , ubi per noctem transverso limite fertur  
 Et propius gelidas Sol abditus aspicit oras ,  
 Comminus injecta sublatos luce vapores 180  
 Afflet , & eoum donet simulare nitorem .  
 Nec minus & vanis deceptum erroribus illum  
 Dixeri ; oppositi qui dum borealia mundi  
 Littora Phebus obit , lateque obducta nivali  
 Percutit arva gelu ; nostrum super æthera lucem 185  
 Orbe alio aggestis credit remeare pruinis .  
 Quique putat gelidi sinuosa volumina nitri ,
- Con-



Concava visceribus quod terra exhalat ab imis ,  
 Sulphure commixto , & collis partibus ignem  
 Corripere , & late scythicas ardere per oras . 190  
 Namque age " , multa licet , nec forsitan irrita , possint  
 Argumenta fidem dictis conradere nostris ,  
 Adverte huc tantum tamen , atque hæc mente reconde .  
 Principio " nebulæ sedes , regioque vaporum ,  
 Solis & epotam spatia apta remittere lucem 195  
 Non sese immensum tollunt , sed limite certo  
 Aëra cingentem terras sincerior æther  
 Ambit , & inclusum brevia intra septa coercet .  
 Prodiga " novi equidem quibus est sententia menti ,  
 Aerialque oras tendunt immanc , sed istum 200  
 Jam jam surgentis non longa crepuscula noctis  
 Discutiunt errorem animi , penitusque resolvunt .  
 Finge etenim immodicis se finibus aera sursum  
 Tollere , & immenso terras circumdare gyro .  
 An dubites , quin multo etiam postquam aurea solis 205  
 Se facies pelago infudit demersa profundo ,  
 Atque procul nostro subter jam distat ab orbe :  
 An dubites , inquam , summæ quin aeris oræ  
 Prospicere ex alto mersum jubar ; atque diurnum  
 Deberent longum nobis servare nitorem ? 210  
 Nonne vides quoniam depressis altius arvis  
 Erigitur superas Pater Apenninus ad auras ,  
 Ut postquam umbravit valles nox prima profundas  
 Tempore adhuc multo celsas lux vestiat alpes ,  
 Temperet atque imas refluo splendore tenebras ? 215  
 Quoque magis fuerit cœlo mons editus alto  
 Longa magis mersi durent vestigia Phœbi ?  
 Ergo idem ab immensis contingeret aeris oris  
 Si tam celsæ abeunt , longumque a culmine tanto  
 Ad latus occiduum nobis spectare liceret 220

Incer-

- Incerta sub luce diem : quod quum æthere nostro  
 Eveniat secus ; & gemina <sup>14</sup> non serius hora  
 Solis ab occasu nigrescant omnia circum ;  
 Ipse tibi infigas animo , statuasque necesse est ,  
 Qui nebulam admittant , & lucida tela repellant 225  
 Finibus aerios modicis se attollere tractus .  
 Atque utinam nullum abnueret mihi Cynthius orsum ,  
 Quidlibet & nostræ possent audere Camœnæ .  
 Ut tibi præceptis , mirandisque artibus usus ,  
 Quas simul Uranie , simul & divina Mathesis 230  
 Prodiderunt , cura unanimes studioque sorores ,  
 Aerios certo <sup>15</sup> metarer limite campos .  
 Sed quoniam innexi pedicis , & compede multa  
 Exultare solo vates non possumus omni ,  
 Hac exposta tenus menti comperta sagaci 235  
 Sint satis , ut Veri possit pertingere metam ,  
 Aëraque inclusum spatiis fateatur iniquis .  
 His animadversis , age nunc , animoque voluta ,  
 Omnis ut in ventos error vanescat inanes .  
 Namque Lycaoniæ seu quis primordia lucis 240  
 Esse velit nebulas , seu promptum ignescere sulphur ,  
 Sive reperiçum malit nivium aggere Solem ,  
 Quandoquidem aërio <sup>16</sup> cuncta hæc clauduntur in orbe  
 Ipsum adeo arctoum lumen quoque limite eodem  
 Siltat opus , nec celsò unquam se accendat Olympo . 245  
 Quam vero certis possum pervincere signis  
 Oppositum , arctoisque altissima culmina flammis  
 Afferere , atque astris propiorem adscribere sedem ?  
 Aëra cum primis quæcumque feruntur in altum  
 Non cunctis late populis , non omnibus oris 250  
 Prospectanda patent : certis sed finibus orbis  
 Cernuntur : qua nempe <sup>17</sup> tenus demissus ab ipsis  
 Conradit summæ radius curvamina terræ .

Quo-

Quoque minus<sup>18</sup> celfo confurgent corpora cœlo  
 Lucida procurret breviorẽ lineã tractum , 255  
 Preffaquẽ terreno citius dabit oscula dorfo .  
 Quæ se igitur modicè tollunt in luminis auras ,  
 Nec sola terrarum ingenti sprevere volatu ,  
 Illa quidem populis venient spectanda propinquis  
 Per gyrum ; at genti paulum licet inde remotæ 260  
 Condentur ; fugientque omnes impervia visus .  
 Aspicias aërii dum forte cacumina montis  
 Albani sive arce jugi , seu Tusculo alto  
 Lætus obis , lustralque oculis spatia omnia circum ;  
 Ut nusquam nebulæ campis , nusquam æthere nubes , 265  
 Purus at immensas pateat prospectus in oras ?  
 Et tamen hetruscos tunc forsitan imbris agros  
 Tempestas glomerata quatit : fremit horridus æther  
 Murmura longa ciens ; strepitatque volatile telum ;  
 Et tibi non visam jactant cita fulgura lucem . 270  
 Scilicet obtutum telluris curva rotundæ  
 Forma negat , radiumque ad te per longa viarum  
 Tendentem , rectâque oculos regione petentem  
 Detinet , & tumido retro excutit invida tergo .  
 Et quamquam spatio surgant ibi nubila multo , 275  
 Te tamen<sup>19</sup> haud longe diversa in parte morantem  
 Tecta latent , cæcisque tibi sunt abdita terris .  
 Usque adeo quidquid cœli super ardua fertur ,  
 Pluribus ut curvi prodat se partibus orbis ,  
 Sydera summa petat , tendatque immane necesse est . 280  
 Pone igitur , gelidis lucem quæ desuper arvis  
 Imminet , aërios intra consistere fines ,  
 Atque ita se terris non longe efferre relictis .  
 Nonne vides , ut sola illam spectabit acutis  
 Gens perflata curis , quam vertice rectus ab alto 285  
 Despicit , immensis circum dum flexibus errat ,

H

Et

Et geminas inter Serpens elabitur arctos ?  
 At populis rigidam sensim fugientibus urfam  
 Quamquam avidis pulchrasque genas , varioque decorum  
 Flore videre caput , vultum nunquam illa nitentem 290  
 Deteget , & cupidos vana spe ludet amantes .  
 Verum ut cuncta <sup>10</sup> secus ? Terris namque inde remotis ,  
 Depressumque magis coeli spectantibus axem  
 Arce super scythica sese dat sæpe videndam  
 Ardua per noctem , roseæque in luce resulget . 295  
 Nec boreæ ad partes illam Thule ultima tantum  
 Sauromatæque , Getæque vident : sed achaica quisquis  
 Rura domat , quicunque tuos , Germania , campos ,  
 Et penitus nostris divisa Britannia terris .  
 Non aliter positam Galli spectatis , & omnes 300  
 Qui ditem Hesperiam colitis , quique ima tenentes  
 Littora , thirreni qua frangitur unda refusi ,  
 Oppositas libycæ ripas habitatis arenæ .  
 Nec mihi tu <sup>11</sup> varium variis pro partibus orbis ,  
 Iridis ut roseo contingere cernis in arcu , 305  
 Finxeris esse jubar ; quod ab aere scilicet omni  
 Quo te cumque seras certâ sub lege remissum  
 Usque novum subeas , diversumque usque receptes .  
 Ecquid enim fufis circum jam quaque tenebris  
 Aeris in clypeum , redeant quo deinde repulsæ , 310  
 Sole queat dempto , rutilas torquere sagittas ?  
 Qui vero nostris aer conterminus agris  
 Spicula Titanis multa jam nocte latentis  
 Pervius excipiat , terris ni se efferat imis ,  
 Atque interjecti sese eximat objice mundi 315  
 Altus in immensum , & caput inter sydera condât ?  
 Quod procul , ut docui , quum recto a tramite aberret ,  
 Mutandi sensus ; Scythicæ quamque incola terræ  
 Prospicit Auroram , nobis quoque fulgere eandem ,

At-

Atque adeo cunctos unam adspectare necesse est . 320

Quæ quum ita res habeant ; multo ergo excelsius illi  
Principium luci , atque altam super æthera sedem  
Figere opus ; nebulisque procul , nivibusque remotis  
Ætherio tandem cunabula ducere olympo .

Quâquâ animi haud fallor , superare hanc carmine partē 325

Pieriumque jubar tenebroso affundere Vero  
Difficile esse , adeo latii sermonis egestas ,  
Et pulchris rerum novitas conatibus obstat . .

Sed me laudis amor , doctarumque urget aquarum  
Longa sitis : juvat ire viam , quâ sentibus altis 330

Horret ager , penitusque novos aperire recessus ,  
Quamlibet hirsuti minitentur vulnera vepres .

Qualiter ingenti fervens si cervus ab æstu  
Prospiciat summis descendere rupibus undam ,  
Protinus & montes , & iniquos transilit agros , 335

Exuperatque rubos omnes , cuncta aspera vincit  
Alta petens , non ille viæ , non ille laboris ,

Dumorumque memor ; donec potiatur amatis  
Victor aquis , totoque avidus se proluat amne .

Principio ,<sup>21</sup> veluti partes fusum undique in omnes 340

Ærium terras cingit mare ; sic quoque solem ,  
Ipsam onerosa premens , longe protenta vaporum

Circum ambit regio , & magno se corpore fundit .  
Indicio satis est feralis cauda cometæ

Soli averfa micans ; cujus depromere causas 345

Siquis nempe velit ; certi nihil efferet unquam ,  
Ni liquidam ille prius phœbeæ lampadis auram

Adstruat , in Solem quæ sese addenset , & ipsa  
Lumina terrifici complexibus ambiat astri .

Scilicet assiduos quacunque e parte vapores 350

Luctificum emittit Sydus : queis dum undique fufis  
Aura neque iis gravior , spatium neque densius ullum

- Ceptum turbat iter, totum tum æqualiter orbem  
 Syderis obvolvunt circum, stellamque comantem  
 Composita in gyrum cernes fulgere corona. 355  
 Ast ubi phœbeo caput est immissa liquori  
 Stella minax, nebulas onerosior ille volucres  
 Trudit in averſam partem, retroque repulſas  
 Cogit in oblongæ ſpeciem ſe vertere caudæ.  
 Non ſecus ac gravior, terras qui comprimit, aer 360  
 Turbinibus fumos ſuper æthera pellit acutis:  
 Aut veluti per agros paſſis threiffa capillis  
 Quum volat Harpalice, ſi ſtantibus obvia ventis  
 Ora tulit, fugere comæ, atque a fronte retortæ  
 Coniferi ad tergus formam acceperè manipli. 365  
 Hæc autem <sup>11</sup> auricomum quæ circum didita Solem  
 Aura premit, fines nec ſemper ſervat eorſdem,  
 Nec ſine fæce nitet; ſed gyrum egreſſa priorem  
 Sæpe tumet; nebulasque ſuas, ſua nubila novit.  
 Namque ubi <sup>12</sup> vibratæ reparavit ſemina lucis, 370  
 Et multo nebulæ Sol eſt recreatus ab hauſtu,  
 Tum ſatur epotos media inter lumina ſumos  
 Evomit exhalans; piceoque volumine pulchros  
 Ipſe ſibi maculat vultus, tenditque liquentem  
 Longiùs aſſueto, quo circumfunditur, Orbem. 375  
 Nec tamen <sup>13</sup> interea trajecto ſegnīs in axe  
 Otia Phœbus agit; ſtabili ſed lege rotatus  
 Volvitur in ſeſe, & liquidam vertigine eadẽ  
 Quolibet incluſo raptat cum corpore molem.  
 Quod ſi jam certis cupias cognoscere ſignīs, 380  
 Illa dabunt maculæ, quæ ſeu glomeramen in unum  
 Denſentur, tenui plures ſeu mole ſerantur,  
 Sive globi mediâ, quavis ſeu parte reſidant;  
 Non tamen hæc citiùs, non ſeriùs illa, ſed omnes  
 Concordi incedunt circum Titana meatu 385  
 Tem-

- Temporibusque suos peragunt æqualibus orbes .  
 Haud etenim maculis adeo variantibus idem  
 Nisus , & unanimi constarent fœdera motus ,  
 Ni Sol ipse , suum dum se convolvit in axem ,  
 Abriperet jussas secum , similesque <sup>16</sup> per arcus 390  
 Duceret : atque adeo totam cum nubibus auram  
 Verteret in gyrum domini violentia Phœbi .
- At super hæc id præcipuum præque omnibus unum  
 Discere ne pigeat , memorique in pectore serva .  
 Scilicet ætheriæ <sup>17</sup> moles , quam diximus , auræ , 395  
 Illa quidem Solem quoniam premit undique , & omnes  
 Æquato circum librantur pondere partes ;  
 Ni vis ulla obstet , formam affectare rotundam  
 Nititur : at rapidos in se revoluta rotatûs  
 Jussa pati , optatum tum linquere protinus orbem 400  
 Cogitur , & pressæ speciem confingere lentis .
- Hanc invita tamen cur induat illa figuram ,  
 Dicite Pierides : neque enim sine Numine vestro  
 Tam penitus merfas tenebris educere causas  
 Audeam , & hanc lucem tantis afflare repertis . 405  
 Fulmineas alii ducant in bella phalanges ,  
 Æraque grandiloquis mavortia cantibus æquent .  
 Ille sophoclæis evinctus crura cothurnis  
 Ambulet , & resoni latus attonet omne theatri .  
 Torqueat hic satiras , & acutis pugnet jambis . 410  
 Atque alius teneræ correptus amore puellæ  
 Aut elegos canat , aut siculi Pastoris <sup>18</sup> avenam  
 Exploret digitis , & dura ad limina pernox  
 Sæpe jacens , curas cantu soletur inani .  
 Ast ego corda gerens meliori concita thyrso , 415  
 Invia naturæ penetrare arcana latentis  
 Persequar , & clausum latebris extundere Verum ,  
 Utiliusque canam Romana per oppida carmen .

Quod

- Quod superest igitur, Nymphæ, Jovis aurea proles,  
 Aonides Nymphæ, jamdudum ignota recurvi 420  
 Fæderaque, & leges mecum recludite morûs;  
 Dum chorus Arcadiæ, Vatum dum turba faventum  
 Dant animos, vocesque cavis Tyberinus ab antris  
 Congeminat, totâque volens admurmurat undâ.
- Principio <sup>19</sup> quidquid sedes mutare quietas 425  
 Incipit, impressoque novas petit impete partes,  
 Rectum iter affectat; nec ni pugnantis actum  
 Viribus ad curvos invitum flectitur arcus.  
 Hinc forte <sup>19</sup> ingratos si cogitur ire per orbes  
 Centrum odit morûs, & tramite nititur illo 430  
 Currere, curvatum pergit qui radere tergus.
- Nec mihi mirandi certa argumenta reperti  
 Aut adytis Phœbi, aut Sophiæ penetralibus altis  
 Quærere opus: saxo tu tantum instructa rotanti  
 Stuppea volve manu balæaris verbera fundæ. 435  
 Hic manifesta fides: circum namque inter eundum  
 Perpetuo dextram fugiet lapis; atque morantem  
 (Tantum odium centri) nunquam non tendet habenam.  
 Tum si forte unum linquas caput; ilicet orbem  
 Deferet; & rupta veluti jam compede amatum 440  
 Nactus iter; recto petet igneus avia cursu.  
 Ne tibi contingat stridenti, aurasque secanti  
 Adversam frontem, aut sorte obvia tempora ferre.  
 Nam velut ære cavo sonitu pila missa tonante  
 Concita findit iter, valido sic impete adactus 445  
 Irruet, & fracto sese abdet in ossa cerebro.  
 Talis idumea Terebinthi in valle Gigantem  
 Terribili fretum clypeo, atque ingentibus armis  
 Jessiades stravit Pastor; vastoque timendum  
 Corpore in immensa percussus extendit arena. 450
- Præterea (ut nostris non orsibus apta probandis  
 Plu.



Plurima " dissimulem , doctis quæ prodita chartis ,  
 Ni pigeat , potes ipse tua cognoscere cura )  
 Illud in hoc motu noris super omnia ; curvum  
 Quidquid currit iter , centroque recedere tentat , 455  
 Tam magis eniti petere avia , tempore eodem  
 Quam magis extenso circum convolvitur orbe .

At non huic etiam " rationem adjungere parti ,  
 Nec tam dura meis superare inventa camœnis  
 Ausim audax , tu docta Virûm monumenta priorum 460  
 Assiduus versa ; atque tuo tute ipse labore  
 Vince , quod aonias non posse fatemur Alumnas .  
 Præcipue tamen Hugeni dæ comperta revolvās ,  
 Hugeni dæ magni , cursus ubi " solis iniquos  
 Emendare ausus , jussit momenta notantes 465  
 Rectius ire rotas , & Phœbo certius æquas  
 Pondere vibranti tempus discrevit in horas .

His animadversis , " rapido circumdata soli  
 Lentis in effigiem cur se premat aura , patefcet .  
 Quippe voluta suum dum se rotat usque per axem 470  
 Unum omnis non currit iter ; sed tergore summo  
 Inter utrumque polum spatiis ubi finditur æquis  
 Circuitu majore ruit , sensimque minores  
 Declivis latus ad geminum torquetur in arcus .  
 Inde autem ( ut nostris proum est deducere dictis ) 475  
 Quas ingens medias circum rapit orbita , partes  
 Acrius aufugiunt centro ; quantumque fugaci  
 Conatu exuperant , tanto gravitate minori  
 Et magis exhaustis Titanem viribus urgent .  
 At latera angustos magis ac magis acta per orbes 480  
 Ponderis amittunt minus , & minus avia tendunt  
 Ire loca , ac multo Phœbi retinentur amore .  
 Tum quia quum gyro sensim brevior ferantur ,  
 Quod sequitur , minor illa fugæ ac minor incitat ardor ;

Tum

Tum quia non uno averſæ ſibi tramite pugnant 485  
 Hinc fuga, & hinc gravitas: fuga namque recedit ab axe,  
 At gravitas medium recto petit impete ſolem.  
 Tum vero Phœbi liquidus ſeſe attrahat humor  
 Hinc atque hinc; mediaque aſſurgat parte neceſſe eſt.  
 Namque polos circum gravitas cum plurima vires 490  
 Exerat; at tergus ſenſim languſcat ad altum,  
 Haud mora, utrumque latus majori pondere centrum  
 Urget amans, ſurſumque leves abſcedere partes  
 Imperat, & Phœbo pugnat gaudere propinquo.  
 Non aliter, tubulo quam ſiquis forte retorto 495  
 Palladis hinc ſuccos, illinc infuderit undam;  
 Acrius optati ſuccenſa cupidine centri  
 Unda gravis magis ima petit; ſuperaſque ſub auras  
 Æmula deviçtæ latices extrudit olivæ.  
 En igitur cur ſe Phœbi tenuiſſimus aer 500  
 Comprimat ad latera adſtringens, mediuſque tumefcat,  
 Et peluſiacam referat ſub imagine lentem.  
 Nunc, quoniam <sup>17</sup> noſtris hæc ſunt quoque commoda ceptis,  
 Quo compoſta ſitu lens hæc liquidiffima ſedem  
 Fixerit, & cœli rutillet qua parte, docebo. 505  
 Primum igitur <sup>16</sup> poſitu non multum abludit ab illo,  
 Quo cœlum obliquus ſignorum dividit ordo.  
 Illius hinc faciem <sup>17</sup> nunquam adſpectare rotundam,  
 Nec dabitur toto ore frui, niſi ſolis ad axes  
 Audens ceratis te Dædalus-evehat alis, 510  
 Aut phaetontæ rapiant ſuper alta quadrigæ.  
 Nam cum ſe obliquam terras tranſvertat ad imas,  
 Nec niſi compreſſa nobis det parte videndam,  
 Ni tollaris humo, rigidum mucronis acumen  
 Aut magici <sup>18</sup> tantum ſpeciem mirabere rhombi. 515  
 Præterea ut <sup>19</sup> vario, vario pro tempore, flexu  
 Signifer heſperias ſe circulus abdit in undas,

Sic

Sic Mucro ille micans nostro conspectus ab orbe  
Nunc magis incumbens, nunc cuspide rectus acuta  
Occidit, & cursu comitatur signa secundo. 520

Ergo age, quum recto mergantur in æquora lapsu  
Frigidus atque hyemem referens Capricornus aquosam,  
Amphoraque, & Pisces, Vectorque athamantidos Helles,  
Taurus, & alterno redeunt funere fratres;

Sic pariter primis Mucro ille a mensibus anni 525  
Rectus obit, frontemque elatus sustinet altam  
Usque sub horrentes flavæ jam messis aristas.

Contra, quum pronos peragant reliqua astra meatus,  
Atque obliqua cadant; sic tunc ille abditur undis  
Pene jacens, intraque extrema crepuscula Solis, 530  
Non jam nocte nitens, non jam adspectabilis ulli.

Opposita est ortus ratio. Nam pronus in æquor  
Quum cadit, Eois oriens tunc surgit ab oris  
Rectus: at Eois emergit pronus ab oris,  
Rectus in occiduum moriens quum conditur æquor. 535  
At non " quâ lybicæ gentes, ardentiaque arva,  
Vastus & ignoto descendens Nilus ab ortu,  
Quaque secatur tostas æquatrix linea terras.

Illic nam partes vix inclinatur in ulla  
Seu quum mane novo celsum petit æthera, seu quum 540  
Conditur opposito serâ jam nocte cubili.

Id tamen observa, " neque tunc cum tramite recto —  
Aut cadit aut surgit, semper se offerre videndum  
Nec super incertum Solis se attollere lumen.  
Ni simul affusam circum forte auxerit auram 545  
Phœbus, & immenso protenderit orbe vapores.

Neve hæc " cuncta meæ mendacia vana Thalix  
Esse putes, serus placidi per tempora Veris  
Respice ad occasum; contra quum mitibus uvis  
Floret ager; veritas te matutinus ad ortum 550

Nondum Sole novo, nondum cedentibus astris.  
 Cernis ut interdum nostri sub limite cœli  
 Mersa pedem, & magno signorum extensa sub orbe  
 Candeat, atque ingens micet inter sydera cuspis?  
 Scilicet hæc liquidæ pars est nitidissima lentis 555  
 Æquore jam mersus quam secum pone sequentem  
 Sol rapit, aut primo præeuntem emittit ab ortu;  
 Ipse cum forte aer majore tumescit  
 Circuitu, & superas spatiosius occupat oras.  
 Quis tamen " hanc primus lucem quis prodidit auctor; 560  
 Et studiis spatia ampla dedit, " quæ deinde Nepotum  
 Excoleret labor, & variarum semina rerum;  
 Occultosque illinc meditando extunderet ortus?  
 Scilicet ingenio decora hæc post sæcula tanta  
 Contigerunt, " Cassine, tuo: latera omnia Cœli 565  
 Dum peragras Victor, totumque recludis olympum  
 Lutetia in magna, atque italos tutaris honores.  
 Salve magne Heros, nostris decus addite fastis  
 Ausonizque jubar. Nam cui tam dexter Apollo,  
 Carmine ut expediat, quantum tibi debeat altrix 570  
 Italia, & quantum tanto se attollat alumno?  
 Vix tua nam magnum latè vulgata per orbem  
 Obruerunt doctas comperta ingentia mentes,  
 Et simul Italiam Tamesis, Rhenusque bicornis,  
 Sequanaque, atque Albis, fontesque binominis Istri 575  
 Insonuere procul, plausuque frementibus undis  
 Italiam æquoræ geminavit murmur arenæ.  
 Ergo tibi meritas tantæ pro munere famæ  
 Oenotrii semper solvemus carmine grates;  
 Semper rite tuos super astra seremus honores. 580  
 Ut te prima sacris nascentem exceperit ulnis  
 Uranie, Divûmque epulis, & nectare pastum  
 Altrorum magno puerum " inflammavit amore.

Ut

Ut tibi fessinei <sup>47</sup> quâ sternitur area templi  
 Duxerit ipsa manus , certo dum signa notares 585  
 Tramite , quæ medium quum Sol terit arduus axem  
 Fornicis immissus per summa foramina lustret .  
 Magnum opus , & magnos aptatum munus ad usus .  
 Utque Deæ volucris raptus super æthera curru  
 Protinus antiquis tam multa incognita seclis 590  
 Prodideris . Tu <sup>48</sup> Solis iter , Lunæque meatus  
 Ad certos revocas numeros ; tu digeris omnes  
 Sydera quos peragunt Phœbo famulantia cursus .  
 Te Cœlo nil , Magne , latet . <sup>49</sup> Tu sydera septem  
 Quantum elata procul , quam grandi mole serantur 595  
 Arte doces mira , & certo jam limite signas .  
 Nec tibi <sup>50</sup> jam Mauors , nec Juppiter , æquior ignis ,  
 Nec Venus alma suos in se revoluta rotatus  
 Non retegunt ; vultusque omnes ostendere gaudent .  
 Parva loquor : <sup>51</sup> tibi tota Jovis jam se alta recludit 600  
 Regia ; jamque tenes , quo se ordine quisque Satelles ,  
 Qua se lege ferat , nobis quo tempore honestum  
 Aut retegat caput , aut Domini se condat in umbra .  
 Nec satis hæc : tu <sup>52</sup> Saturni socia agmina , & omnes  
 Enumeras circum comites : tu pluribus illum 605  
 Stipatum famulis Nati superare cohortes  
 Detegis , & vani rides mendacia Pindi  
 Qui trabea , & sceptro spoliatum finxit adempto .  
 Non <sup>53</sup> infixâ polo , superisque hærentia tectis ,  
 Lumina , non vasto redeuntes orbe cometæ 610  
 Ingenium fugere tuum ; quamquam ardua tantum  
 Tendant ire loca , & spatiis se immanibus abant .  
 Tu quoque <sup>54</sup> depressas dignatus visere terras  
 Quam gerat , & quanta tumeat Globus iste figura  
 Vestigare doces : studium a te principe fluxit 615  
 Omne Pater , quo celsam adeo se Gallia nuper

Extulit, & tantum peperit sibi sedula nomen.  
 Utiliora vocant. " Per te molimine nullo  
 Defectus nitidi varios prædiscere Solis  
 Jam licet; & parva terras referente papyro 620  
 Æthere projectam jam pingere novimus umbram.  
 Maeste operum felix. Tua terris didita virtus  
 Omnibus in voto est: tibi ponunt " præmia magni  
 Certatim Reges: cunctis te gentibus unum  
 Objicit Italia, & tanto jam nomine tuta 625  
 Attollit caput alta, atque omnes provocat oras.  
 Salve iterum, salve immensi scrutator olympi,  
 Pulchraque pectoribus præsens studia inferre nostris.  
 Sic tibi per populos grato modulamine passim  
 Ausonii plaudent Vates; super omnia " Natum, 630  
 Ingentem Natum, patria neque laude minorem,  
 Surgentesque & Avo dignos & Patre Nepotes  
 Plausibus adjicient; tellus procul omnis, & æquor  
 Concinet, & voces Cœli convexa remittent.  
 At nos Arctoæ primordia pandere lucis 635  
 Interea, & Musis haud mollia cepta sequamur.  
 Primum " igitur tibi sic statuo; quoniam undique Solem  
 Aerium, ut docui, latè circumprimit æquor;  
 Principium glaciale Jubar deducere ab isto  
 Aere; qui nostræ dorsum diffusus in auræ 640  
 Interdum, & geminos confluxu densus ad axes  
 Exhibet eoum boreæ de parte nitorem.  
 Nec mihi " transversam fallit sententia mentem  
 Præsidii orbata suis: namque aptius usquam  
 Et nihil invenies, atque hinc aptissima sumi 645  
 Semina hyperboreum noctu fundentia lumen  
 Protinus expediam, faveat modo Musa canenti  
 Difficilesque orsus facilis tutetur Apollo.  
 Præterea " nostris valeas quo fidere dictis

Tutius,

B O R E A L I S .

- Tutius , atque animi motus firmare labantis , 69  
 Contemplator : ubi exiguum titanius aer 650  
 Longius a terris sese collegit in orbem ,  
 Nulla per hibernos fundit se flamma triones .  
 Ast idem immodicos ubi prodigus æthere fines  
 Protulit , & terras propior descendit ad imas , 655  
 Plurima tunc pariter se lux nocturna videndam  
 Præbet , & odrysios latè tenet ignea tractus .  
 Quæ si animo reputes , nihil est quin protinus istis  
 Doctus ab indiciis , boreali exordia flammæ  
 Titanis liquidum statuas præbere vaporem . 660  
 Nunc vero quonam ista queant contingere pacto ,  
 Quamque lycaoniis hæc sint accommoda flammis  
 Semina , materies quantum sinit aspera , dicam .  
 In primis " rutilam , Phoebum quæ comprimit , auram ,  
 Surgit & ad superas in morem cuspidis arces , 665  
 Circuitu quandoque imas comprehendere terras  
 Haud dubium est : spatium puro quo candida cœlo  
 Porrigitur , certis dabit id cognoscere signis .  
 Namque a Sole caput si tam protendat acutum ,  
 Etheris ad quartam pertingat ut ardua partem , 670  
 Terrenam extremo ( sic te divina Mathelis  
 Haud dubitanda docet ) conradit limite molem .  
 Ergo quum fines interdum proferat amplos  
 Longius , ut noctu licet observare tuendo ;  
 Non dubium , terras quin tunc transcurrat inertes , 675  
 Ambiat & totum liquidis complexibus orbem .  
 Hoc autem Veri posito fundamine , mecum ,  
 Quod superest , jam mira hominum comperta revolve .  
 Scilicet " ut magnes , & duri pondera ferri  
 Se pariter rapiunt , & in oscula mutua tendunt ; 680  
 Corporibus cunctis sic corpora cuncta trahuntur  
 Atque trahunt ; seseque arcano foedere ducunt ,  
 Non

- Non tamen hoc illis robur Deus addidit auctor  
 Certa lege carens, "major sed copia cuique  
 Materiæ ut sorte est, tanto ad se cætera circum 685  
 Imperio graviore vocat, conjunctaque secum  
 Tam magis adstricta pergit retinere catena.  
 Præterea hæc virtus, quæ corpore prodit ab omni  
 Undique per gyrum in formam sine fine rotundam,  
 Se gradibus tenuat certis, atque ordine certo 690  
 Languet fessa via, viresque amittit eundo.  
 Tam magis a primo nimirum debilis ortu,  
 Quam magis extensum latè se effundit in orbem.  
 Quodlibet hinc corpus, ceu jam tibi cernere pronum est,  
 Proxima quæque sibi valido conamine jungit. 695  
 At spatio liqua aufugiunt distantia multo  
 Vix ea non temnit, tenuique cupidine captum  
 Segnius illa vocat, laqueosque intendit inertes.  
 Illud in his rebus nec te mihi forte labantem,  
 Incertum nec mente ferat; quod mutua nempe 700  
 Vincula, queis cæco ducunt se corpora tractu,  
 Tangere nec manibus, neque lumine cernere possis.  
 Namque tui nequeunt quo sese immittere sensus  
 Pervades ratione animi, modo pulchra Parentum  
 Inventa, & vigiles libeat cognoscere curas, 705  
 Et cæcas sua per vestigia quærere causas.  
 Ergo age, "jam mecum circum Titana meantes,  
 Diverfoque suos peragentes tempore cursus  
 Contemplare ignes, atque id magis omnibus unum 710  
 Mente nota; ut centrum nimirum in Sole locarit  
 Motus quisque sui; tum nunquam rectus aberret,  
 Semper at incurvos decurrere pergat in orbem.  
 Hinc etenim tibi vincla, quibus se corpora ducunt,  
 Fœderis & tanti vestigia prima patefcent.  
 Nam siquidem, supra ut docui, lapidisque rotati 715  
 Claruit



Claruit exemplo , circum quæcunque feruntur  
Curvam odere viam , longeque per æthera rectum  
Tendunt currere iter , studio quoque fervere eodem

Sydera perpetuo Titanem obeuntia gyro ,  
Etherialque procul rectâ abscessura per auras 720

Quis dubitet ? nodo ad centrum religata tenaci  
Ni trahat abdita vis , nisumque eludat inanem ?

Est in Sole igitur , rapido quem concita motu  
Circumeunt , Vis illa trahens , quæ munia fundæ 725

Præstet , & ingrati per curva volumina gyri

Sydera contractis fugitiva retinetet habenis .

Moribus atque iisdem quum se famula astra revolvant

Saturni , comitesque Jovis , terræque Satelles

Cynthia , nec curvos linquant unquam avia cursus ;

Falcifer ipse senex , & Juppiter , imaque tellus 730

Corpora non visâ ducant ratione necesse est .

Nec mihi ut effugias ducentes corpora vires ,

Vorticibus<sup>66</sup> peragi , quos diximus ante , rotatus

Forte putes ; istud claudunt tibi namque cometæ

Perfugium , castrisque vetant desciscere nostris . 735

Vix immersti etenim rapidi in freta versa liquoris ,

Qui circa solem vaga sydera turbine portat ;

Protinus ipsi etiam in partes raperentur easdem

Cum Jove , Saturnoque , & diri lumine Martis ;

Vorticis & cursu sequerentur jussa secundo . 740

Ergo aliter posito cum se ferme orbe volutent ,

Syderibusque illis quocunque a cardine cœli

Transversi excurrant , obversa aut fronte ferantur

Vi nulla torquente viam ; circumdata soli

Sydera per purum nullus rotat æthera vortex . 745

Præterea<sup>66</sup> samæ nisi præmia digna perennis

Ipse tibi inideas ; magni admirator olympi

Astrorumque vias ; positusque , & tempora serva .

Nonne

Nonne vides , ut stella Jovis , graviusque Parentis  
 Sydus , & adstantes in gyrum utrique cohortes 750  
 Interdum , coeli contra quam posceret ordo ,  
 Corripiant alios inopino tramite cursus ?  
 Motibus atque suis adeo exturbentur , ut ipsa  
 Hæreat Uranie , totumque per æthera cæcas  
 Attonitæ similis conetur quærere causas ? 755  
 Scilicet eventus ratio sero agnita tanti  
 Principium inde capit , quondam quod lumina sedem  
 Juppiter , & Genitor commiscent proxima in unam ,  
 Majorique ideo se tunc conamine ducunt .  
 Ut vero propius vires sensere vocantes , 760  
 Protinus assuetis digressi finibus ambo  
 Imperio inter se parent , raptique vicissim  
 Sese adeunt , properantque globos conferre propinquos .  
 Et ni transversus vetet impetus , immemor iræ  
 Et Pater , & Natus jam jam oscula dulcia figant 765  
 Forsitan , & junctis componant foedera dextris .  
 Quid quod <sup>67</sup> & horridi volvant quo se orbe cometa  
 Præscius haud statues , si non tibi legibus iisdem ,  
 Astra quibus tendunt in solem errantia , tendant ?  
 Quid quod <sup>68</sup> & implexos Lunæ prædiscere motus 770  
 Haud tibi fas fuerit ; Fratris nisi jussa sequentem  
 Constituas , varioque advertas robore raptam ,  
 Ut positus tulerint varii , & vicinia major ?  
 Atque ipsi <sup>69</sup> immensum nisi Lunæ obtemperet æquor ,  
 Nec tibi Pierides , nec carminis auctor Apollo 775  
 Prodiderint unquam , *qua vi maria alta tumescant*  
*Objicibus ruptis , rursusque in se ipsa residant ?*  
 Quid demum , <sup>70</sup> quod possum etiam tibi multa referre  
 Corpora , quæ miro jungunt sibi cætera nexu ,  
 Atque ita magna meis superaddere pondera dictis ? 780  
 Verum hæc , quandoquidem breviores ducere gyros  
 Tem-

Tempus , & optatæ spatia intima radere metæ ,  
 Prætereo , atque aliis post me referenda relinquo .  
 Tu tamen his signis , atque hæc exempla secutus  
 Conjice de reliquis , & quod contingere in istis 785  
 Corporibus cernis , quæcunque ad corpora prudens  
 Transfer , & in cunctis vires agnosce trahentes .

Atque utinam hæc leges , arcanaque robora solum  
 Exanimis raperent moles ! verum omne ferarum  
 Æquoreumque genus , pecudes , pictasque volucres , 790  
 Ipsaque corda modis agitant mortalia miris .

Quoque animi studium vocat , atque innata voluptas ,  
 Quisque suos patimur raptus , ferimurque sequendo .

Ille ubi fulgentis radiat spes ulla metalli

Protinus accurrit ; temnit coelumque , fretumque 795  
 Dira minans , pelagoque animam committit , & austris ,  
 Claudit & implacidas cunctis revocantibus aures .

Ostentent patriæ blandam secunda quietem

Tecta domûs , tendantque manus e littore nati ,

Desertaque uxor lachrymis perfundat arenas . 800

Armorum hunc fremitus , dubiique pericula Martis

Insidiæque , iræque juvant ; fert obvia ferro

Pectora , flammiferos audens procurrat in ictus ,

Accipit & glandes interritus aure volantes ;

Tantus amor laudum , & referendæ gloria palmæ . 805

Hunc resonantem plausus , doctrinæque addita fama

Corripiunt : vigilat noctes , studiisque Minervæ

Attritus longi spatium sibi demetit ævi ,

Mandet ut æternum ventura in sæcula nomen .

Ast alius titulos multum admiratus , & ostrum 810

Sarranum , domina canescere perstat in aula ,

Et patiens nutus nunquam non servat heriles .

Invidiæ stimulis & nunc agitatus amaris

Pectora , nunc atra mentem turbatus ab ira ,

K

Perdit

- Perdit inops animi melioris tempora vitæ, 815  
 Serus ad optatos ut tandem evadat honores .
- Quid juvenes , quos durus amor sævo implicat igni ,  
 Luminaque adductis rapiunt formosa catenis ?  
 Scilicet hic Helenam thalamis abducere adulter  
 Accelerat : frustra flammæ inimica minantur 820  
 Numina ; nec monitis retinet Cassandra tremendis ,  
 Nec ruitura super regali a culmine Troja .
- Alter <sup>71</sup> in adversæ prospectans conscia turris  
 Lumina , nimbisonis findit convulsa procellis  
 Cærule nocte natans : quem desuper imbribus atris 825  
 Pulsat hyems ; versumque austris furialibus æquor  
 Haurit , & oppositis extinctum advolvit arenis .  
 Illa autem ejectum ut vidit miserabile corpus ,  
 Pallentes laniata genas , laniata capillos  
 Crudeles fluctus , crudelia compellavit 830  
 Sydera , crudelem sese quod talia cernat :  
 Exanimem in sedes famulæ retulere paternas .  
 At crudelis Amor sublatam e turre lucernam  
 Qua disposita sui servat monumenta furoris  
 Transtulit : atque illam exesam rubigine multa , 835  
 Dum tabulas , & prisca Dei signa ænea lustrant ,  
 Viderunt seri post sæcula longa nepotes .
- Sed volat heu nimium volat irrevocabile tempus ,  
 Dum quacunque hilares pandunt mihi devia campos  
 Attrahor ipse etiam ; florumque abreptus amore 840  
 Digrediorque via , salebrosoque cepta relinquo .
- Ergo age , deserti repetamus ut aspera callis ;  
 Illa trahens Virtus tam multis prodita signis  
 E Phoebo , <sup>72</sup> terraque fluit ; seque obvia fundit  
 Utraque ; perque auras siquod forte inter eundem 845  
 Offendunt Corpus , pro se ambæ adducere certant .  
 Et licet arcano rapiendi robore vincat ,

Materia " ut vincit , nostrum Sol aureus orbem ;  
 Ille tamen locus est , ubi dextram viribus æquis  
 Conferat , & paribus tellus se ostendet in armis . 850  
 Vis etenim solis quamquam ipso in limine major ,  
 Quum diffusa tamen spatiis multum inde remotis  
 Languescat multum : at terris quæ prodit ab imis  
 Quamquam exorta minor , tamen istinc didita paulum  
 Quum pariter paulum primo de robore perdat ; 855  
 Proximus hinc nobis , longeque a Sole recedens  
 Certus inest limes " , quo tandem æquentur , & hostem  
 Etherium tellus justo jam marte laceffat .  
 Terminus hic autem terris , Phœboque trahenti  
 Dividit imperium , & regni confinia signat . 860  
 Illinc namque supra quidquid se tollit ad auras  
 Obsequitur Phœbi jussis ; at deinde quod infra est  
 Imperiis paret terræ , gradibusque citatis  
 Ad Dominæ voces nostras descendit in oras .  
 His vero emerfus salebris jam currere mecum 865  
 Cætera perge alacer ; longi nam meta laboris  
 In manibus , jam jamque terit spatia intima currus .  
 Namque vapor Solis , siquidem , ceu constitit ante ,  
 Crescit , & immenso quandoque tumescit ab auctu ,  
 Commemorata super præter confinia vectus 870  
 Egreditur Phœbi regnis , & corpore vasto  
 Interdum nostris intrat loca subdita terris .  
 Hoc autem simul evênit , simul æthere ab alto  
 Terrenos fines quæ pars ingressa subivit  
 Jam magis atque magis tellurem audire vocantem 875  
 Incipit , & Domini jussus dediscere Solis .  
 Et nî , " circa axem quo se rotat , impetus illam  
 Abripiat , Phœbique iterum sub jura reportet ;  
 Auricomumque Patrem , partesque oblita sorores  
 Lapsa cadit , nostrumque evolvit pondus in orbem . 880  
 Tum

Tum quia perpetuo dum vertitur acta rotatu ,  
 Illa fugax Virtus ; - qua centro abscedere tentat ,  
 In Solem imminuit vires , nifumque remittit :  
 Tum quia terra fui quaqua patet orbita regni  
 Corporibus latè dominatur sola vocatis , 885  
 Et superat Phœbi majori robore robur .

Verum hæc phœbeæ pars quæ demittitur auræ ,  
 Non tamen ad terras delabitur usque jacentes  
 Illa quidem hoc cupiens : sed in æthere pendula summo  
 Sustentatque gradus , atque hinc altissima sistit . 890  
 Cujus forte suo digestas ordine causas  
 Noscere si cupias , paucis adverte docebo .

Principio " terras aer qui circuit omnes ,  
 Corpore non uno , neque pondere pollet eodem  
 Quo stet cunque loco : sed enim quo se altius istinc 895  
 Evehit , hoc levior tenuem rarefcit in auram ,  
 Et magis æthereis sensim fluit æmulus undis .  
 Qua se igitur densat gravior , terræque vapores  
 Accipit hospitio , & titania tela remittit ,  
 Ille quidem haud multum Cœlo se tollit aperto , 900  
 Ut monui , gyroque brevis concluditur arcto .  
 Verum ubi jam nebulas subter despectat & imbres  
 Purus , perque gradus tenuatus corpora certos  
 Surgit in immensum vix jam sua nomina servans ,  
 Et terram vasto circum complectitur orbe . 905  
 Extra hunc præterea cœlo qui diffluit humor  
 Vix cadit in sensum , & spatium æquiparatur inani .  
 Vastus at ille globus phœbeam fortior auram  
 Sustinet , & procul hinc densata mole repellit .  
 Pertentantem aditus , jamque intra septa ruentem . 910  
 Illa igitur , siquidem nusquam penetrare potestas ,  
 Aerium hoc pelagus superinnatat : atque ibi sensim  
 Usque novis rutili defluxibus aucta vaporis

Agge-

Aggeritur, latifque nitens fluit undique rivis.

Et modo grata sui nobis spectacula præbet

915

Alba micans; modo terrificis variata figuris

Concutit attonitas trepida formidine mentes.

Atque hæc <sup>77</sup> præcipue contingere cuncta videbis,

Prodiga tam vastum quum protulit æthere corpus,

Transeat ut totas extremo limite terras.

920

Forte tamen <sup>78</sup> gelidum cur concilietur ad axem,

Aere nec toto perftet diffusa requiras.

Sunt quibus <sup>79</sup> in primis tellurem errantibus astris

Accensere placet; Solem quæ nempe quietum

Mobilis ipsa obeat, signorumque acta per orbem

925

Inchoet imbriferum geminis sub lancibus annum.

Omnibus his Tellus motu revoluta diurno

Axe suo se versat agens; atque aeris omnem

Una eademque rapit secum vertigine massam.

Hæc autem assiduo circum contorta rotatu,

930

Siquis forte olli sese exterus admovet humor,

Excutit, atque procul tangi indignata repellit.

Idque ibi præcipuo peragit magis aspera nisu,

Ampla ubi per vastos violentius effluit arcus.

Ut quum aciem obtusi renovat rota saxeæ ferri,

935

Quam super iniecto fuerunt mollire liquore;

Illa quidem lento incedit si pigra meatu,

Projicere affusos vix tentat languida rores,

Et tota hærenti segnis perfunditur unda.

Ast eadem rapido si pervolat incita gyro

940

Ocior, invisos hoc acrius excutit imbres,

Terraque dispersis longe madet humida guttis.

Ergo <sup>80</sup> ab utroque polo qua se globus aeris altè

Tollit, & in partes medius discinditur æquas;

Quum gyro in sese rediens secet æthera vasto,

945

Totque ter octonis spatia ampla perambulet horis,

Per-

Pervolat hic præceps, lapsumque a Sole vaporem  
Viribus idcirco nitens majoribus arcet .

At latus ad geminum quum tempore vectus eodem  
Paulatim angustos magis ac magis erret in orbes , 950  
Lentior hic sensim incedit , Phœbique coruscam  
Mitius expellit minus ac minus incitus auram .

Hæc igitur liquidam insistens pervadere molem ,  
Atque sequi , quo terra vocat ; decurrit ubi illam  
Vis minor impediat , nec tam ferus arceat hostis , 955  
Atque ideo gelidum tandem densatur ad axem .

Est & qui " terræ certus servare quietem  
Diversum molitur iter ; Solisque calorem  
Advocat auxilio , atque aliter sic omnia solvit .  
Nempe sub obliquo signorum tramite , qua se 960  
Convolvitur sævo plaga torrida semper ab igni ,  
Altiùs hic justo tumefactus ab æstibus aer  
Crescit , & elata per gyrum exuberat unda .

Tum vero in liquidum renuens consistere montem  
Surgentis circum quocumque a culmine dorsi 965  
Defluit in medium , qua sese utrinque volutant  
Imbribus , & pigro concretæ frigore Zonæ .

Dumque polos circum gyro revolutus ab alto  
Cogitur assidue , rutili commixta vaporis  
Flumina fert secum casus comitata per omnes , 970  
Atque ea parrhasiam nobis convectat ad urfam .

Non secus atque æstu tremulum dum fervet ahenum ,  
Cui nova suggeritur crepitanti flamma sonore ;  
Vulcano si forte furens superundet aquæ vis ,  
Stridentes humor circum undique susus in ignes 975  
Decidit , & lapsu spumæ volvuntur eodem :

Excitus ad superas cinis , & vapor evolat auras .

Possẽ etiam " varios variis pro mensibus anni  
Tellurisq̃ vagæ , fusique a Sole vaporis

Disposi-



Dispositus, causasque alias numerare saventes.

980

Quæ simul ac coiere, eadem per tempora plures

Axe sub ætherio pariter miraberis ignes.

Sed quoniam immensum pelagi tranavimus æquor,

Jamque ratis placido properat confidere portu;

Haud equidem longos alio deflectere cursus

985

Optarim, syrtesque iterum tentare repostas,

Et nova defessa superare pericula puppi.

Quod superest, ubi multa alto congesta sub axe

Lucida materies glomeramen fluxit in unum,

Non ea continuo nobis nitet; ast ibi multos

990

Multimodè varians vario subit ordine casus.

Interdumque altos ostentat ab æthere vultus

Flammea, semotisque procul patet ardua terris,

Interdum aërios victrix pervadere fines

Evaluit, cuneisque irrumpere septa coactis,

995

Et tantum scythicis propior spectatur ab oris.

Sive quod aggestæ coeuntia pondera massæ

Vi majore premant; sive illam defluus aer,

Quicum flammæ delabitur aggere dorso,

Insinuet secum, crassisque immisceat auris.

1000

Quidquid id est, certè indomiti Thracesque, Getæque

Plurima per noctem gelidi sub vertice cœli

Lumina sæpe vident, quæ proxima finibus illis

Terra procul tumido nobis tegit invida tergo.

Quamquam ibi quæ crebræ fuerunt effulgere flammæ

1005

Haud omnes rivis auræ Titanidis ortas

Esse putes: namque & multæ denso aere natæ,

Et genus a refluus multæ traxere pruinis.

Quippe & hyperboreis constrictus flatibus aer

Aptior est lumen capere, atque inferre receptum;

1010

Aggestasque nives venti dum turbine verrunt,

Omnia brumali latè loca pulvere complent:

Pulvere,

- Pulvere, qui terris ubi surgit ad alta relictis  
 Sole laceffitus, qui non procul abditus illis  
 Transversum per iter nocturnus obambulat oris, 1015  
 Fulget, & innumeros toto ciet æthere lufus.  
 Et rutilas nunc igne trabes, nunc aurea Solis  
 Ora refert, pulchros nunc fe conformat in arcus  
 Iridis in morem, variisque coloribus ardet.  
 Nec dubium adverfo <sup>17</sup> quin gens damnata sub axe, 1020  
 Quæ super ardentis propius videt ora Canopi,  
 Afpiciat fimiles per noctem ignefcere formas.  
 Atque aliquis jam pridem Europæ e limine folvens  
 Illa tot ignoti glacialia lumina mundi  
 Luftraffet ftudio obfervans, pelagoque remenfo 1025  
 In patriam victor fecum obfervata tuliffet.  
 Verum <sup>18</sup> ibi tanta gelu ftata æquora, totque marini  
 Per mare currentes ceu concita flumina tractus  
 Hac repulere tenus quotquot regionibus illis  
 Tentarunt vetitæ roftris fe inferre carinæ. 1030  
 Forfitan at tempus veniet, quum Gallia cunctos  
 Perrumpens animofa obices, huc afferet illinc  
 Urbefque, fluviosque, & barbarâ nomina gentis,  
 Dimenfasque plagas, & lumina nocte relecta.  
 Gallia <sup>19</sup> victrices jamdudum immittere claffes 1035  
 Sueta procul, quaque obliquis borealia Phœbus  
 Littora luftrat equis, quaque æthere rectus ab alto  
 Verberat exuftas radiis propioribus undas.  
 Ipfa quidem non ut gemmas conveftet, & aurum,  
 Divitiis fatis ampla fuis, fed ut indita rebus 1040  
 Diverfisque locis diverfo urgentia nifu  
 Pondera, terrarumque gradus, formamque recludat,  
 Et ftudiis totum ditet præftantibus orbem.  
 Ergo agite illuftres animæ: pars unica rerum  
 Hæc vobis referanda manet; propellite puppes 1045  
 Atque

Atque aliam ingeniis Arcton supponite vestris,  
 Impleat & gallum mundi latera omnia nomen.  
 Nunc age, tam varias cur lux nocturna figuras  
 Induat; hæc nostri quando est pars ultima cepti,  
 Exequar, & suprema operi fastigia ponam. 1050  
 Primum igitur, penitus Titan quum se æquore merſit,  
 Syderaque obtentis reteguntur cuncta tenebris;  
 Fusus Sole vapor glomeramine sæpe rotundo  
 Cogitur, & gelidas paulatim excurrit ad arctos.  
 Hæc autem ætherei moles congesta vaporis 1055  
 Quandoquidem ad scythicos demerso a Sole triones  
 Lapsa fluit, nostri subter confinia cœli  
 Radit iter cæcum, & summis vix partibus extat.  
 Præterea terris quæ pars obvertitur imis,  
 Quippe onerosa magis, sic & compagine densa 1060  
 Crassior est, palletque atro subsusca colore.  
 At quæ sydereas averſa exurgit ad arces  
 Rareſcit levior, conceptisque ignibus ardens,  
 Montis in effigiem plus justo elata tumescit.  
 Tum liquidum in culmen renuens perſtare, ſuoque 1065  
 Pondere ſubſidens, Caſſis velut ignea denſam  
 Supra operit partem, & nigræ ſpatia infima molis  
 Compoſito in gyrum præcingit candida limbo.  
 Tum ſuper hæc ſi forte novus deſluxerit humor,  
 Pars condenſa magis convexi tegminis inſtar 1070  
 Ipſa prior ſuper excurrit, limbumque nitentem  
 Protinus umbroſa circum complectitur ora.  
 At quæ rara fluit, facilisque igneſcere pars eſt,  
 Caſſidis alterius formam accipit, atque micantem  
 Ipſa quoque extremo ſuperaddit limite zonam. 1075  
 Atque ideo heſperios inter, ſcythicoſque reſceſſus  
 Arcubus & nigris diſtinctum, atque arcubus albis  
 Vix capite extantem sæpe obſervaveris orbem.

Cur tamen ignivomæ limbo e nigrante cupressus  
 Profiliant, minus hîc rebus luctatus iniquis 1080  
 Promptius expediam, & facili tibi carmine prodam,  
 Namque ea, quæ picea pallet caligine nubes,  
 Et nobis tegit ardentem post terga vaporem,  
 Diversis tenuata locis sæpe ordine nullo  
 Scinditur, & vario rimas agit ore patentés. 1085  
 Seu quondam temere hac illac resoluta dehiscat  
 Sponte sua, ceu sæpe vides hic nubila findi,  
 Atque viam rutilis Phoebi concedere telis:  
 Sive illam, cunctis quoniam non partibus æque  
 Densa fluit, qua rara magis se forte relaxat, 1090  
 Qui latet a tergo penetrabilis ignis adurat.  
 Tum vero obteçte per aperta foramina flammæ  
 Haud mora prorumpunt; radiique sub alta profusi  
 Sydera coníferas imitantur lumine plantas.  
 Quare autem variis varius spectator ab oris 1095  
 Vertice quisque suo patulæ sub imagine fagi  
 Suspiciat longos flammaram excurrere ramos,  
 Hæc tibi causa subest. Tu lapsum a Sole vaporem  
 Depluere in vastas discretum concipe massas.  
 Istæ ubi sub nostri penetrarunt aeris æquor, 1100  
 Oblongam in faciem sic demittuntur; ut altum  
 Parte levi teneant; gravioribus ordine ad imas  
 Jam magis atque magis tendant accedere terras.  
 Et faciant, nisi se tandem compressior aer,  
 Qui tamen a nostro longe super effugit orbe, 1105  
 Objiciat contra, suspensæque æthere sistat.  
 Quælibet ergo gradum tenues librata sub auras,  
 Et jubare ipsa suo, aut aliena luce coruscans,  
 Sustinet, & rutilæ pendent toto axe columnæ.  
 Has vero, quamquam terris e vertice summo 1110  
 Immineant rectæ, decepto haud lumine cernes

Quo

Quo stat quæque modo , visu sed in ardua tendens  
 Longe aliter posita reputes rutilare figura .

Namque caput supra concurrere singula credas

Culmina ; at infernas latè discedere partes ,

1115

Atque pedes toto per gyrum extendere coelo .

Ceu quamquam flexu nunquam concurrat acuto

Qui geminus campos ulmorum interfecat ordo ;

Tu tamen in cuneum plantasque , viamque videbis

Definere , & summo constringi tramite sensim

1120

Qui latè in primo distant tibi limine truncos .

Quilibet hinc illas miratur in æthere fagos ,

Fagos , sive rotas , seu tu tentoria mavis

Dicere , seu clausas libet appellare coronas .

Quod si sanguinei causam scrutaberis ignis ,

1125

Et coelo quæ sint ea porro incendia quæras ,

Hæc tibi sunt noscenda prius , quæ certa notavit

Maximus Angligenum quondam , dum luce retexta

Dissolvit radios , & luminis abdita pandit .

Nempe colorati septem discrimina fili

1130

Conveniunt simul , & textum constantur in illud ,

Appellare uno suemus quod nomine lucem .

Atque hæc primævo donec sibi cuncta cohærent

Fœdere , & abrupta nunquam compage seruntur ,

Quamquam quæque suis depicta coloribus , ullum

1135

Haud tamen objiciunt oculis conjuncta colorem .

Corpus at intra aliquod si quando obliqua penetrent

Corporis ipsius vires perpeffa trahentes ;

Pars pergunt contendere iter , pars viribus iisdem

Externas deflexa iterum retrahuntur ad auras .

1140

Ut vero tali fuerint discreta regressu ,

Tum tibi diversis visum spectanda laceffunt

Ictibus , & certas pingunt per lumina formas .

Hinc omnis rebus constat color : hinc rubet ardens

Purpura ; combustis hinc aurea messis in agris ; 1145  
 Hinc nitor in gemmis , viridesque in collibus herbæ .  
 Quum tamen oppositum septena hæc stamina corpus  
 Cuncta simul penetrent , cur non & cuncta recedant ,  
 Propterea est , quod ut inde retro jam ingressa trahantur  
 Dispositus varios , sua quæque & sœdera poscunt . 1150  
 Hæc etenim ut remeent , crassas offendere partes ,  
 At tenues magis illa petunt ; & lege nisi ista  
 Ferre negant ullos retro pertracta recursus .  
 Ergo minor majorve ut forte in partibus hæret  
 Crassities , sic fila modis variantia miris 1155  
 Illa vel illa viam redeunt , oculisque tuentum  
 Apportant varios jam non septena colores .  
 Præterea , ut certis Diva Experientia signis  
 Edocuit ; quæ fila rubent , exosa refringi  
 Rectum flectere iter magis omnibus una repugnant . 1160  
 Hinc , tibi quod sequitur , majori robore ceptam  
 Tendunt ire viam ; majorique impete nostros  
 Impellunt , sensuque agitant acerrima visus .  
 His animadversis , rutila Titanis ab aura  
 Lumen in aerios jaculatum expende vapores . 1165  
 Hi tibi nocturno si forte simillima cœlo  
 Staminibus discreta aliis simulacra remittant ,  
 Vix ea dignosces , puroque sub æthere solum  
 Effigiem noctis credas fulgere serenæ .  
 At si particulis sorte intexantur ab illis , 1170  
 Fila quibus redeunt tyrios imbuta rubores ;  
 Lætiior ille color multum pallentibus umbris  
 Dissidet , & viva perstringit lumina flamma .  
 Non aliter quam quum quondam jam sole cadente  
 Sanguineis foetus nebulis rubet igneus aer : 1175  
 Sævaque ventorum metuentes prælia nautæ  
 Abstinerere mari , & victas tenuere carinas .

Atque

Atque hinc ætherias acies , & sanguinis imbres

Crediderim veteres olim timuisse Latinos ,

Rebus & hinc dirum cepisse cadentibus omen .

1180

Postquam autem coelo tot jam est perfuncta figuris

Lucida materies ; tandem attenuata nivales ,

Qua docui ratione super , concurrit ad arctos ,

Etiamque vocat formæ in certamina lucem .

Atque his indiciis tandem post sæcula longa ,

1185

Atque hominum miris nocturna Aurora repertis

Semine ab ætherio patuit Dea : jamque parentem

Orbe palam toto jactat nitidissima Solem .

Quin etiam haud dubitem , quin tantum hoc muneris olli

Dii dederint , rebusque hominum sapientia major .

1190

Ipsa etenim fertur , rutilam dum mane sororem

Ceu natam Titane coli , populosque per omnes

Numen habere videt , se contra e vilibus ortam

Terrarum nebulis tanto jam tempore ferri ;

Tandem exosa moras , stimulisque haud mollibus impar

1195

His adiisse Patrem , & tales fuisse querelas .

Progeniesne tuo nunquam de sanguine credar ,

O Genitor ? nec me prognatam e stirpe Deorum

Cessabunt homines nebulis telluris opacæ ,

Sulphureoque igni , crassove adscribere fumo ?

1200

Necdum ortus tam degeneres , necdum ista refelli

Probra dabis , nullisque aboleri hoc dedecus annis ?

Quin age ; & ipse genas fuscis mihi tinge tenebris ,

Detrahe veste aurum , rutilosque extingue colores ,

Serta rape , & nitidas pedibus contunde coronas ,

1205

Tanta tuæ si te cepere oblivia prolis .

At non adversis adeo soror edita satis

Ista dolet . Viden ut superis adscita Deabus ,

Et magnis celebrata viris , cantata poetis

Ætheriumque genus , famamque ad sydera tollat ?

1210

Qua

Qua tamen illa sua tanta hæc discrimina laude ,  
 Quo mihi vel cultu , quove anteferenda decore  
 Promeruit ? mihi mille novis variata figuris  
 Ornant texta sinus ; vultu mihi lumina mille ,  
 Mille nitent mihi ferta comis ; vix unicus olli 1215  
 Trita in veste color ; vix lapsi tempora flores  
 Circumeunt , & ferta rosis arentia siccis .  
 At te , quuin magno procedere rursus olympo ,  
 Et vultu loca cuncta paras hilarare relecto ,  
 Summo mane vigil surgentem prævenit : esto : 1220  
 Tithonum ut fugiat : Cephali fac læta fruatur  
 Connubio : longum expectent ad frœna jugales ,  
 Et frustra cupidæ poscant nova lumina terræ .


Cui Pater , æterno lucem qui flumine fundit .  
 Define jam tristes effundere , Nata , querelas , 1225  
 Et lachrymis jam pone modum . Tibi debita fatis  
 Advēnit mihi crede dies , qua Diva feraris  
 Per populos , maneatque ingens in sæcula nomen .  
 Nam , tibi fabor enim , ne te dolor anxius urat  
 Ulterius , stimulisque agitent ardentibus iræ , 1230  
 Jam clarum ingenio , & magnis clarum ante repertis  
 Delegi mihi mente Virum , cui protinus ortus  
 Ipse tuos , causasque omnes ab origine pandam .  
 Hic te lapsam astris , & me Genitore superbam  
 Ostendet latè terris ; hoc vindice tandem 1235  
 Cuncta colent te secla Deam ; nec pulchra Dione ,  
 Nec matutinis soror ignibus , aut vaga Phoebe ,  
 Nec cœlo Diva ulla tuos æquabit honores .  
 Immo age ; grande feret pretium mora ; fœnore multo  
 Sera meum noscère genus,neque enim altius unquam 1240  
 Te prius ætherias quisquam vexisset ad arces  
 Præpetis ingenii nisu , & felicibus alis .  
 Sic ait , & totum fama vulgare per orbem

Jam



Jam properat natam pater , ac promissa facessit .  
 Ergo unum insueto radium fulgore coruscum 1245  
 Seligit : illorum e numero , quos æthere ab alto  
 Luminis ipse Pater depictos semina rerum  
 Mentibus immittit quondam , si sorte latentem  
 Naturam , abstrusasque velit recludere causas .  
 Atque ibi Parrhasiæ divina exordia flammæ 1250  
 Auratis distincta notis inscribit , & ortus ,  
 Inscriptumque jacit : jussas volat ille per auras  
 Te , Mæranæ , petens ; mentemque infusus in altam  
 Nulli visa prius dat cernere ; veraque cunctis ,  
 Te referente ortum , te mira arcana docente , 1255  
 Lucis hyperboreæ patuere exordia terris .

At tu Sydereas inter celeberrima nymphas ,  
 Maxima quam tellus jam claram indagine tanti  
 Ingenioque Viri Divam colit : en erit unquam  
 Ut tibi par decus , & tantam quoque carmine laudem 1260  
 Longa serant nostræ vincendo sæcula Musæ ?  
 Si bene me norim , haud equidem promittere tantum ,  
 Nec tantum sperare ausim . Sed nî mihi vanam  
 Ludit blandus amor , dulcisque infania mentem ,  
 Non tibi nulla meis accedet fama camœnis , 1265  
 Atque etiam hinc aliquod referes pulcherrima nomen .  
 Quod mihi cunque tamen tam mira reperta canenti ,  
 Carminibusque meis decus est latura Vetustas ,  
 Mi sat erit , doctis si te stipatus amicis  
 Interdum facili vultu leget ; & tua tantum 1270  
 Nomina sequanicas referet Mæranus ad undas .



## NOTÆ IN AURORAM BOREALEM



Armen de Iride conscripserat anno 1729., & in solemnī studi-  
rum insinuatione recitaverat, ut in ejus notis diximus, tum  
Musis vale dicto per aliquot insequentis annos ad graviore disci-  
plinas traductus ab amantioribus studiis fere semper cessaverat  
usque ad annum 1743., sub cujus exitum hoc carmen aggressus  
est.

(2) Mairanum invocat cujus sententiam editam anno 1733. in Commentariis  
Academix Parisiensis justo volumine elegantissimo sane, & ingeniosissimo ample-  
ctitur, & illustrat.

(3) Est Mairanum ejusdem Academix a secretis, quod munus eodem anno 1743.  
adhuc exercebat. Ejus autem muneris est ab Academicis præclarè inventa in  
Commentariis referre, Academicorum, qui obeant, elogia conscribere, & sua  
ipsius inventa Sociorum inventis adjungere.

(4) Auroræ Borealis materiam e Cælo desumit Mairanum, nimirum e Solis  
Aethiophæra, quæ decedit Terram versus.

(5) Veram hic philosophandi rationem Noster insinuat. Ad rerum causas rite  
investigandas phenomena ipsa diligentius observanda esse, & sepositis iis præju-  
diciis, quæ ab ipsa nobis instantia tenacius adhaeserunt, nihil admittendum esse,  
quod ex Naturæ legibus rite observatis recta ratiocinatione non colligatur.

(6) Borealis Aurora plerumque ad Boream apparet; unde & nomen traxit. Non  
tamen medium ejus arcus lucidi, sive ejus pars altissima Boream ad sensum ex-  
tendit tenet; quod in Actis Acad. Petropolitanae tomo 1. pag. 351. affirmat Majerus,  
sed declinat in Occidentem plerumque, potissimum sub initium, gradibus 10.,  
vel 12., vel etiam 15., aut 20., ut notavit Mairanum sect. 3. cap. 3., ex quo  
ipso capite depræmissi Noster etiam reliqua phenomena, quæ hic refert; in quibus  
ea tantum est persecutus, quæ plerumque accidunt. Sunt autem & alia non-  
nulla pariter corrigenda in longo illo phenomenonum catalogo, quem ibidem  
Majerus contexit.

Aliquando hæc phenomena in aliis horis partibus, aliquando & ad Me-  
ridiem conspecta sunt. Fontenellus in Historia Acad. Paris. ad annum 1730. duas  
refert Australes Auroras eodem anno visas, alteram a Cassino, & a Mairanio  
9. Octobris, alteram a Bovillatio, & Aslicrio 15. Februarii, quarum utraque  
ad Boream desit.

(7) Celeberrimi sunt festi illi ignes, qui in pervigilio, & in ipso festo die  
D. Petri Romæ quotannis exhibentur in Adriana mole, quos vulgo dicimus *la*  
*girandola*. Igneis illis fontibus per arcem ipsam late in gyrum dispositis, qui  
procul spectati apparent velut quædam cœlestis igneæ, comparat radios ex ipsa  
phenomeni massa erumpentes.

(8) Plures anni effluxerant, cum hæc Noster scriberet, ex quo nulla Borea-  
lis Aurora saltem ita insignis, ut populum terrere posset, in Europa exarserat: &  
tamen tot, ac tantis calamitatibus, quas hic fuisse persequitur, non Italia tantum  
premebatur, sed & universa fere Europa: extiterunt subinde nonnullæ non ita  
languidæ, ut sub initium Augusti anni 1744.

(9) Calabria a Veteribus dicta est ea Italix postrema ora, quæ partim ab Ionio,  
partim ab Adriatico Mari alluitur. Eam nunc Calabriam dicimus, quæ Si-  
ciliam spectat, quam Veteres Brutiorum nomine appellaverunt. Noster recentius

M

hoc

hoc nomen adhibere maluit, ut vulgo notius, eodem jure, quo & barbara locorum nomina a Recentioribus indita perspicuitatis ergo saepe a cultissimis quoque Scrip- toribus adhibentur.

(10) Tres hic sententias refert, quas & refellit. Prima est eorum, qui putant, oriri Auroram Borealem ex reflexione radiorum Solis propioris regionibus Polaribus, quam nostris, qui impingant in partem aliquam Atmosphææ terrestris reflectendo lumini aptam. Sit in fig. 1. *ENA* superficies Terræ, cujus poli *Pp*, & loci *A* Horizon phycus *AB*, supra quem conspiciatur lumen Auroræ Borealis per lineam vitalem *AM*. Hæc sententia docet, radium *SM* Solis licet jam multum intra Horizontem depressi, illuminare partem aliquam Atmosphææ Terrestris circa *M*, ex qua ad oculum in *A* lux reflectatur. Huc reducitur etiam sententia, quam tercio loco Mairanius exponit, ac refellit sectione 1. cap. 5. eorum, qui confugiunt ad vortem *PMp* materiæ magneticæ, quam consent a polo ad polum perpetuo de- fluere, & vel ipsam reflectere Solis radios, vel secum deferre exhalationes Terrestris, & vapores, a quibus reflectantur. Si enim ulla esset magnetica hæc materia, utique ad Terrestræ Atmosphæam & ipsa pertineret.

Secunda sententia est eorum, qui phænomeni causam repetunt a reflexione ra- diorum Solis impingentium in glaciem, & nives, quibus obruti jacent immensi circa Polum tractus. Putant nimirum in fig. 2. videri ex loco *A* in *M* lumen eo delatum a radiis Solis *SN*, qui in *N* impingant in strata glaciæ, & nivium late circa polum *P* aggesta, & inde reflectantur ad partem *M* Atmosphææ Terrestris. Hæc est se- cunda apud Mairanum, quam ipse exponit, & reficit initio ejusdem capitis.

Tertia est communis serè, quæ Borealem Auroram generari putat ab exhalationibus sulphureis inflammatis in Atmosphæa ibi, ubi lux ipsa phænomeni efful- get. Hanc primo loco ponit Mairanius cap. 4. sectionis ejusdem, ac fusè ibidem refellit.

(11) Multa quidem contra eas sententias argumenta, nec vero irrita, adduci possunt. Mairanius ipse congerit sanè multa. Noster unum selegit commune omni- bus, & validissimum, cujus vis omnis hac reducitur.

*Altitudo ejus regionis Atmosphæra terrestris, quæ par est lumini reflectendo, ac vaporibus, & exhalationibus sustinendis est admodum exigua. Altitudo autem phænomeni est maxima. Igitur phænomeni sedes non est intra eam Atmosphæra regionem; intra quam tamen, si vera ea sententia essent, deberet omnino consistere.*

Idem est præcipuum Mairanii argumentum, qui sectione eadem cap. 1., & 2. inquirat in altitudinem ejusdem regionis Atmosphææ, cujus quidem depressionem demonstrat; licet superiorem aliam ejusdem Atmosphææ regionem, sed a vaporibus, & exhalationibus immunem plurimum extollat. Capite autem tercio sublimem admodum phænomeno sedem assignat, & vero etiam demonstrat.

(12) Atmosphææ & Aeris terrestris nomine intelligi potest, vel quidquid è flu- ido Terram ambiente ad eam pertinet utcumque tenue, & si ea movetur, utrunque & annuum, & diurnum motum participat, vel crassior illa pars, quæ reflexionem, & refractionem parit non insensibilem.

In prima significatione nomen Aeris, & Atmosphææ terrestris accipit Maira- nius sub initium sectionis 1., & intra eam collocat miteriam Auroræ Borealis, quæ nimirum respectu partium superheiei terrestris saepe diu eandem positionem servat, vel etiam apparet transacta modo contrario ei, quem ceteroquin requireret motus diurnus, si eo careret. Cumque Auroram ipsam Borealem altissimam esse probet cap. 3., eam etiam Atmosphæram altissimam esse docet, & quæ in contrarium af- ferri possunt, satis accurate præoccupat cap. 1. & 2.

Noster

Noster hic aerem accipit in secunda significatione, ut nimirum sit *nebula sedes, regioque vaporum*, Solis & eporam spatia apta remittere lucem, in quo & Mairanius contentus, qui cap. 4. ostendit parum admodum elevari exhalationes terrestres supra Terræ superficiem. Super hunc tamen aerem quendam, qui ad Terram pariter spectet ejusdem comes, per gradus tenuiorem protendi ad immanem usque altitudinem inferius docet versu 123., in cujus superficie suprema colligi affirmat Atmosphæræ Solaris materiam defluentem in Terras.

(13) Nonnullos ex iis, qui terrestrem Atmosphæræ plus æquo extulerunt, & erroris fontem vide apud Ricciolum Almag. l. 8. sect. 1. Inter eos etiam Cardanus fuit, qui l. 4. de subtilitate extendit altitudinem Atmosphæræ radios reflectentis ad millia 283., male crepusculo usus. Ex ipsa crepusculi brevitate vulgo, & quidem evidenter deducitur exigua ejusdem Atmosphæræ altitudo. Vim ejus arguementi ita hic Nolter proleat, ut ad mensuras ipsas, & certos limites non deveniat; quæ quidem verbis sunt minus apta.

(14) Crepusculi duratio alibi est alia pro diversa Poli altitudine, & in eodem loco alia aliis anni temporibus pro diversa Solis declinatione. Ubique autem initium maturum, & finis vespertini crepusculi habetur Sole 18. gradibus circiter depresso infra horizontem. Ea mensura non ita cottans est, ut aliquam mutationem non admittat; admittit tamen admodum exiguum.

Assumptis hinc 18. gradibus, & inito calculo, invenitur hic Romæ crepusculum brevissimum horæ 1., minorum 37., diebus 15. circiter ante Æquinoctium vernum, & post Autumnale, longissimum in ipso Solstitio activo horarum 2. minorum 18., adeoque vix excedit horarum geminis cum diutissimè durat, & sæpe ad eas non pertingit. Sub Æquatore est adhuc brevius per totum annum, ac quo magis ab eo receditur & acceditur ad zonas frigidas, eo diutius persistit ita, ut in pluribus Europæ regionibus ad Boream sitis & totam noctem duret per æstatem; at ultra Polarem circulum etiam per plures dies, immo & menses Sol non occidit, quæ omnia ex ipsis primis Sphæræ elementis notissima sunt.

Ex hac crepusculi inæqualitate patet, Solis profunditatem infra horizontem apriorem esse ad definiendam altitudinem Atmosphæræ, quam durationem crepusculi tam variam. Verum hic Noster hanc illi prætulit accommodatorem verbis, & capto faciliorem. Vim autem argumenti retinuit illo adjecto *Quot cum atbere nostro eveniat scus*. Cum enim ibi Romanam innuat Poli elevationem, inserit elementum, ex quo, & ex crepusculi duratione, calculo inito, licet erueri & demersionem Solis infra horizontem proximam veræ, & ejus ope, limites Atmosphæræ radios reflectentis, quos ea omnino non prætergreditur.

(15) Vera altitudo Atmosphæræ accurate haberi omnino non potest. At ex ipsa duratione crepusculorum deducuntur limites quidam, infra quos omnino continetur ea ejus regio, quæ lumen resistit, quod sensiri possit. Nam posito, quod vespertinum crepusculum desinat, & matutinum incipiat, Sole depresso 18. gradibus infra horizontem, & posito, quod ad oculum nostrum lux deveniat e suprema superficie Atmosphæræ ejusdem sitæ in horizonte in *D* in fig. 1. recto tramite per *DA* & recto itidem tramite ad eandem superficiem partem Lux a Sole deferatur per *SD*, inito calculo colligitur evidenter punctum *D*, live eandem supremam superficiem elevari supra superficiem Terræ 43. eorum milliariorum, quorum singuli gradus circuli maximi Terrestris continent 60., ac proinde semidiameter *CA* 3437.

Jam vero radii ob refractionem incurvantur; punctum, in quo nobis incipit crepusculum, non illuminatur immediatè a Sole, sed ab alia parte Atmosphæræ, quam Sol immediatè illuminet, quorum utrumque Atmosphæræ adhuc multo magis

deprimit ita, ut si crepusculum a duplici reflexione repetendum sit radio delato per *EKNIA*, deprimatur Atmosphaera ipsa ad milliaria 10.  $\frac{1}{2}$ . Accedit Atmosphaera Solis Solem praecedens, quae Atmosphaeram Terrestram illuminans, eandem adhuc humiliorem requirit.

Consonat humilitas Atmosphaerae radios refringentis, quam nos ope Eclipsium Lunarium depressimus pariter multo infra aliorum opinionem ad milliaria circiter 10. in dissertatione *De nova methodo adhibendi phases in Eclipsibus Lunaribus edita anno 1744.* argumento nobis siletem novo, & satis efficaci, quod ipsum multo correctius nunc prodit in eadem dissertatione recusa Lucæ in collectione opusculorum tomo 3.

Sunt qui Atmosphaeram Terrestram hic apud nos humilem quidem agnoscant, at circa Polos altissimam velint etiam ad 300. milliaria. Evidenter refelluntur 1. Eclipsibus Lunaribus, in quibus umbra augetur aucta Atmosphaera singulis secundis in singula milliaria. Hinc 300. milliaria requirerent augmentum semidiametri umbræ 5. minorum, ninimum tertiae partis semidiametri Lunaris; quod est contra omnes observationes. 2. Atmosphaera debet ad Polos esse humilior, quia ut infra docebitur ea sub Aequatore affurgit ob calorem, & affurgit pariter ob vim centrifugam motus diurni, ac etiam nonnihil ob eandem causam, ex qua infra decebitur oriri aestum Maris, sed multo minorem quam censet Daniel Bernoullius in dissertatione, quæ præmio donata est Parisiis anno 1740., ut supra diximus in Notis in Iridem.

(16) Sive desumatur Aurora Borealis causi ex Atmosphaera Terrestris illustrata a Sole delitescente sub Horizonte, sive a radiis Solis reflexis a nivium, & glaciæ stratis, sive ab incendio exhalationum terrestrium; ea debebit cohiberi intra limites Atmosphaerae reflectentis, & refringentis radios.

Id quidem in prima sententia est manifestum. In secunda etiam facile patet. Si enim radius *JN* in fig. 2. impingat in nives in *N*, & reflectatur ad *M*, tum ad oculum in *A*; multo magis ex *M* reflecterentur radii *AM* directè delati a Sole, qui & citius perstarent.

Nec illud reponi potest, radium *JN* reflecti in nivium stratis in *N*, tum in nube aliqua in *C*, tum iterum in nivibus in *B*, & iterum in alia nube in *D*, atque ita porro post multas reflexiones ad nostros oculos deferri in *A*. Nam præter densas caligines, quibus Cælum omne circa Polos obruitur fere perpetuo per hyemem, quæ radiorum cursum impediunt, vel vim retundunt; calculo inito, & ommissa etiam curvatura radii, posita altitudine nubium 4. milliarium requirerentur plusquam 12. reflexiones in nubibus, & plusquam 12. aliae in nivibus in ipso Soltitio hyberno hic Romæ, & si nubes non nisi uno milliario affurgant, quæ quidem per hyemem semper in his potissimum regionibus humiliores sunt, plures ducentis reflexiones in nubibus, & plures ducentis reflexiones, vel contactus in nivibus requirerentur; ac proinde lux ita tenuis deleretur, ut omnino sentiri non posset.

Idem in tertia sententia videtur certum. Nam adeo crassis & fumosas Terrestris exhalationes, quæ tantum luminis emittant, & reflectant, incredibile prorsus est elevari ad eam altitudinem, in qua antea jam puriores, atque in imbecillum attenuatae Solis radios nec reflectunt ad sensum, nec refringunt. Sane fulgura, fulmina, ignes sicut Telluri proxima sunt omnis, nec ullus unquam ignitus globus inventus est, quem constet 40. milliarium altitudinem excessisse. Nos autem multo etiam humiliores fuisse omnes, nec oppositum evinci ullo pacto posse arbitramur.

(17) In fig. 1. objectum, quod sit in *D*, non potest videri, nisi per intervallum *EA* comprehensum inter radios *DE*, *DA*, qui Terram tangunt, & percurrent in *E*, & *A*. Remotioribus locis aspectum furripit Terræ curvitas.

(18) In

(18) In eadem fig. si obiectum sit  $I$ ; radii  $IN$ ,  $IA$  Terram tangent in punctis  $N$ ,  $A$  propioribus, & breviores erunt, adeoque citius eam contingent, & velut osculabuntur.

(19) Obiectum, quod uno milliari elevetur supra superficiem Terræ, ex ipsa superficie videri non potest, nisi ad distantiam milliariorum 82. Hinc si nubes eleventur uno milliari, non poterunt videri ex Albano vel Tusculano monte, haud ita editis, ad distantiam 120. milliariorum. Magna autem Hetrurix pars multo magis inde distat; Quamobrem fieri potest, ut aliquando magna in remotioribus Hetruriæ partibus tempestas ruat, Cælo in Urbe, & suburbanis locis quaquaversum sereno.

(20) Insigniores Auroræ Boreales sanè multæ simul & maximè diffitis locis visæ sunt ad Boream; unde evidenter colligitur maxima quædam earum distantia a Terra; ut enim idem obiectum simul etiam ad plagas Cæli oppositas videri possit ex extremis Siciliæ Orientalis, & Britannix Borealis partibus, quarum intervallum est graduum circiter 28., oportet elevetur ultra 100. miliaria, quæ distantia in immentum crescit, si ad eandem Cæli plagam phenomenon utrinque spectetur.

Nos calculo inito in celebri Aurora Boreali, quæ apparuit 16. Dec. anno 1637., cujus arcus lucidus orbi obscuriori imminens visus est Patavii elevatus gradibus circiter 20., observante Poleno, ad eam ipsam Cæli plagam, ad quam jacet Britannia Borealis quam proximè nec uspiam in Europa ad Austrum conspectus est, invenimus altitudinem majorem 660. milliariis.

Mairanius autem sect. 3. cap. 3. plures Auroras Boreales persequitur, & methodo parallaxium rite usus, invenit debuisse elevari Auroram Borealem 17. Mar. 1716. ultra miliaria 480., 19. Octobris 1726. ultra 638., 8. Octobris 1731. ultra 600., & in plurimis aliis multo majorem altitudinem a se inventam testatur. Alia autem methodo, quam Meyerus proposuit tom. 1. Comment. Acad. Petropol., in aliquot Auroris, quæ videbantur aptiores, affirmat, se invenisse 300. leucas, sive hujusmodi miliaria 720.

Problema autem a Mayero propositum est hujusmodi; Data amplitudine Horizontali, & elevatione maxima supra Horizontem arcus circuli Æquatori paralleli, & habentis centrum in axe Mundi, invenire ejus distantiam a superficie Terræ. Ejus problematis solutionem exhibuit ibidem demonstratione suppressa, & ipsum Auroræ Boreali applicari posse censuit, cujus lucidum arcum putavit esse Æquatori parallelum. Nos ejusdem problematis geometricam analysin dedimus in memorata dissertatione de Aurora Boreali, ex qua analysi eruitur simplicissima, & expeditissima constructio, quam hic subjicimus.

Referat in fig. 3.  $C$  centrum Terræ,  $A$  locum observationis,  $P$  Polum, cujus distantia ab  $A$  datur. Ducta  $AB$  perpendiculari ad  $AC$ , quæ referat Horizontem, &  $CP$  quæ referat axem occurrentem Horizonti in  $B$ , fiat angulus  $BAE$  æqualis dimidiæ amplitudini Horizontali observatæ, sive æqualis distantie extremi arcus a cardine Boreali, & angulus  $BAD$  æqualis maximæ elevationi ejusdem arcus supra Horizontem, quæ erit in ipso Meridiani plano. Ducatur per  $B$  recta  $BE$  perpendicularis ad  $AB$  occurrens  $AE$  in  $E$ , & recta  $BD$  perpendicularis axi  $CB$ , occurrens  $AD$  in  $D$ , in qua producta ad partes  $B$  capiatur  $BG$  tertia continuè proportionalis post  $BD$ , &  $BE$ , ac secta  $DG$  bisariam in  $H$  ducatur  $AH$  secans Axem  $CPB$  in  $S$ . Erit  $S$  centrum circuli, & ducta  $SM$  perpendiculari ad Axem  $CB$ , donec occurrat rectæ  $AD$  in  $M$ , erit  $M$  vertex summus arcus dati, ductaque  $CM$ , quæ arcui Meridiani  $AP$  occurrat in  $R$ , erit  $RM$  distantia quæsitæ.

Nam si producat  $MS$ , donec occurrat rectæ  $AG$ , in  $N$ , ac diametro  $MN$  concepiatur circulus  $MNO$  perpendicularis axi  $CB$ , qui circulus a plano Horizontali  $AO$  secetur in recta  $QIO$ ; in primis patet ob  $DG$  sectam bisariam in  $H$ , fore

fore  $MN$  sectam bifariam in  $S$ , & punctum Axis  $S$  fore centrum circuli. Erunt etiam rectæ  $IM$ ,  $IF$ ,  $IN$ , ad rectas  $BD$ ,  $BE$ ,  $BG$  in eadem ratione  $IA$  ad  $BA$ . Quare illæ ad se invicem ut hæ; & cum  $BE$  sit media inter  $BD$ ,  $BG$  per constructionem; erit &  $IF$  media inter  $IM$ ,  $IN$ . Est autem ex natura circuli tam  $IQ$ , quam  $IO$  (quis facile patet esse perpendiculares toti plano Meridiani, adeoque & rectæ  $AI$ , & diametro  $MN$ , ac inter se æquales) media pariter inter  $MI$ ,  $IN$ . Quare utraque æquatur  $IF$ , ac proinde ob  $IA$  communem triangulis rectangulis  $AIQ$ ,  $AI O$ ,  $AI F$ , erunt anguli  $QAI$ ,  $OAI$  æquales angulo  $IAF$ , & tota amplitudo Horizontalis  $QAO$  circuli  $QMON$  dupla  $BAE$ , & æqualis observatæ. Elevatio quoque  $IAM$  maxima in plano Meridiani erit æqualis observatæ  $BAD$ , & cum circulus præterea habeat centrum in Axe in  $S$ , & sit ipsi Axi perpendicularis, erit parallelus Equatori; ac proinde erit qualitas circulus.

Qui formulam Meyeri satis impleatam illam quidem contulerit cum hac constructione, sentiet discrimen. Et illud quidem notandum, in re præsentī constructione adhuc etiam aptiorem esse; cum ipsi altitudo, & amplitudo arcus non ita accuratè determinari possint, sed tantummodo veris proximæ.

Porro hæc distantia determinatio usui esse potest locum, ubi constet, arcum lucidum habere centrum in Axe. At supra docuimus ex Mairanii observationibus, eum plerumque declinare Occidentem versus. Eo casu si verè is arcus circularis sit, & a superficie Terræ æquidistans, satis erit in fig. 2. ex binis locis  $A$ , &  $E$  notare declinationem  $PAF$ ,  $PEF$  medii arcus a Meridiano  $AP$ ,  $EP$ . Nam in triangulo sphærico  $PAE$  cognita distantia locorum  $PA$ ,  $PE$  a Polo  $P$ , & differentia longitudinum  $APE$  cognoscitur latus  $AE$ , cum angulis  $PAE$ ,  $PEA$ , ex quibus, & ex observatis declinationibus innotescunt  $FEA$ ,  $FAE$ , & ex iis ac ex arcu  $AE$  in triangulo  $AFE$  habebitur arcus  $AF$ , sive distantia loci, in quo sit observatio, a puncto  $F$  perpendiculariter subiecto centro dati circuli, per quod ejusdem circuli Axis tranfit; qui arcus  $AF$  adhibitus in fig. 3. pro arcu  $AP$  solutionem problematis correctam exhibebit.

Hanc autem ipsam correctionem omnino necessariam dedimus in eadem dissertatione, in qua etiam pro methodo parallaxium illud notavimus, debere identidem observari altitudinem arcus lucidi in illis planis verticalibus, quæ ita deflectunt a Meridiano, ut transiant per urbes observationibus celebres. Ita enim fiet, ut binæ occurrant observationes altitudinum factæ in eodem plano e locis distinctis, quarum ope methodo parallaxium Geometris, & Astronomis notissima eruetur distantia arcus ipsius lucidi a superficie Terræ. Immo concurrentibus pluribus ejusmodi binariis innotescet, an observationes inter se consentiant, & an vere arcus fuerit circularis, ac a superficie Terræ æquidistans.

(21) Illud obijci solet contra hanc tantam altitudinem tot calculis confirmatam: Obiectum, quod cernitur e locis remotioribus non esse unum, atque idem. Id autem duplici modo accipi potest, 1. si immensæ cujusdam massæ exhalationum pars alia spectetur uno in loco, alia in alio; 2. si quod & in Hylone, & in Iride accidit, radii æque per universam atmosphæram diffusi, non nisi sub certo angulo remissi per reflexionem, ac refractionem exhibeant singulis spectantibus lingua phænomena diversa, quæ licet proxima prorsus careant parallaxi.

Illud primum præoccupavit Noster, ubi dixit superius, *Nec Boreæ ad partes illam &c., Non aliter positam Galli spectatis &c.*, quibus affirmat phænomenum ab omnibus videri ad eandem Cæli plagam. Nam si copia exhalationum immissa per totum Cælum diffunderetur, quarum alix partes ex aliis locis spectarentur, e locis intermediis cerneretur totum Cælum ardens quaquaversum, ex extremorum altero



ad Boream ex altero ad Austrum, ut pater. Quare cum saltem ille lucidus arcus, qui phænomenum comitatur, ab omnibus tam diffisis Europæ Regionibus spectetur ad Boream, oportet idem ille spectetur ab omnibus.

Secundum quod quidem in communiiori sententia, quæ exhalationibus tribuit hoc phænomenum, locum non habet) hic relictis ex eo, quod ad id requireretur corpus aliquod maxime lucidum, quod radius totam Atmosphæram imbueret. Id autem corpus nulum est; nam nec ullum extat supra nostrum Horizontem, nec ullum sub nostro Horizonte latens a Borealioribus cernitur, nec Sol per hyemem depressus gradibus 71.  $\frac{1}{2}$  sub nostro Horizonte, potest supra Horizontem ipsum jaculari lucem, nisi ad distantiam 80<sup>0</sup>. milliariarum, quod calculo inito facile evincitur.

Solet ad probandam phænomeni humilitatem illud etiam afferri, quod lumen Auroræ Borealis videri sæpe solet inter binæ nubium strata, quorum superius ab ea internè illustratur. Duo reponi possunt. Primo potest lux delata a parte phænomeni licet remotissima a superfice Terræ, adhuc tamen depressa sub Horizontem nostrum, per intercapientes quasdam nubium illustrare nebulas jacentes inter illa binæ strata, & stratum superius internè, ut Sol in ipso occasu, vel post ipsum, nubes internè illustrat licet remotissimas. Deinde fieri potest, ut materia ipsa Atmosphæræ Solaris adhuc densior, & nondum inflammata, ex qua etiam illum orbem obscurum inferius repetemus, nubium quandam speciem ingerat per noctem, quæ a materia prius delapsa, & jam inflammata, illustrantur.

(22.) Solem habere suam Atmosphæram in ipsum gravem, jam omnes Physici norunt. Eam satis manifeste ostendunt tum maculæ, quæ ut mox dicemus, sunt quædam Solares veluti nubes, tum lumen quoddam, quod late diffunditur circa Solem etiam cum cum in Solaribus defectibus totalibus Luna penitus textit. Noster eam probat hic tantum ex Cometarum caudis, quas licet alii aliter explicant, ipse & quidem jure censet explicari omnino non posse, nisi cum Nevvtono habeantur pro fumis quibusdam & vaporibus tenuissimis ab ipso Cometa, ejusque Atmosphæra quaquaversus exhalatis.

Cometæ jam Criniti dicuntur, jam Barbati, jam Caudati. Criniti quando circa nucleum diffunditur æquè quaquaversus lumen quoddam simile nebulae albicanti. Si eadem nebula distendatur in eam Cæli plagam, in quam Cometa tendit, is dicitur Barbatus; si in oppositam, Caudatus. Porro Barba etiam generali Caudæ nomine appellari solet, & tam Barba, quam Cauda semper dirigitur in partes Soli oppositas dempta exigua quadam declinatione, & aliquando etiam curvatura.

Porro hoc discrimen in ea sententia commodissimè explicatur. Dum enim Cometæ ad Aphelia ascendant, secum abripiunt plurimas particulas Atmosphæræ Solaris etiam levissimæ suis Atmosphæris immixtas. Ex ibi semper magis condensantur, ex caloris defectu. Cometis redeuntibus, crescit calor, & particulae eadem rariunt, & Cometæ his particulis immixtæ in fumos abeunt. Dum adhuc Cometa versatur extra sensibilem Solis Atmosphæram, fumus illi gravitate sua, qua tendunt in Cometam, circumquaque in gyrum dispositi crines exhibent. Ubi Cometa ingreditur Atmosphæram Solis, sensum densiorem, & gravem in Solem; fumus illi leviores protruduntur, & ascendunt ad partes Soli oppositas, ut nostros fumos aer noster gravior in Terram protrudit fursum ad partes oppositas Terræ. Ille autem fumus Cometicus tractus inclinatur nonnihil ob motum transversum capitis potissimum prope Solem, & incurvatur ob retardationem ascensus particularum ortam a resistentia, ut videmus utrumque contingere in columna fumus e thuribulo ascendenti, si id moveatur in laus.

Mirum sane quam bellè in hac sententia reliqua omnia Caudarum phænomena expli.

explicentur, ut & illud patet, cur Planetæ, qui parum admodum mutant distantiam a Sole & regionem Atmosphæræ Solaris, in qua inuuant, caudas non habebant. Illud autem inde eruitur duplicem Solis Atmosphæram esse, ut Terræ; alteram crassiorē lūmīni reflectēdo parē, ex qua Mairanius desūmit materiā Auroræ Borealis, & quæ aliquando nonnihil ultra Terram protenditur, pterumque citra eam cohibetur, ut videmus infra, alteram protensim longe ulterius. Nam Cometæ etiā ultra Martem Caudas habent, quis non posse esse eandem illas, quæ in minore distantia a Sole exhalatæ Cometam ipsū comitatæ sunt, quod Nevvtonus censuit, satis, ut arbitramur, evidenter ostendimus in dissertatione de Cometis edita anno 1746. Fieri autem potest, ut in maioribus potissimum distantis nobis Crinitæ appareant Cometæ etiā iccirco, quod cauda, quæ dirigitur in partes Soli contrarias, dirigatur simul in partes contrarias nobis, & lateat post caput.

Quam autem iure optimo Nolter affirmet hanc unam veram sententiam amplectendam esse ita, ut *veri nihil effrat unquam*, qui causam aliunde repetat; satis facile ostenderemus, si hic liceret aliorum sententias refellere. Omnium præcipuam a Keplero primum prolatam, a Nevvtono non improbatam, a multis subinde illustratam, quod vapores Cometici truantur ad partes Soli oppositas ab impulsu radiorum Solis, satis, ut nobis quidem videtur, solidis argumentis rejecimus in eadem dissertatione, tum ex tenuitate radiorum, tum ex difficultate avellendi vapores Cometicos a capite in quod gravitant, tum potissimum e curvatura, qua ad partes prorsus oppositas curvari debere caudas demonstravimus, vaporibus in ea sententia necessario ascendentibus motu accelerato non retardato.

Eam autem sententiam, quæ Cometarum caudam tribuit lūmīni trans pellucidum Cometæ caput progredienti, & ob refractionem incurvato, merito Nevvtonus notat, cum dicit, eorum esse, *qui nondum imbuti sunt scientia rerum opticarum*. Nec firmiores sunt eæ, quæ ipsi tribuunt vel refractioni lūminis per Cælum diffusi a Cometarum capitibus ulque ad oculos, vel reflexioni in aliqua superficie Cometis ipsi superiore, & siquæ aliæ ejusmodi occurrunt, quas persequi nec vacat, nec libet.

(23) Duo hic Nolter affirmat. Primum Atmosphæram Solis non semper æquè extendi, quod patebit interius ex iis, quæ de lumine Zodiacali dicuntur. Secundum eandem suas habere nubes & fumos, quod patet ex maculis, quis hic etiā nominat. Eas jam communiter Physici habent pro sumis quibuldam ex ipso Sole emissis, secuti Scheinerum nostrum, quo ipsa nostrarum nubium analogia nos aperte ducit. Philippus Dela Hire, ut constat ex Historia Acad. Paris. ad an. 1700., censuit explicari omnia macularum phænomena per massam quandam solidam, & obscuram, substantiæ Solari fluidæ innatantem, & jam uno latere emergentem, jam alio. Verum præterquam quod hypothesis ea est pure arbitraria, quo nulla nos Naturæ analogia ducit, illud obest; quod sæpe maculæ appareant in limbis Solis prorsus oppositis, ut & nos ipsi observavimus, & in Astronomorum monumentis sæpe invenimus; licet ibidem affirmetur nunquam in oppositis limbis apparere solere. Ac proinde plures ejusmodi massæ contingendæ essent, & hypothesis hypothesis superextruendæ.

(24) Lumen a Sole ad Terras delatæ dimidio circiter horæ quadrante jam Physici censent, ut ex defectibus Satellitum Jovis deprehendit Roemerus, & confirmavit Bradleyus ex annuis Fixarum aberrationibus. Quare Sol dimidio quovis horæ quadrante emittit tantum lūminis, ut impleat globum habentem pro semidiametro distantiam Solis a Terræ, qui globus tam immanis est, ut contineat plusquam decem, ut vocant, miliones millionum globorum nostræ Telluris æqualium.

Mirabitur

Mirabitur sane quicunque immensam materiæ tenuitatem non perpenderit, qui fieri possit, ut Sol penitus, & quam citissime non extinguatur. At si luminis Solaris densitas hic apud nos ea sit, quam haberet Aer Terrestris in distantia 840. miliariorum a superficie Terræ, si is in ea progressionem rarefceret, quam admittit Newtonus Opticæ l. 3. pag. 312. (quod ipsum ita se habere, ut & ea, quæ hic inde inletemus, nuper ostendimus in dissertatione de luminis tenuitate edita in Romano Litteratorum diario) calculo inito comperimus (rem sane dictu incredibilem) unum digitum sphericum materiæ Solaris longè excedere quiddam luminis a Sole emitteretur tot sæculis, quot exprimit unitas cum cyphris 28., sive per multo plura annorum millia, quam sint minutissimæ arenulæ, quæ totam hanc Terræ superficiem operire possunt; immo quæ operire possunt centies mille ejusdem superficiei. Summam certe & incredibilem quandam luminis tenuitatem illud profecto evidenter ostendit, quod cum tam immensi celeritate delatum, nullum hic in tenuissimis corporibus motum cileat progressivum, sed solum illum minimarum fibrillarum tremorem, & perturbatum particularem motum, ex quibus calor pendet, & quæ cum nihil ad sensum turbent statum centri gravitatis corporis, in quod lumen impingit, non ab impactu luminis proveniunt, sed a viribus ipsarum corporis particularum in se mutuo agentium levissima luminis actione ex æquilibrio deturbatis, excitatisque. Novimus sane nullo majorem densitatem radiis tribus ab aliis; sed in promptu est quid eorum argumentis reponamus.

Patet hinc nullam, quæ quidem sensu percipi possit, magnitudinis justuram ex perpetua luminis emissionem haberi debere in Sole. Sed si quæ sit, multa sunt quibus ea compensari possit, quæ ut bene hic adnotavit Noster, in causâ esse possunt, cur & fumos illos eructet Sol, & multo longius aliquando protendat Atmosphæram suam. Nimirum admodum credibile est, multa ex Atmosphæra Solari adhærere Cometis, ac Planetis ex ea potissimum parte, quæ in eam incurrunt; ac multa vicissim ex eorum Atmosphæris relinqui ad latera, & ad partes politicas. Ex in Solem deterentur, in quem & ipsæ maculæ dissolutæ demum, ut nostræ nubes, recident. Et ex sunt nebulae, quarum haustu Solem recreari affirmat Noster, non terrestris hæ, quas Vulgus a Sole sursum ad se attrahi, & elevari tanquam pabulum quoddam arbitratur.

Newtonus Cometas etiam censuit Soli pro pabulo esse posse, qui olim in ipsum recedentes, quiddam exhalando amisit, restituant: ut suis Fixas quoque Cometis refici aliquando, & exardescere, ac pro novis stellis perperam haberi, putat.

(25) Atmosphæram hanc Solis circa proprium axem circumagi satis constat ex motu concordæ omnium macularum, quæ in eo observantur. Ex enim licet adeo inter se diversæ sint; licet & figuram, & magnitudinem, & locum mutant, ac sere perpetuo & novæ generantur, & veteres dispareant, & plures coalescant in unam, & una dividatur in plures; tamen omnes convertuntur circa eundem axem spatio circiter 25. dierum, uti ex Scheineri, Galilei, aliorumque observationibus constat.

(26) Per arcus *similes*, non æquales: nam circulos describunt alix majores, alix minores ita tamen, ut tempus periodicum quantum ex diligentissimis Scheineri observationibus constat, omnes habeant ad sensum idem. Adhuc tamen circulorum inæqualitas non est ita magna; nunquam enim cernuntur prope Polos conversionis, sed tantum aliquot gradibus hinc inde ab Æquatore Solari inter utrumque Polum medio.

Ex hac arcuum omnium similitudine satis constat, maculas Solis ita proximas esse; ut si minimis inhaerent superficiei; nihil, quod quidem sensu percipi possit, ab ea dissent, quo enim distarent magis, eo tempus revolutionis esset diutius.

Volsius in elementis Astronomiæ §. 411. maculam refert a Kirchio observatam

N

per 12. dies in disco Solis fuisse conspicuam, per 15. vero post eum latuisse. Tum paulo infra *Quoniam*, inquit, *tribus circiter diebus post Solem latent, quam Hemisphærium nobis conspicuum peragrans consumunt; Soli quidem proxima sunt, non ipsi tamē superficiesi Solari inhaerent, sed aliquam ab ea distantiam habent.* Nec quidquam aliud ad vim argumenti confirmandam adducit, nisi id unum; non potuisse provenire hanc tanto minore moram in Hemisphærio nobis conspicuo ex eo, quod superficies conspicua Solis sit minor, quam inconspicua, cum nimirum sit tantillo minor.

At alio ex capite Kirkii observatio rem non evincit. Nam si macula non in ipso Aequatore Solari fuit, sed a Polum inconspicuam accessit; potuit sane diutius latere, licet ipsi Solis superficie adhæreret. Sic si Tellus circa proprium axem converteretur; Roma licet ejus superficie adhærens, in Hyberno Solstitio spectanti e Sole per 15. horas lateret, per 9. tantummodo cerneretur.

Et quidem ipsum totius conversionis tempus ostendit manifesto inæqualitatem illam non esse tribuendam distantie. Nam ipsius Solis conversio ut hinc a nobis cernitur cum annuo motu conjuncta, ex aliis maculis æquali tempore suæ conversionis latentibus, & æquali apparentibus, ejusmodi apud Scheinerum occurrunt multæ, eruitur dierum proximè 27. Porro si inæqualitas illa apparitionis proveniret a distantia; distantia ipsa non esset profecto exigua; ac proinde & tempus conversionis ejus micula esset multo majus. At si 12. dies, quibus apparuit, addantur iis 15., quibus latuit, habentur 27.: & fortasse rotundus ille ipse dierum numerus indicat, non ita accuratam extitisse Kirkii observationem, vel non ita accuratè a Volsio descriptam; ut plurium etiam horarum discrimen aliquod non intercedat, quod tempus illud aliquanto etiam brevius reddat.

Ceterum ad inæqualitatem ipsam illud etiam conferre plurimum potuit, quod macula in ipso ortu & occasu transversim inspectæ ita tenues apparent, ut admodum difficile sit ipsum notare tempus, quo primo apparere incipiunt, aut postremo desinunt. Quamobrem aptior ea est methodus, quam inter plures alias fusc enumerat Rolfæ Urinx libro 4. parte 1. Scheinerus adhibuit ad eruendum macularum locum, quis is in ipsa superficie collocat, omnino excludens tantam ab ei superficie distantiam, quæ sensu percipi possit. Nimirum observato diurno maculæ motu in Sole viso, ubi circa medium Solem versatur, & computato arcu Solaris circuli eodem intervallo intercepti, is arcus ad totum circulum habet rationem prorsus eandem, quam illud tempus eidem motui respondens ad tempus integræ conversionis Solaris. Si autem micula in majore circulo moveretur, deberet omnino prima ratio esse minor; quia idem intervallum visum pauciores gradus in circulo illo majore interceperet, quam in Sole ipso.

Profecto illud videtur evidens, argumentum, quo Volsius ex unius maculæ unica observatione, & quidem tam ambigua, sensibilem aliquam distantiam maculis tribuit, rem nequaquam conficere contra tam multa argumenta, quæ ex observationum numero propemodum infinito ad oppositam adducendam sententiam Scheinerus ibidem conserit, inter quæ plura adsunt, quæ magnam vim habent, ut illud, quod hic innuimus.

Et quidem nostrarum quoque nubium, quibus hæ maculæ tam similes videntur esse, atque affines, eodem nos ducit analogia. Etenim si quis ex multo minore intervallo contempleretur nullam earundem ab ipsius Telluris superficie distantiam animadverteret.

(27) Ex hac vertigine affirmat consequi, ut Atmosphæra Solis induat figuram sphæroidis compressæ ad polos lentis similem. Id ut demonstret præmittenda sunt, quæ pertinent ad vim inertie, & vim centrifugam ex ea oriundam. Qui illud perpen-

perpenderit, quam difficile sit latino, & potissimum Virgiliano stylo ea persequi, perspiciet sane quam jure invocet Musis, & quam apposite amceniore episodio Lectorum animos præparet ad excipienda sæviora hæc, & asperiora.

(28) Theocriti Siracusani Poetæ, qui Bucolica contempnit, ad cujus imitatio nem suas Vigiliis Eclogas adornavit.

(29) Agnoscunt Phycici in corporibus determinationem perseverandi in eo statu quietis, vel motus uniformis in directum, in quo semel sunt posita, nisi quatenus a viribus activis, ut gravitate, & elasticitate, impulsu alterius corporis, cogantur mutare statum. Eam Newtonus vocat vim inertiæ, & vim passivam. Keplerus vim inertie appellavit vocabulo aptissimo; cum nimirum indifferencia illa ad motum & ad quietem inertiam quandam præferebat, adhesio vero illa statui semel recepto, qua sit ut corpori etiam in se impingenti resistat, vim quandam exhibeat.

(30) Ex vi inertie oritur vis illa in motibus curvilineis, quam dicunt centri-fugam. Ea nihil est aliud, nisi determinatio, quam habet corpus recedendi ab arcu curvo, quem a viribus activis cogitur describere, orta ex vi inertie ipsum deter-minante ad motum rectilinum per tangentem arcus curvilinei.

In fig. 4. describat corpus circumulum  $ADG$ , cujus arcus  $AD$  quamminimus, ducaturque  $DF$  parallela tangenti  $TA$ , &  $DE$  parallela radio  $AC$ . Corpus sibi re-ctilinum in  $A$  abiret vi inertie per tangentem  $AT$ , nisi vi quadam  $AF$ , nimirum vel tensione fili, quo cohibetur, vel gravitate in punctum  $C$ , vel quavis alia co-geretur deflectere a tangente, & describere arcum  $AD$ . Vis illa expressa per  $AF$ , quæ ipsum urget in centrum, & cogit deflectere, est vis activa cogens mutare statum, & dicitur vis centripetra. Conatus ille recedendi ab arcu  $AD$  per inter-vallum  $DE$ , & abeundi potius ad  $E$ , quam ad  $D$ , oritur ex vi inertie, di-citur vis centrifuga; quæ semper in motibus liberis, in quacunque curva fiant, æqua-tur vi centripetæ. Nec ideo datur æquilibrium inter ipsas, sed corpus a tan-gente deflectit ad arcum, quia altera est vis activa, altera a vi passiva inertie oritur, nec est aliud, nisi determinatio, quam habet corpus abeundi potius ad  $E$ , quam ad  $D$  solum pro casu, quo nulla vis activa cogat deflectere, quæ adve-niente, corpus rectam deserit, & descendit ad curvam.

Cavendum porro hic diligenter, ne vis centrifuga expressa per lineolam  $DE$  confundatur cum vi, quam dicunt tangentialem, quæ exprimitur per  $AF$ , in quem errorem mirum. Sane quam turpiter in hac tanta rerum mechanicarum luce prolapsi quæroloque sint homines etiam summa & ingenii, & doctrinæ fama vulgo celebres. Hæc respectu illius est infinites minor, ubi arcus  $AD$  in infinitum decrescat, & nec earum directiones conveniunt, nec mensuræ.

Vim centrifugam expressit Nolter his vocibus *orbes ingratos; cogitur ire; cen-trum odit motus; tantum odium centri*, ut ubi explicans conatum abeundi per tan-gentem ait: *Et tramite nititur illo currere curvatum pergit qui radere terget, per illud pergit qui radere* satis dilucidè exponit nulum illum continuum in punctis omni-bus abeundi per illam rectam semper diversum, quæ ibi arcum contingit, nimirum in  $A$  per  $AT$ , in  $G$  per  $GV$ .

(31) Virium centrifugarum, quæ ex motu circulari oriuntur theoriam primus om-nium edidit Hugenius in admirabili illo opere, quod de Horologio oscillatorio in-scripsit, ubi multa, quæ ad eas pertinent theorematum protulit. Newtonus autem multo ulterius progressus, viribus centralibus ad curvilineos motus quoscunque tradu-ctis principiorum l. 1. mirum quam multa, quam elegantia, quam utilia demonstra-vit, ex quibus in lib. 3. Planetarum & Cometarum motus, Telluris figuram, Gra-vitatis inæqualitatem, Maris æstum mirum sanè in modum deduxit, atque explicavit.

Et hic Noster innuit, quibus omittis unicum Hugenianum theorema seligit sibi usui futurum, nimirum in corporibus, quæ inæquales circulos percurrant æqualibus temporibus, fore vires centrilugas proportionales circulorum ipsorum semidiametris, vel, quod idem est, peripheriis, ita; ut ubi semidiameter fuerit dupla, vel tripla, vel decupla; dupla pariter, vel tripla, vel decupla sit vis centriluga.

(32) Cum demonstrationem geometricam theorematum carminibus exponere nequam liceat, Lectorem Noster remittit ad Geometras ipsos & Mechanicos, ac recurrit ad Hugenii auctoritatem, & opus nominat, in quo illud theorema continetur. Est autem demonstratio admodum expedita.

Percurrant bina corpora in fig. 4. circulos  $AD$ ,  $ad$  eodem tempore. Percurrant eodem tempusculo arcus minimos  $AD$ ,  $ad$  similes, ac proinde erunt triangula rectangula  $CFD$ ,  $Cfd$  similia, & rectæ  $CF$ ,  $Cf$  erunt ut  $CD$ ,  $Cd$ , vel ut  $CA$ ,  $Ca$ . Quare in eadem ratione erunt & differentiæ  $AF$ ,  $af$ , ac lineolæ  $DE$ ,  $de$  iis æquales, quæ ipsas vires centrilugas exprimunt, erunt pariter, ut  $CA$ ,  $Ca$  circulorum radii.

(33) Solares dies sive computentur ab occasu ad occasum, ut in Italia, sive a Meridie ad Meridiem, ut sit in universa fere Europa, & ab Astronomis, sunt inæquales ob inæqualem motum Solis in Ecliptica, & obliquitatem Eclipticæ respectu Æquatoris. Idcirco Horologia optimæ notæ, quæ æqualiter feruntur motu, non possunt representare Solare tempus inæquale; nisi identidem corrigantur, ac sibi relicta ipsum Solaris motus inæqualitatem exhibent, & accuratius dividunt tempus in horas æquales, quam ipsæ Sol.

Porro horologia tam accurata ante Hugenium fuerunt nulla. Is primus æqualitatem summam conciliavit horologiis, docendo modum, quo ipsis apandum esset pendulum, a cuius vibrationibus dirigeretur rotarum motus, quod præstitit opusculo edito anno 1658. Eandem theoriā mirum in modum perfecit anno 1673, in illo opere, quod de Horologio Oscillatorio inscripsit, in quo celeberrimum protulit Cycloidis isochronismum, sive miram quandam huius curvæ proprietatem, qua sit ut grave in ea oscillans amplissimos arcus percurrat eodem prorsus tempore, quo minimos, si aeris resistentiā dematur, compensata accuratè longitudine majore itineris in arcibus majoribus per maiorem celeritatem. Quoniam si pendulum longius sit, & ponderosius, etiam sine cydoide accuratissima perficiuntur horologia.

Plura autem huiusmodi horologia cum cycloidalibus laminis Hugenius ipse construxit cum successu, quæ nimirum ipsam Solaris motus inæqualitatem in dies satis accuratè deprehenderent, quibus etiam aliquando inscripsit dicitur *Solem audent dicere falsum* alludens ad Virgilianum illud *Solem quis dicere falsum audeat*?

Huc Noster respicit, qui sequentibus tribus versibus mirum sanè in modum, & horologium, & horologii usum proponit ob oculos, versu ipso quodammodo veluti oscillante, æqualibus temporibus distributis in postremi versus initio in iis *Pondere vibranti, tempus discrevit*, quæ sunt veluti quardam binæ oscillationes equè diuturnæ.

(34) Demonstrat jam, cur Solis Atmosphæra debeat induere formam lentis. Demonstratio est eadem, ac ea, quæ ex motu diuturno Terræ, & directione gravium ad unum centrum demonstravit jam olim Hugenius consequi Terræ figuram compressam ad Polos, & elevatam ad Æquatorem.

Demonstratio huc reducitur. Sit in fig. 5.  $S$  Sol,  $BPC$  ejus Atmosphæra, quæ si concipiatur gravis in Solem & quiesca; debeat ob æquilibrium induere, ut patet, figuram sphericam. Adveniat jam ipsi motus circa axem  $PSp$ . Omnia ejus puncta ut  $Gg$ , describent circulos, quorum diametri erunt rectæ  $GH$ ,  $BC$ ,  $gh$  perpendicularia

lares ipsi axi *PSp*. Earum omnium diametrorum una, quæ nempe pertinet ad circum-  
lum æquè remotum ab utroque polo *P*, *p*; transibit per ipsum centrum *S*, qui ipse  
circulus erit omnium maximus, & dicitur *Æquator* conversionis Solaris. Hunc circu-  
lum Noster intelligit, ubi ait *Tergore summo inter utrumque polum, spatii ubi fini-*  
*ditur aquis, Circulum majore ruit, aut Ingens medias circum rapit orbita partes.*

Reliqui circuli, quo propius accedunt ad alterutrum e Polis, eo minores sunt,  
eorum diametris *GH*, *gh* perpetuo decrecentibus. Has plagas utrinque ab *Æquato-*  
re ad Polos protensas Noster appellat *latera*, quorum perpetuum illud decrementum  
dum circuli ad Polos ipsos accedunt, expressit per illud *sensimque minores Declivis*  
*latus ad gremium torquetur in arcus, vel At latera angustius magis, ac magis astra*  
*per orbes.*

Dum per circulos ita inæquales eodem tempore revolvitur superficies Atmos-  
phæræ; ejus diversæ partes, diversas pariter & inæquales vires centrifugas concei-  
piunt, quibus viribus exeuterentur, & procul abirent; nisi gravitas in Solem ob-  
staret, & in circulari orbita retineret. Ipsi tamen gravitatis nifus, qua quavis  
particula deorsum urget sibi subjectas, minuitur tota ea parte, quæ impenditur in  
vis centrifuga coerenda; unde gravitatis vis ubique decrescet, & inæqualiter;  
nam decrementum ipsum erit maximum sub *Æquatore* in *BC*, & polos versus  
sensim semper minus, idque ex duplici capite; primò quia vis centrifuga in cir-  
culis minoribus in *G* & *g* ex præmissio theoremate est minor, quam in majore  
in *B*; quod Noster expressit iis verbis *Tum quia cum gyro sensim brevior fe-*  
*runtur; Quod sequitur, minor illa fuga, & minor incitat ardor*: secundo quia  
in *B* quidem vis centrifuga directè opponitur gravitati, cum ob centrum gravita-  
tis commune eam centro Solis illa tendat secundum *BD* ad partes prorsus con-  
trarias Soli *S*, & hæc ad ipsum *S* feratur. At in *G* vis centrifuga non dirigi-  
tur per *GF* ad partes contrarias Soli *S*, sed per *GE* ad partes oppositas centro  
circuli *I*, & axi *AP*, ac proinde obliquè ipsi gravitati opponitur, & ducta *EF*  
perpendiculari ad *GF*, ipsa *GF* minor quam *GE* detrahitur de gravitate. Hoc  
autem quamvis sine figura explicatu dissimilimum, admodum tamen & perspi-  
cui & eleganter expressit iis verbis: *Tum quia non uno averse sibi tramite*  
*pugnant Hinc fuga & hinc gravitas; fuga namque recedit ab axe* (nimirum  
vis centrifuga in *G* dirigitur ad partes oppositas puncto *I* axis sibi proximo)  
*At gravitas medium recto petit impete Solem* (nimirum dirigitur per *GS* recta  
ad Solem *S* jacentem in medio).

Jam vero cum idem debet contingere in superficiebus omnibus sphaerarum,  
quæ concipiuntur circa Solem intra ipsam Atmosphæram; satis patet totum re-  
siduum pondus in *Æquatore* ipso *BC* fore minimum, in polis *Pp* maximum; ac  
proinde ad æquilibrium recuperandum necessario assurgit Atmosphæra ipsa in  
*Æquatore*, & deprimetur in Polis, prorsus ut accedit in tubo inflexo, in quo  
si bina erua contineant liquores diversæ, ut vocant, specificæ gravitatis, ut  
aquam & oleum; illud quod levius est, altius assurgit. Unde tandem manifesto  
consequitur ejus Atmosphæræ figuram fore non sphericam, sed sphaeroidalem,  
ut vocant, compressam ad polos, & lenti similem.

(25) Persequitur jam positionem hujus lucidæ lentis, & formam, sub qua ea  
nobis hinc procul intuentibus apparere debet. Id autem ejus capitis est commo-  
dum: cum enim debeat repetere materiam Auroræ Borealis ab Atmosphæra So-  
lari, debet offendere primò, ejusmodi Atmosphæram existere, deinde eam ita  
protendi, & ad Terram accedere, ut id phenomenon ex ea oriri possit.

Primum ostendit, ut vidimus, ope Cometarum Caudæ, secundum ut evincat,  
inquit

inquiri in eam formam, quam ea debet induere, & in locum, ac tempus, quo potissimum apparere debet. Cum enim consistat ex observationibus lumen quoddam, quod a Cassino dictum est Zodiacale, ejusdem formæ, istem anni temporibus, eodem Cæli loco apparere; inserat, id lumen esse ipsius Solis Atmosphæram; ac ex ejus luminis extensione, extensionem Solaris Atmosphære deducit.

(36) Axis conversionis Solaris fere congruit cum axe Ecclipticæ, cum quo continet exiguum angulum graduum 7. circiter, ut Schinerus noster dehnivit ex immensa observationum copia Rosæ Urlinæ pag. 556. Hanc Æquator illius immensæ lentis jacet sere in eadem directione cum Eccliptica, ac diffunditur sub illa fascia, quæ in sphaera armillari oblique secat Æquatorem conversionis diurnæ, quam Astronomi dicunt Zodiacum, & dividunt in 12. signa.

(37) Hanc lentem nos in eadem sere directione positi intueri non possumus nisi transversim; ac proinde si Solares radii ita nobis oculos non præfringant, ut ea videri non possit, debet eandem figuram exhibere hinc inde a Sole, quam lens transversim inspecta, nimirum cunei, vel rhombi, vel cuspidis non ita auctæ. Si quis aite ad Eclypticæ polos eveheretur in Cælum; is tandem videret rotundam in formam circuli.

At ne interdiu videri possit, Sol ipse in causa est. Quin immo & crepusculum non diu post Solis occasum, & ante ortum ita effulget, ut ejus aspectum furripit. Ut possit conspici, omnino necessarium est, oriatur antequam Aurora vel omnino incipiat, vel satis invalescat, aut adhuc extet supra Horizontem post extingum, vel satis debilitatum vespertinum crepusculum. Ad id autem requiruntur duo. Primum ut satis protendatur a Sole: secundo ut in ipso ortu, vel occasu non nimis ad Horizontem inclinetur; ne inde fiat, ut & bre iore a Sole intervallo oriatur & occidat, & inter vapores, qui prope Horizontem ipsum crassiores sunt, delitescat.

(38) In Thessalia dicebantur olim esse Anus veneticæ, quæ rhombo circumacta, magis incantationibus Lunam in Terras deducerent, quam & Lunarium detectum canlam esse, ignarum sibi vulgus persuasit.

(39) Qui sphaeram armillarem inspexerit, & aptè ad Poli elevationem collocaverit, ac ad motum diurnum representandum converterit circa proprium axem; videbit Æquatorem quidem semper æquè inclinari ad Horizontem, at Zodiacum ob ejus inclinationem respectu Æquatoris non eodem modo ubique inclinari, sed alias ejus partes oriri aut occidere magis, alias minus obliquas.

Deprehendit autem respectu Hemisphaerii Borealis, in quo nos sumus, occidere omnium maximè rectum principium Arietis, omnium maximè obliquum principium Libræ; cætera autem signa eo magis recta occidere, vel obliqua, quo ad alterum ex iis propius accedunt: animadvertet autem prorsus oppositum contingere in orbi ita, ut, quæ maximè recta occidunt, ea maximè oblique oriuntur.

Quoniam igitur Sol Martio mense Arietem ingreditur, & Septembri Libram; inde hinc, ut primis anni mensibus, sive a Solstitio Hyberno ad Æstivum, Sole occidente, sit nobis Zodiacus minus inclinatus ad Horizontem, & maximè rectus mense Martio circa Aequinoctium Vernalium; reliquis vero anni mensibus, & circa Aequinoctium Autumnale idem prorsus continget oriente Sole.

Quare si unquam extrema pars ejus lentis sub Zodiaco videri possit; continget id quidem potissimum post vespertinum crepusculum mense Martio, & ante Auroram Septembri.

(40) Sub Zona torrida, & potissimum circa Acquatorem, ubi nimirum Acqua-

tor



tor vel exiguum habet inclinationem ad Horizontem, vel nullam, quovis anni tempore Zodiacus parum admodum inclinatus & oritur, & occidit, cum is ab Aequatore hinc inde minus declinet, quam gradibus 23. cum dimidio. Quamobrem si Atmosphæra Solaris satis protendatur a Sole ibi quidem quovis anni tempore lucidus ille mucro videri poterit & mane, & vespere.

(41) At illud etiam requiritur, ut supra monuimus, iusta nimirum extensio Atmosphæra Solaris. Si enim illa non multum recedat a Sole, licet etiam perpendiculariter oriatur, aut occidat; ortus ille vel occasus intra crepusculum cadet; ac propterea observari non poterit, obruta nimirum & obocceata illius luce a lumine illo crepusculi multo vividioris.

(42) Huc usque demonstratum est, solis Atmosphæram existere, converti circa proprium axem, ex ejusmodi conversione debere induere figuram sphaeroidis compressæ ad polos, ac proinde si satis protentatur, debere apud nos quidem certis annis temporibus, sub Zona vero Torrida per totum annum ante ortum Solis vel post occasum videri in Cælo lumen quoddam sub Zodiaco protensum in formam cuspidis cujusdam, vel rhombi, vel cunei.

Hic jam ad observationes ipsas provocat, quibus constat: id lumen iis ipsis anni temporibus, ea ipsa forma, ea ipsa Cæli parte quandoque apparere; ac deum concludit, id lumen, quod ita sub Zodiaco cernitur, esse extremam partem lucidæ illius lentis, quæ solem præcedit mane, & vespere sequitur, sive partem extremam Solis Atmosphæra ulterius protensæ.

(43) Jo. Dominicus Cassinus Summus Patrum nostrorum ætate Astronomus, lumen hoc sub Zodiaco ab aliis quoque non raro olim visum, ut ex pluribus Auditorum etiam vetustissimorum locis satis aperte colligitur, primus omnium peculiari observatione dignum censuit, & diligentius observare cepit ab anno 1683, ut patet ex observationibus, quas eodem anno edidit in diario Eruditorum 10. Maji, & plurimum auctas una cum causâ physica ejusdem luminis petita ab Atmosphæra Solis vulgavit ampliore opusculo. Etiam P. Noel e nostra societate, dum in Indiam navigaret anno sequenti 1684. idem lumen eadem forma observare cepit post vespertinum crepusculum sub ipso Aequatore per modum grandis caudæ Comete, circa horizontem quidem latioris, sed ab horizonte usque sursum semper in latitudine immo & in lumine decrescens, & quasi denique in cuspidem grandiusculam desinens, quod & secundum crepusculum appellavit; ut constat ex ejus observationibus Præge editis anno 1710. Et is quidem eodem & sequentibus annis sub Zona Torrida idem lumen diu observavit & mane ante Auroram, & vespere post crepusculum; at in Borealioribus regionibus extra Zonam Torridam per æstatem vespere multo tenuius, & brevius, quam mane. Ait enim: *Idem postea & sequente anno, dum versarer in nostro Collegio Rachol latitudinis Borealis graduum 15. minutorum 18. prope Goam, multis ante Solis ortum, & multis post ejus occasum horis animadverſi, idemque sequentibus annis. . . .* Ista lux, sive illud crepusculum semper se diffundit per viam Ecclipticæ, & ideo juxta varium sphaera Mundi situm modo ad 40. modo ad 60, 70 &c. gradus supra horizontem assurgit, mane sensim crescente altitudine, vespere sensim decrescente. Fraterce istud crepusculum mane & vespere per totum annum semper conspicitur. Æstate tamen in regionibus Borealius extra zonam torridam sitis, uti in China animadverſi, vesperi non tam clarè, ac distinctè apparet ista lux tenuis, sed mane clariùs distinguitur, quia tunc post Solis occasum Ecclipticæ pars non est valde alta supra horizontem, sive vicina est horizonti.

(44) Cassini observatio de lumine Zodiacali orto ex Atmosphæra Solari Mairanio occa-

occasionem dedit repetendi originem *Auroræ Borealis* ex ea ipsa *Atmosphæra Solis*? Ut inde *Mairanius* oculos *extendit Auroræ Borealis ortus*; sic aliarum quoque rerum *semper* in ibidem forsitale latent, eæ Nepotum olim industria veluti tora germinabunt. Quid ni lectro aliquando noctes quasdam etiam illuces, admodum tamen lucidas videamus claresque, quod ab ipsa Solari *Atmosphæra* usque ad Terras protensa, & nostrarum *Atmosphæra* undecunque circumfusa illustrantur? Quideni ex eodem oriantur fonte calores aliquando immodici, & prorsus insoliti, & ipsa tanta diversorum annorum caloris inæqualitas, *Atmosphæra Solaris* parte jam densiore, & Solis exhalationibus pinguiore ad Terras pertingente, jam minus densi & crassa; ac ipsa aliquando *Atmosphæra* multo ultra Terram protensa, aliquando longe citra eam cohiita?

(45) Jo. Dominicus Cassinus æternum Italix decus in Italia natus anno 1615. *Perrinaldi* in comitatu *Nicensi*, in Italia liberalibus artibus informatus *Genux* in Collegio Societatis nostræ; In Italia ipsa plurimis Astronomicis reperiis inclauit *Bononiæ Bonaventuræ Cavallerio Matheseos Professore* successit datus anno 1650. In *Ludovico Magno* in Galliam evocatus anno 1669. *Parisi* sedem fixit, ubi celebrissimæ illius Astronomicæ speculæ *Parentis*, ac primus Moderator, quam anno 1671. inhabitare cepit; dum aliis sine innumetis præstantissimis inventis, quorum præcipua Nosster hic enumerat, universam Astronomiam auget, lumen quoque ipsum *Zodiaca*le detexit anno, ut diximus, 1683.

(46) Cassinus ab ipsi pene pueritia ita Mathematicorum studiorum, & potissimum Astronomicæ amore correptus est *Genux*, tantosque brevi in iisdem progressus habuit; ut annos natus 25. summo *Bononiensium* studio in locum *Cavallerii* tanti illius *Galilei* discipuli successus sit.

(47) *Bononiæ*, quæ & *Felsina* dicitur, celeberrimum illum *Gnomonem* anno 1655. construxit in templo *D. Petronii*, cujus examen instituit anno 1695 *Bononiæ* regressus, & *Meridianæ* lineæ situm prorsus invariatur invenit; ut constat ex ejus tractatu tum edito, ac ex opete *Eustachii Manfredii*, qui & historiam ejus instrumenti, & usum, & plurima, ac præstantissima commoda, quæ inde in Astronomiam profluxerunt, ac omnium observationum ibidem habitatum seriem una produxit.

Est autem id instrumentum hujusmodi. Extat in summo templi fornice foramen exiguum. Punctum ipsius centro perpendiculariter subjectum in pavimento dicitur *Fes gnomonis*. Ab hoc pede linea ducitur horizontalis recta ad Boream tendens a Meridie, & divisa in partes millesimas, vel etiam centenas millesimas altitudinis foraminis, quæ dicitur linea *Meridiana*. Radii e circuli Solis disco egressi, & se in ipso foramine decussantes conum lucidum efformant, qui, ubi in pavementum impingit, oblique ab ipso pavimento sectus, exhibet imaginem Solis ovalem. Centrum ejus imaginis quotidie in ipso *Meridici* momento appellit ad lineam *Meridianam*, eo propius vel longius a pede *gnomonis*, quo Sol altius ascendit in Meridie, vel longius a Cæli vertice distat, nimirum in æstivo *Solstitio* proxime, in hyberno remotissime: quomobrem etiam signa Cælestia adscribuntur iis *Meridianæ* lineæ partibus, ad quas imago Solis appellit eo tempore, quo eadem signa Sol in *Zodiaco* perfluit. Hinc ejus ope, non solum momentum ipsum *Meridiei* quondam accuratè determinatur, sed etiam distantia Solis a Cæli vertice, ex qua & *Solstitiorum*, ac *Æquinoctiorum* tempora, & Solis ipsius locus in *Eclipticâ* suâ nullo negotio deducuntur, & quidem ob tantam in altioribus templorum ædificiis instrumenti magnitudinem, accuratissimè.

Hinc pronum est illud perspicere, quam eleganter simul & dilucidè hoc instrumentum,

Instrumentum Noster descripserit, dicens *Felsine qua sternitur arca Templi...* certo dum signa notares *Tramite*, quæ medium dum Sol terit *arduus axem*, *Fornicis immixtus per summa foramina lustrat*, ut & commoda, quæ inde in Astronomiam profluxerunt, exposuit per id quod addit *Magnum opus, & magnos fabricatum munus ad usus*.

Cut autem Uraniam induxerit ejusdem Cassini manus ducentem, ex eo constat, quod illi contigit, cum primum eandem lineam designavit. Cum enim *Aedes* ad Meridianæ lineæ positum nonnihil oblique jaceat, traducenda erat ipsa lineæ a media navi in alteram ex extremis. Censebant plerique pilas, quæ medium fornitem sustinent, obstruendas. Cassinus re diligenter explorata, fidenter affirmavit patere transicum: Ac constituto foramine & ipso Solstitii die universa civitate ad Meridianæ lineæ determinationem invitata, adnotato Solaris imaginis cursu, & mensuris rite capris, filum juxta lineæ ducendæ positum extendit, quod summa omnium & admiratione, & admurmuratione ita inter binas ex ipsis pilis transiit, ut utranque pene conraderet.

(48) Tabulas Astronomicas vetustioribus multo accuratiores digessit, ex quibus suis Mantredius Ephemerides computavit. In iis cursus definitur Solis, ac Lunæ, Planetarumque omnium, qui cum perpetuo convertantur circa Solem in ipsum graves, jure hic *sydera Phæbo famulantia* appellantur.

(49) Septem syderum nomine Planetæ intelliguntur. Qui Terram Planetis adscribit numerant 6. Planetas Primarios circa Solem delatos, nimirum Mercurium, Venerem, Terram, Martem, Jovem, & Saturnum; ac quinque secundarios circa Saturnum quos Satellites dicunt, cum quodam amulo tenui & lato ejus globum cingente, quatuor Satellites Jovem comitantes, & unum Terræ Satellitem nimirum Lunam.

Solis, & Primariorum Planetarum distantia, ac magnitudines ita inter se connexæ sunt, ut una cognita, ceteræ facile eruantur. Cognoscitur una distantia, si ea, quam Astronomi dicunt *parallaxim*, unius Planetæ cognoscatur. In hac *parallaxim* Cassinus diligentissime inquisivit ex suis, & Richerianis observationibus anno 1672., & potissimum in *parallaxim Martis* ac Solis. Immo & *arte mira* docuit anno 1684., quo pacto inveniri possit ab unico etiam observatore *parallaxis*, quod inventum est sine utilissimum, & ejus ope demum multo certius inventa est *parallaxis Solis* secundorum 10., & proinde distantia a Terræ 22000. semidiametrorum Terrestrium, & diameter quidem diametro Terrestris centies major, ac moles nullies mille.

Hæc Cassiniana mensuras jam plerumque amplectuntur Astronomi, quanquam sint, qui cum Philippo Dela Hire multo minorem ponant *parallaxim Solis*, & distantiam multo majorem.

(50) Cassinus idem primus omnium detexit conversionem Jovis, Martis, & Veneris circa proprium axem ope macularum, ut Galileus & Scheinerus conversionem Solis. Hinc ipsi ante omnes alios universam suam superficiem distinctius spectandam, & vultus omnes agnoscendos præbuerunt hi Planetæ.

Quæ circa Jovis maculæ & conversionem invenit ab anno 1665. refert etiam Jacobus Cassinus dignus tanto Parente Filius Astronomiæ lib. 5. cap. 1., quæ detexit circa conversionem Martis, idem habet lib. 6. cap. 1., qui & lib. 7. cap. 1. controverfiam longiorem habet de Veneris maculis, & conversione circa proprium axem, ubi Parentis sententiam contra Blanchinum, aliosque, qui eam impugnaverant, fufius propugnat.

Verum ea lis nondum illa quidem satis dirempta est. Quamobrem superest adhuc

hæc provincia ab Astronomis excolenda, ut & in Mercurii, ac Saturni conversionem inquirendum, quorum alterum nimis exigua, alterum nimis magna a Sole distantia velat quodammodo, & distinctius videri non sinit, quibus accedit Cometarum conversio circa proprium axem, quam nos, ut arbitramur, in postremo Cometa deprehendimus primi ex motu quorundam caudæ hiatuum, & nigricantium velut sulcorum, ut tufius exposuimus in Dissertatione de Cometis edita anno 1746.

(51) Quatuor Stellas Jovem comitantes Galileus observavit primus, quos & Medicea sydera appellavit; jam autem Jovis Satellites nuncupantur, ut diximus. Horum motus ipse diu contemplatus theoriam perfecisse dicitur. Sed ea post ejus obitum cum immentis observationum copia ita perijt, ut nusquam inventa sit.

Cassinus eandem theoriam ex propriis observationibus perfecit, & anno 1666. inter alia opera Astronomica Romæ edidit *tabulas Medicæorum syderum*, tum anno 1668. Bononiæ *Ephemerides Bononienses ex hypothesis & calculis Jo. Dominici Cassini* prodierunt. Piccardus, qui eodem tempore florebat in Gallia cum eisdem tabulis computasset eorundem syderum motus, & invenisset magis etiam, quam ipse Cassinus censuerat, cum cælo conformes, tantam ejus nomini famam conciliavit, ut iccirco eum Ludovicus XIV a Clemente IX Pontifice, & a Senatu Bononiensi impetratum evocarit in Galliam. Ibi anno 1693. novas edidit & correctiores Jovialium satellitum tabulas, & Jovialium invenit admodum parabile, cujus ope absque calculo positio Satellitum Jovis deprehendi possit, quod sibi a Maraldo ostensum Vveidlerus, ut ipse affirmat in historia Astronomiæ, illustravit, & edidit Vvitembergæ anno 1727.

Affirmat Cassinus Filius Astronomiæ l. p. c. 1. Parentem jam ab anno 1664. cepisse observare umbram, quam Jovis Satellites in ipsum Jovis globum projiciunt, & in eo, ut nostra hic nobis Luna, Solares defectus pariunt, quæ quidem umbra semper postea longioribus tubis est observata.

(52) Ut Jovem quatuor, ita Saturnum quinque Satellites comitantur. Unum ex iis Hugenius detexit, qui & annuli phenomena explicavit primus: reliquos quatuor Cassinus adhuc longioribus tubis deprehendit anno 1693., ac ita docuit eum habere plures satelites quam Jovem.

Hinc Noster occasione arrepta affirmat Cassinum redarguisse, & mendacem ostendisse veterem Græcorum Poetarum fabulam, qui Saturnum aiebant a Jove Regno pulsus: cum nimirum Cassinus ipse Saturnum, quem quodam cinctum veluti diademate, vel quasi trabeatum Hugenius ostenderat, pluribus adhuc sliparum Satellitibus, quam Jovem deprehenderit.

(53) Hic Noster plurima innuit Cassini inventa, quæ ad Fixas pertinent, & ad Cometas. Quæ circa Fixas detexit primus, refert ejus Filius Astronomiæ l. 1. cap. 6. Nimirum plures Fixas vel recens exortas, vel non antea visas observavit, quas inter nebulosam, & quidem pulcherrimam earum, quæ telescopio observantur, deprehendit inter utrumque canem: plures ab aliis observatas notavit non adesse: aliarum notavit incrementa, & decrements, aliarum certas periodos: nam tertiz magnitudinis in Lepore evanuisse, eamque postea anno 1699. apparuisse nudo oculo magnitudinis sextæ, telescopio divisam in duas, & alia ejusmodi.

Quod autem dicit *Infixa polo, superisque hærentia restis* poetice intelligendum non philosophicè, nimirum ex illa specie, quam nudis oculis Fixæ ingerunt, quæ cum positionem ad se invicem servare eandem videantur; iccirco etiam Fixæ, sen inerrantes sunt dictæ. Ceterum plures accessus ad se invicem, & recessus, licet exigui ob immanem distantiam, ac alii motus post telescopia inventa deprehensi, ut & ipsa magnitudinis apparentis, ac proinde & veræ etiam distantie mutatio, & vicissitudo

cisitudo satis indicant, eas non esse solidis infixas orbibus, ut plures olim censuerunt Philosophi, sed per spatium liberrimum dispersas.

Quod ad Cometas attinet, is quidem eorum theoriam nequaquam perfecit, quæ provincia Nevvtono demum reservabatur. At plurimum Cometarum cursum diligentissimè observavit: ac primus, docuit, quo pacto ex tribus observatis Cometæ locis, reliquos cursus definire & prænnunciari possit, posito quod orbitæ arcus, quem, dum conspicui nobis sunt, deseribunt, haberi possit pro recta linea; quod cum successu expertus est in Cometis annorum 1664., 1665., 1680., quorum reliquum cursum, & celeritatem habendam in dies, prædixit, antequam evanescerent, Astronomis ubique mirantibus consensum vaticinii cum observationibus.

Accedit, quod Cometas ipsos habuerit pro Planetis, qui in exiguo arco suæ orbitæ spectentur, in reliquo cursu ideo videri non possint; quia *ardua multum tendunt ire loca, & spatii se immanibus abdunt*; quod periodos determinare tentaverit, & reditum prænnunciare excussis universis remotissimæ antiquitatis monumentis, ac observationibus pluribus inter se collatis: quod quendam deprehenderit velut Zodiacum, intra quem si minus omnium, plurimorum saltem Cometarum cursus e Terra spectatos concluderet, quem expressit his binis veluti versibus

*Antinous, Pegasusque, Andromeda, Taurus, Orion,*

*Procyon, atque Hydrus, Centaurus, Scorpius, Arcus.*

Licet autem ex veræ theoriæ defectu non deprehenderit, Cometarum cursus tam veros, quam spectatos a Sole, circa quem moventur in longissimis Ellipsis, in omnem cæli plagam liberrimè excurrere, licet Cometarum quorundam orbitas a se invicem maxime distantes, sed quæ nobis hinc spectantibus ealû apparuerint proximæ, pro una eademque habuerit, & ideo prænnunciatio reditus successu caruerit; tamen illud nemo sine inficiari poterit præclarissimis recentiorum Inventis faciem prætulisse Cassinum; eique illos debere plurimum, qui usque adeo Cometarum theoriam postea promoverunt.

(54) Cassinus Meridianam lineam per observatorium Parisiense transuntem, quam Piccardus ceperat continuavit usque ad Pireneos. Collato gradu medio Meridiani a se invento cum Borealiore Piccardiano, invenit suum longiorem esse. Inde intulit gradus pergendo ad Polum decrescere, unde sequitur curvaturam Polos versus augeri, & Terram ad Polos productam esse, ac ovo similem.

Cum Hugonius, & Nevvtonus ex theoria gravitatis, & motu diurno Terræ statulisset figuram potius compressam, ingens inde in Academia Parisiensi exarsit studium accuratius definendæ figuræ Telluris per plures observationes, & habitas in locis magis distitis. Hinc mirum suæ quam multæ vel de novo institutæ, vel repetitæ mensuræ graduum tam Meridianorum, quam Parallelorum, quam multæ excogitatae methodi determinandæ figuræ, quam multæ controversiæ, ac contentiones exortæ. Pleni sunt ejusmodi monumentis commentarii Academicæ.

Nihil tamen in literariis fastis usquam occurrit illustrius celeberrima illa expeditione suscepta anno 1735. Munificentia, & Auspiciis Christianissimi Regis Ludovici XV. Binæ doctissimorum hominum turmæ cum maximo accuratissimorum instrumentorum apparatu simul profectæ altera in Boreales plagas horridas perenni glaciæ, & assiduis nivibus obductas, altera sub Æquatorem in Zonam torridam Solis verticaliter bis in anno imminentes ferventibus radiis astantem. Prima nevfuris in Lapponia ad Torneam in ipso rigentium glaciærum horrore sub polari circulo rite capitis cito regressa itinerum, & observationum historiam jampridem edidit, ubi invento gradu longiore quam a Piccardo, & vero etiam ab utroque Cassino in Gallia inventus esset, Tellurem compressam esse ad Polos pronunciat, quam ipsam senten-

tiam repetitis in Gallia Piccardianis mensuris confirmavit Maupertuisius ejus turmæ Dux, Cassino filio diu obistente. Posterior turma post integrum fere decennium in summis & laboribus, & periculis exactum demum regressa breviter pariter graduum Æquatorem versus, ac proinde compressionem Telluris ad Polos ipsa etiam confirmavit observationibus, quas in dies prodituras litterarius orbis jam dudum cupidissime expectat.

At licet nihil sine in ejusmodi expeditionibus, quod vel ad absolutissimam Mathematicarum disciplinarum cognitionem pertineat, vel ad amplissimum accuratissimorum instrumentorum apparatus, vel ad incredibilem hominum in observationibus instituendis exercitissimorum industriam, ac diligentiam non tantum requiri, sed ne desiderari quidem possit uberius; adhuc tamen illud nobis quidem videtur omnino certum, utcumque & Boreales, & Australes mensuræ cum Gallicis in eo conveniant, ut graduum incrementa ad Polos, & compressionem Telluris confirmet; adhuc tamen hac in re demonstrationis vim haberi non posse ut solius expositus in dissertatione de figura Telluris edita anno 1739. Et compressionem ipsam multo solidius ex gravitatis theoria, & potissimum ex Æquinoctiorum præcessionem deduci arbitramur, quæ a Telluris prominentia sub Æquatore consequitur, & eam ipsam confirmat; quam ex graduum dimensionibus, licet quanta homines possint industria, & diligentia instituit.

Nam ut alia omittamus, graduum mensurandarum theoria pendet ab usu quadrantis Astronomici, in quo filum pondere appeso distensum determinat positionem verticalis lineæ, quæ positio si a vera aberret 15. minutis secundis; majorem in gradibus determinatis errorem inducit, quam sit graduum ipsorum discrimen inventum. At inæqualitas densitatis partium Terræ superficiei proximarum, quæ nulla humana industria explorari ac dehniri potest, multo major profecto est, quam quæ ejusmodi aberrationem penduli pariat, cum & mons æquivalens spheræ habenti quingentos passus pro semidiametro fere dimidio gradu pendulum libi proximum a positione verticali detorqueat.

Illud saltem ad accuratiorem figuræ Terrestris determinationem per graduum mensuras omnino necessarium esse arbitramur; ut plurimi ejusmodi gradus plurimis in locis ab æqualis & doctrinæ, & fidei, & exercitationis viris mensuris rite captis determinetur. Si enim constanter ubique gradus Polum versus obvenerint majores; tum verò illud multo potiore jure licebit deducere, terram ad Polos compressam esse. Quanquam tum etiam profecto timeri poterit, ne constans aliqua densitatis mutatio in materia superficiei proxima constantem inducant differentiam aberrationis penduli, & graduum mensuram constanti errore perturbet. At nobis illud omnino persuasum est graduum magnitudinem prorsus irregularem obventuram in diversis locis, ob discrimen densitatis in materia Terrestris superficiei proxima, quod censemus esse prorsus irregulare; ac proinde irregularem aberrationis penduli a verticali positione mensuram. Id ipsum tamen si exploratum diligenter ita se habere compertum fuerit; magno sane Reip. litterariæ commodo cedit. Erit enim argumentum satis validum illud quidem, pro gravitate Newtoniana composita ex gravitate in singulas Terræ particulas.

Quidquid autem de hisce omnibus sit; nemo quidem sine mentis homo, & in Physico — mathematicis studiis exercitatus non agnoscat summam nobilissimarum expeditionum ad rem litterariam promovendam utilitatem, ac summa tam munificentissimi, sapientissimique Regis, quam doctissimorum, & fortissimorum Academicorum in Remp. litterariam promerita, quam ille tot amplissimis sumptibus, hi tot gravissimis & periculis, & laboribus mirum in modum promoveri conti sunt.

Quo-

Quoniam ex graduum magnitudine magnitudo Terrestris globi, ex eorundem comparatione figura ejusdem deprehenditur, patet jure a Nostro celebrari Cassinum, ut eum qui magnitudinem, & figuram Terræ vestigare docuerit. Patet etiam quam cautè loquatur cum non ipsi veræ magnitudinis veræque nostri hujusce globi figuræ inventæ laudem tribuat, sed eum docuisse tantum ipsius investigationem assermet, & studium omne tantæ hujusce perquisitionis ab eo uno profuxisse in Gallica Academia, quæ tantum sibi nomen nobilissimis expeditionibus, & subtilissima accuratissimaque indagine nuper demum pepererit.

(55) Solebant olim pro singulis locis phases singulæ Solarium defectuum molestissimo calculo, & admodum prolixo investigari. Cassinus invenit methodum omnia nullo fere negotio expediendi per constructionem, in qua representatur Telluris facies, quemadmodum spectaretur e Sole optice projecta in plano quodam disco. Singula loca spectanti e Sole apparerent circulos describentia motu diurno circa axem, qui circuli in illo plano projecti abirent in rectas lineas, vel in Ellipses, seu Ouales quassdam. Docuit igitur quo pacto Ellipses ejusmodi delineari possint pro locis singulis, & definiri puncta, quæ loca singula in his occupant ad datum tempus; dum interea umbra, vel penumbra a Luna projecta per ipsum illum discum excurrit, ac proinde *papiri exigua referente Terras* in ea optice projectas, pingitur in eadem papiri umbra, quam Luna e Cælo projicit, & definitur quæ loca, & quibus temporibus umbram subitura sint, aut ex eadem egressura; unde Solis defectus prænosciuntur.

Hac certè methodo phases omnes non pro uno tantum Terræ loco, sed pro omnibus quoque simul expeditissime eruuntur, & quod calculo vix post immensos plurimorum dierum labores absolvi potuisset, brevi parvarum horarum intervallo perficitur.

(56) Quæ & quanta debita tantæ virtutis præmia Cassinus acceperit satis testatur tantus ille Cassinianæ familiez splendor, quo ea Parisiis nitet, ac opes illæ tantæ quibus abunde affluit. Eum Ludovicus XIV. egrè a Clemente IX., & a Senatu Bononiensi & ad sexennium tantum impetratum, tantæ excepit humanitate, tantis & honoribus cumulavit, & honestavit muneribus, atque amplissimis annuis redditibus locupletavit ut ad Patriam obliviscendam, & figendum in ipsa Parisiensi urbe domicilium impulerit, in qua & jure civis in Gallia nati ab ipso Rege sibi concessa uxorem duxit, & liberos, quos & virtutis paternæ, & opum hæredes relinqueret, procreavit.

(57) Jacobus Cassinus a tanto Parente in ipso Uranix veluti sinu educatus, paternæ laudis æmulus diu cum Parente ipso observationibus Astronomicis operam dedit. Eo e vivis in extrema jam senectute sublato anno 1712. in Astronomicæ speculæ, atque Astronomicorum studiorum Præfectura Patri successit cum multa alia doctrinæ specimina in Commentariis Academiæ Parisiensis passim exhibuit, tum universæ Astronomiæ elementa tabulis præcipuè utilissimis locupletata, quibus calculorum immensus labor mirum in modum attenuatur, ac miscuit, postremis hisce annis publici juris fecit. Nec pauca paræ & ingenii, & in Astronomiæ studii monumenta jam sæpe præbuit Jacobi Filius, Magni Cassini Nepos; ut jam in ipso Cassinorum familia quodam veluti hæreditario jure confedisse, & æternam fixissè sedem videatur Astronomia.

(58) Proponit hic sententiam Mairanii: Jubar glaciale, sive Borealem Auroræ oriri ex Atmosphæra Solari, cujus pars aliqua supra Atmosphæram terrestrem defluens, & confluent ad polos, phænomenum ibi exhibeat.

(59) Probat sententiam ex eo, quod nec ullo alio modo melius explicari possit phænomenum, & in hac sententia optime explicetur, quo pacto ad nos descendat Atmos-

Atmosphære Solaris materia, & quo pacto tam variaz phænomeni partes, ac figuræ inde oriantur, quod se præstiturum pollicetur.

(60) Confirmat sententiam ipsam validissimo Mairanii argumento, qui notavit per ea tempora, quibus lumen Zodiacale apparuit vivilius, & longius a Sole protensum, etiam Auroras Boreales frequentiores visas esse, & sæpe diu earum nullam esse conspectam iis temporibus, quibus nulla epud Scriptores occurrit mentio hujusce luminis sub Zodiaco. Mairenius ipse 1c8. 4. cap. 8. longam tenuit seriem quorundam hujus phænomeni restitutionum, quas ipse vocat *Reprise*, & quas cum Luminis Zodiacalis restitutionibus conjunctas esse notavit primus. Hinc autem ejus sententia satis validè confirmatur, cum utrinque phænomeni conjunctio satis indicet communem utriusque causam esse, nimirum Atmosphæram Solarem.

(61) E spatio, quo per Zodiacum diffunditur a Sole Lumen Zodiacale, colligitur ope Geometriz distantia ad quam Atmosphæra Solaris illa crassior lumini reflectendo par protenditur a Sole Terram versus ita, ut prout illud diffunditur per intervallum a Sole minus, æquale, vel majus quarta parte Zodiaci, hæc contineatur circa Tellurem, ad eam pertingat, vel ulterius prætervecta eandem involvat.

Id patet in figure 6. sit *S* Sol, qui e Terra *T* conspectus appareat in Cælesti Zodiaco in *A*. Si Atmosphæra Solis fuerit *BCB* citra Terram cohibita; duæ tangente *ICD*, ea in Cælo spectabitur extensa per *AD* ad distantiam minorem quarta parte Zodiaci, nam in triangulo *SCT* rectangulo ad *C* angulus *STC* est acutus, ac proinde intercepti minus quarta circuli parte. Augta Atmosphæra *SB*; augeat angulus *STC*, & punctum *D* recedit ab *A*. Ubi ea pervenit ed *T*, recta *TE* ipsam tangens fit perpendicularis ad *T.t*, & proinde *AE* quarta pars Zodiaci. Si illa protendatur multo ultra Terram ad *F*; debet videri Lumen per totum Zodiacum *AEGL* diffusum; Sed si *TF* sit exigua distantia ita, ut evanescat ex oculis Atmosphæra eo pacto, quo nebulam exiguo intervallo interfacentem non cernimus ob tenuitatem; adhuc tamen *TI* media proportionalis inter *FT*, & *Tf* longissimam poterit esse satis longa, ut lumen videatur in *E*, immo, & aliqua *TM* ultra *TI* satis longa esse poterit, ut lumen usque ad *G* videatur.

Jam vero ex diligentissimis observationibus colligitur Lumen Zodiacale quandoque protendi a Sole ad distantiam solum 50. graduum vel 60., vel 70., eligendo autem per 90. nimirum per quartam Zodiaci partem, aliquando etiam per 100. Quare Atmosphæra Solis crassior aliquando longissime a nobis citra Terram cohibetur, aliquando ad eam pertingit, aliquando nonnihil ultra eam protenditur.

(62) Ut ostendat, quo pacto ex quadam distantia defluat in Terras materia Atmosphære Solaris, præmittit hic explicationem gravitatis universalis Nevvtonianæ, quam Attractionem nominat cum Nevvtonianis, in quocunque demum ea physice sita sit. Porro primum exponit ejusdem proprietates, & leges secundum quas operator, tum eam existere probat seligendo validissima ex argumentis, quæ a Nevvtono, & a Nevvtonianis afferri solent.

(63) Binas leges ejus gravitatis exponit. Prima est eam esse proportionalem quantitati materiæ. Quamobrem corpus, quod duplum materiæ continet, vel triplum; cetera corpora duplo pariter vel triplo validius trahit ceteris paribus. Hinc cum ex motu Satellitum Jovis, & Saturni constet gravitatem in Jovem in pari distantia esse plusquam duplo majorem, quam in Saturnum, colligunt Nevvtoniani æque majorem esse materiæ copiam in Jove, quam in Saturno. Secunda est eam in majoribus distantis esse tanto minorem, quanto major est super-

cies



cies illius sphaeræ, in quam diffunditur, quæ nimirum respondet iis, quæ dicuntur quadrata distantiarum, sive distantis ductis in se ipsas. Nimirum in dupla distantia ejusmodi vis est minor vicibus bis duabus, sive quatuor; in tripla ter tribus sive novem, in decupla decies decem sive centum; quia superficies sphaeræ habentis duplam diametrum est quadruplo major, triplam noncuplo, decuplam centuplo. Hæc autem dicitur a Mathematicis *ratio reciproca duplicata* distantiarum. *Reciproca*, quia auctis distantis vis decrevit, *duplicata*, quia non decrevit, quantum crescunt distantie, sed quantum crescunt eadem ductæ per multiplicationem in se ipsas.

Hæc secunda lex clarissimè exprimitur per illa *Tam magis a primo nimium debilis ortu, Quam magis extensum late se effundit in orbem*. Ubi vim ipsam, undecunque demum ea physicè oriatur, poeticè considerat tanquam quidpiam egressum e corpore, ut lux a flamma circumquaque emittitur, & eo magis attenuatum quo longius procedendo magis diffunditur.

(64) Primum argumentum ad probandam generalem gravitatem desumit a motu curvilineo Planetarum Primariorum circa Solem; & secundariorum circa Primarios. Vis argumenti satis patet. Hi Planetæ vi inertie abirent per rectas lineas, nisi aliqua vi perpetuo agente perpetuo retraherentur a motu rectilineo ad curvilineum, quæ vim centrifugam cohibeat, & vices expleat fundæ rotatum lapidem retinentis. Urgentur igitur Planetæ Primarii in Solem; & Secundarii in Primarios, ac Luna in Terram vi quadam eos perpetuo sollicitante.

(65) Cartesiani vorticem admittunt, qui Planetas Primarios circa Solem transferat, in quo minores vortices transferantur simul pro singulis Planetis singuli, quibus stellites agantur in gyrum. Hypothesis vorticum plurimis argumentis e Mechanica petitis ita vehementer impetita est, & dejecta; ut eam frustra, nostro quidem iudicio, summi etiam hujusce ætatis Mathematici erigere conati sint, ac succire, cujus rei plura, ut nobis quidem videtur, summi ponderis documenta dedimus in Disquisitione in universam Astronomiam edita ab anno 1742, in qua dissertatione demonstravimus irritos evasisse Cassini Filii, Bulfingeri, Bernoullii in vorticibus restituendis conatus.

Sed validissimum contra vortices argumentum Cometæ suppeditant. Eorum cursus in orbitis Ellipticis maximè oblongis jam non minus, quam ipsorum Planetarum motus certò definiuntur. Porro ex 24. orbitis ab Halleyo computatis, & ex aliis determinatis post ipsum satis constat, Cometæ in omnem Cæli plagam liberrimè excurrere ex Austro in Boream, e Borea in Austrum, secundam ordinem signorum, contra ipsum: omnes ultra Saturnum ascendere, plerisque descendere infra Venerem, ac multo infra Mercurium, brevi tempore Planetarum omnium regionibus trajectis: & tamen nihil eorum cursus turbatur, nec ullum habetur resistens indicium. Profecto a Vorticibus, si qui essent, in gyrum cum Planetis abriperentur, vel silem a capto itinere deturbarentur. Hoc demum argumento Cartesiani vortices penitus corrumpunt.

(66) Confirmatur gravitas generalis 1. Ex perturbatione motuum Jovis, ac Saturni, eorumque Satellitum, quæ manifesto deprehenditur, quotiescunque ii Planetæ sunt in conjunctione ita ad se propius accedentes, ut mutua actio gravitatis sentiri possit. Ea perturbatio tam patet, & tanta est; ut ad ipsam *Astronomi barerant*, quæ Nevvtoni est phrasis, & Nostro occasionem præbuit Uraniam hærentem inducendi.

Porro harum aberrationum determinatio ex lege gravitatis generalis est argumentum ab Academia Parisiensi propositum. pro dissertatione præmio donanda anno 1748.

(67) Con-

(67) Confirmatur 2. ex theoria Cometarum. Eorum motus prima fronte adeo irregulares, & post tot sæcula Astronomis prorsus incogniti, demum beneficio gravitatis generalis a Nevvtono detecti sunt, & tam accurate definiti, ut orbita determinata ex tribus observatis locis; reliquis cursus omnis, quem tenent, dum conspicui sunt, multo facilius, & multo accuratius computetur, quam Planetarum cursus tamdiu observati. Loca autem observata in dies cum erudis calculo innixo gravitati in Solem attrixit isdem legibus, quibus gravitas Planetarum adstringitur, tam accurate conueniunt; ut vix paucorum secundorum discrimen deprehendatur, quo nullæ observationes tuto pertingunt.

(68) Confirmatur 3. ex theoria Lunæ. Luna contumax olim sydus, tam variis perturbationibus agitur, ut nulla unquam Astronomorum industria potuerit ejus motum satis arctis vinculis cohibere. Ex generalis gravitatis lege constitit, eam, dum circa Tellurem convertitur jam Soli propiorem in Noviluniis magis in Solem attrahi, quam in Terram, jam remotiorem in Pleniluniis minus, jam ab utrolibet latere jacentem in Quadraturis obliquè trahi, & introrsum. Ex hisce gravitatis inæqualitatibus perturbationes motuum determinavit Nevvtonus. Testatur Grammaticus Noster *Tabulas Lunares ex theoria, & mensuris Isaacii Nevvtoni concinnatas*, quas anno 1726. edidit Ingolstadtii, plusquam centies ad examen rediitis, Cælo teste tam belle cum phænomenis consensibile; ut major consensus non tantum desiderari, sed ne sperari quidem posset. Atque ita (rem sanè dictu incredibile!) quod nullæ tot sæculorum toties iteratæ observationes præstiterant, id unica generalis gravitatis consideratio perfectè accuratissimè.

(69) Confirmatur 4. ex Maris aestu. Hujus phænomeni, quæ tam diu summorum hominum torserunt ingenia, ita ex principio gravitatis generalis & manifeste, & accuratè deducuntur; ut Daniel Bernoullius sub initium dissertationis de Maris aestu, quæ præmium retulit ab Academia Parisiensi anno 1740., affirmare non dubitaverit, *Gravitatem mutuam consideratam inter globos Terræ, Lunæ, & Solis non tantum posse producere omnia phænomena æstus Maris, sed etiam omnino debere, & id quidem juxta omnes leges hucusque observatas, quæ ab eo gallicè conscripta, latine reddimus, ut & illa, quæ paulo inferius habet: Deprehendi ubique mirum sanè consensum inter theoriam, & observationes; qui consensus iccirco etiam minus esse suspectus debet, quod ego observationes ipsas non nisi calculis omnibus absolutis consului, ita, ut fide optima affirmare possim, me maximam observationum partem divinaffe, quæ quidem mihi baud satis perspecta fuerant, cum hoc opus suscepi.*

Provenit autem aestus ipse ex eo, quod partes Marium, quæ Lunam spectant, propiores ipsi Lunæ magis in eam gravitent, quam centrum quod proinde nituntur deserere, at quæ ex opposita parte jacent, minus gravitent quam centrum, a quo proinde ad oppositas partes relinquuntur, utrinque plurimum recessuræ, nisi gravitas in Terram cohereret: qui tamen eo nisu utrobique imminuta ac proinde sublatò aequilibrio, binis in locis altero Lunæ subiecto, altero opposito assurgunt Maria, & ea intumescencia augetur a gravitate obliqua laterum in Lunam ipsa latera nonnihil introrsum comprimente. Cumque idem gravitas in Solem præstet, sed multo minus ob multo majorem ejus distantiam; pendet hora aestus maximi ab appulsu utriusque ad Meridianum, sed magis Lunam sequitur. Maximi vero aestus habentur in Novilunio ac Plenilunio, ubi utroque Planeta in directum jacente cum Terra, eorum actiones conveniunt; minimi in quadraturis ubi alterius effectus turbatur ab altero, & ex parte corrigitur; ac exteris paribus majores sunt Luna, vel Sole propius accedente ad Terras, quam longius

longius recedente, & singula phenomena, ac horum ipsæ appulsuum maximi æstus accuratè eruntur Geometria, & Analyseos ope, summo ut diximus, observationum in aperto ac libero Mari institutarum consensu cum theoria.

Cæterum vis omnis argumentorum, quibus a Nevvtonianis probatur attractio illa generalis, a qua gravitas pendet, huc reducitur. In primis videmus singula corpora Terrestria gravitare in Terram, & cum illud jam solidissimum demonstrationibus evincatur, gravitatis hujus phenomena non posse provenire ab impulsu fluidi in vorticem abrepti, nec verosimile sit gravitare in punctum quoddam imaginarium, ac nulla appareat ratio, cur in unam potius quam in aliam Terræ partem gravitent; gravitant in omnes: & ex lege actionis, ac reactionis æqualium, quam amplissima inductio virium omnium, in quibus experimenta institui possunt, satis evincit; gravitant omnes in singulis: Ex figura spherica Planetarum omnium deducitur, eorum partes gravitare in ipsos, ex motu Lunæ circa Terram inferitur, hanc gravitare in eam, & ex maris æstu, ac ex lege actionis & reactionis æqualium gravitas Terræ in Lunam deducitur. Ex motu Planetarum Primariorum cum secundariis circa Solem patet hos in illum gravitare. Ex motu secundariorum circa Primarios patet eorum in hos gravitas, ac ex reactione æquali gravitas Solis in Primarios, & Secundarios, ac Primarium in Secundarios. Demum ex perturbatione Jovis, ac Saturni, eorumque Satellitum patet hos gravitare in se mutuo. En igitur inductionem amplissimam gravitatis mutue inventæ in omnibus corporibus, in quibus adest aliqua ratio eam investigandi. Igitur hæc est proprietas toti materiæ communis.

Evinis autem legibus priorem, quod nimirum sit gravitas, ut quantitas materiæ attrahentis, probant ex eo quod ex descensu aque celeri omnium corporum gravium in spatio non resistente, ut in machina Boiliana constat, particulas omnium corporum æquali vi attrahi a tota terra, ac proinde ob reactionem actioni respondentem, æqualis erit vis, qua particula eadem attrahent reliquis, ex quibus tota terra componitur, & proinde gravitas cujuscunque corporis orta ab attractione omnium terræ particularum, erit proportionalis earundem particularum numero. Secundam quod nimirum gravitas tantum decreseat, quantum crescunt distantia ductæ in se ipsas, deducunt ex comparatione gravitatis nostrorum gravium, cum vi, qua luna in orbe suo retinetur, ex forma Elliptica orbium Planetarum gyrantium circa solem positum in quodam puncto, quod dicitur Ellipticos focus, & ex quadam relatione distantiarum a Sole eorundem Planetarum, ac temporum, quibus suas absolunt periodos detecta a Keplero, qua fit ut quadrata temporum periodicorum respondeant cubis distantiarum. Demonstravit enim Nevvtonus, Ellipsim circa focum non describi a corpore, nisi id corpus in diversis distantis urgeatur vi decrescente in eadem ratione, in qua crescunt distantia ductæ in se ipsas, nec eam haberi relationem distantiarum ac temporum, nisi corpora, quæ diversis Ellipses percurrunt, urgeantur viribus eadem lege decrescenribus.

Accedit, quod admittit hæc gravitate cum hisce legibus, ad quam nos tot phenomena ducunt, optime explicantur aberrationes Lunæ, & motus implicatissimi Cometarum, phenomena tam varia æstus Marini, Præcessio, quam dicunt, Æquinoctiorum, ac alia plurima ejusmodi. Igitur ea existit in Natura, licet ejus causa, & sedes physica nota non sit.

Observamus quidem in quibusdam corporibus, ut in electricis, elasticis, magneticis, vel attractionem majorem, quam universalis gravitatis lex requirit, vel etiam repulsionem, quod idem in minimis omnium corporum particulis experitur potissimum in Chymica. Verum id quidem gravitatis generalis ideam nequaquam

turbat. Nam ex iis ipsis corporibus in iis omnibus, in quibus considerari aliqua ratione potest, observatur gravitas in totam Terram generalis gravitatis legibus respondens. Quare ad reinveniendam analogiam gravitatis mutuz in iis etiam particulis, quæ se vel attrahunt attractione diversâ ab ea, quam gravitas requirit, vel etiam repellunt, considerari potest vis quædam accedendi ad se invicem respondens massæ partis, in quam tendunt, divisæ per quadratum distantiz, & ea ipsa nominari gravitas; tum ejus sic conceptæ vel differentia ab attractione, qua in se mutuo particulæ tendunt, vel summa cum repulsionem, qua a se mutuo recedunt, nominari alio quocumque nomine ut electricitatis, elasticitatis, vis magneticæ, cuius ope fiet, ne gravitas universalis consideretur in omnibus materiæ particulis, & cum ipsa gravitate aliæ vires concipiuntur simul, quæ si attractivæ sint, cum ipsa gravitate conspiciantur, & effectum majorem reddunt, si repulsivæ, vel vim gravitatis minuant, vel etiam eandem superantes repulsionem attractioni substituant. Hoc pacto gravitas universalis omnium particularum materiæ in se invicem hæcbitur, sed eadem erit conjuncta cum aliis viribus ejus effectum turbantibus.

(70. Confirmari potest demum hæc universalis gravitas sive attractio exemplo plurimum aliorum attractionum, ac repulsionum, ut Magneticæ, Electricæ, ac earum, quæ in minimis potissimum corporum particulis se produnt sine innumerabiles, præcipue in effectibus chymicis. Eæ tam multæ sunt, tam evidentes, & originis præter tam occultæ, nec earum exempla, & Naturæ analogiam perpendicularibus difficultatem omnem generalis hujusce attractionis admittendæ, quam licet incertæ originis, tot tamen Naturæ phænomena tam aperte demonstrant, vel prorsus amoveant, vel plurimum saltem emoliant.

(71) Quis hic Leandrum non intelligat, quem in Abido Asiæ oppido natum Heros puellæ in opposito Hellepontis littore habitantis amore captum, ad eam noctu transire solitum dicunt, oculis in lucernam intentis, pro signo, ad quod cursum dirigeret, in summa turri propositam; quod ipsum cum aliquando tumido mari tentare demum ausus esset fluctibus obrutum, atque in litus ejectum? Ejus fabulam elegantissime apud Græcos Museus profecutus est; & inde Ovidius epistolarum Heros ad Leandrum, & Leandri ad Heronem argumentum desumpsit. Porro Jo. Baptista Zuppius Poeta inter Recentiores Italos merito summo opere commendatus in eo venustissimo sine carmine, quod *Amoris Musæum* inscripsit, Lucernam ipsam ab ipso Amore sublatam, & inter vetustissima quæque suæ potentiz monumenta asservatam, sibi quæ ostensam, fabulatus est elegantissimis illis versibus, ad quos Noster hic alludit, nimirum.

„ Volgo lo sguardo, e appesa  
 „ Di verde bronzo antico  
 „ Veggo Lucerna, io aico:  
 „ Oh, chi la vide accesa!  
 „ Allora il Nume infido,  
 „ Che tutto prende a giuoco;  
 „ La vide ma per poco  
 „ Il Notator d' Abido.

„ Abi sventurato Notator d' Abido  
 „ Dissi: ah misera Lei! chi la  
 „ conserta  
 „ Ch' essinto il vede comparir sul  
 „ Lido....  
 „ Qui m' interrompe Amore: a te  
 „ che importa!

(72) Hic iterum vim gravitatis exhibet tamquam virtutem quandam profluentem e corpore attrahente, & quaquaversum diffusam; undeconque ea vere originem ducat, & licet vel ab ipsa natura gravitantium corporum pendeat, vel a libera D.O.M. lege. Poetice nimirum loquitur, ut eam evidentius oculis fere ipsi obijciat.

Philosophicus sensus est, quamvis ob multo majorem materiæ copiam in Sole, quam in Terra gravitas in Solem paribus distantis sit multo major gravitate in Ter-

ram

nam juxta legem primam; tamen cum ex lege secunda illa in maxima distantia a Sole decreseat plurimum, hæc in exigua distantia a Terra sit parum admodum minor; adesse limitem quendam certum Terræ multo propiorem, quam Soli, in quo ea æquantur, & infra quem gravitas in Terram sit major.

(73) Ex parallaxi Solis secundorum 10., quam a Cassino inventam superius diximus, eruitur, Solis diametrum esse majorem diametro Terræ vicibus 100. proximè, ac proinde molem vicibus millies mille. Quare si densitas esset in Sole eadem ac in Terra, Sol contineret millies mille vicibus plus materiz, quam Terra. Verum ex motu Veneris circa ipsum, & Lunæ circa Terram invenit Nevvtonus quantitatem materiz in Sole esse 22512. vicibus tantum majorem, ob densitatem nimirum fere quadruplo minorem in Sole quam in Terra.

(74) Enim limitem, definit Mairanios sect. 3. cap. 1., distare semidiametris Terrestribus proximè 43.  $\frac{1}{2}$  a centro Terræ. Plura quæ ad eum limitem pertinent, vide, si libet, apud eundem.

(75) Quoniam Atmosphæra Solaris aliquando ita augetur, ut eum etiam limitem transgrediatur, statim incipit gravitate in Terram magis quam in Solem. Sed non ita cito statim in Terram decedit. Flectit illa quidem cursum vertiginis suæ nonnihil Terram versus; sed si non facis eum limitem prætergrediatur; sæpe ipse ejus motus, quo fertur, eam aperit ita, ut antequam decedat, evadat in partes remotiores a Terra, & in quibus vis in Solem vi in Terra sit major.

Porro ejusmodi motus duplex est, alter, quo circa axem suum convertitur, alter quo a Sole motu annuo circumfertur circa Terram in sententia Terræ quiescentis, cui motui, qui Terram movent substituunt motum Terræ circa Solem, & ab hoc posteriore potissimum ob multo majorem ejus velocitatem impediri potest hic descensus, qui, ut patebit inferius, Atmosphæra Solari ultra Terram protensa ex parte Orientali Terræ plurimum juvat descensum ipsum, ex Occidentali impedit, priore illa in materiam ejusmodi Atmosphære Solaris impingente, hæc posteriore ipsam fugiente celerius etiam, quam ut hanc illa assequatur.

(76) Ut ostendat, cur materia Atmosphære Solaris non decedat usque ad Terras, sed phenomenon exhibeat distans sexcentis etiam, vel septingentis milliariis, affirmat hic Noster, ut supra docuimus ad versum 193., supra densiorem illam Atmosphæram Terrestræ, parem sustinendis exhalationibus, & vaporibus, ac reflectendo, & refringendo luminis, cujus exiguum altitudinem demonstravit, alteram Atmosphæram regionem puriorem, ac tenuiorem per gradus attolli usque ad spatia a Terris maxime remota, donec desinat in auram illam ætheream, quæ, cum in ea Planetz sine sensibili motus jactura tamdiu moveri pergant, ita tenuis sit, ut fere pro spatio vacuo haberi possit.

Consideretur jam totus hic vastissimus globus continens hunc etiam Terrestræm aerem tennissimum quidem, sed densiorem auræ æthereæ, & extremis partibus Atmosphære Solaris. Hæ partes dum prætergressæ illos limites decidunt in Terris motu semper accelerato, deveniunt ad supremam superficiem hujus globi, ibidem statim retardatur earum descensus ex resistentia, & brevi etiam sistitur. Novis interea partibus perpetuo advenientibus, & superaggestis addensantur, colliduntur, fermentantur, & effervescent, ac omnia exhibent Auroræ Borealis phenomena, quorum omnium causæ, & origo sigillatim exponendæ sunt.

(77) Ad Auroram Borealem gignendam satis est, ut Atmosphæra Solaris protendatur aliquanto ultra limitem attractionum æqualium. Sed si ea aliter etiam se diffundat ita, ut & Terram ipsam demum prætergrediatur, multo major effectus oriri poterit.

(78) Antequam figuras, & singula Auroræ Borealis phenomena explicet, exponit hic Noller, cur materia Atmosphæræ Solaris Auroræ Borealem gignens non periret diffusa per totum Cælum, sed defluat ad Polos. Profert autem binas causas alteram in hypothefi Terræ motæ, quæ & præcipua est ex iis, quas Mairanius refert sect. 3. cap. 2., alteram in sententia Terræ quiescentis.

Illa prior petitur a diurna conversione Atmosphæræ Terrestris, quæ dum gyrat, repellit materiam Atmosphæræ Solaris ibi extrinsecus incidentem, idque ibi magis, ubi sub Equatore velocius movetur, exemplo rotæ, quæ dum circumvolvitur, assusam aquam excutit majore, vel minore vi, prout magis vel minus celeriter movetur; materia vero ipsa eo defluet unde minus vehementer repellitur, nimirum ad polos.

Posterior petitur a calore majore sub Zona Torrida, quo fit, ut ibi perpetuo atmosphæra magis calefacta rarefeat, ac intumescens elevetur; cumque in montem erecta consilere non possit, defluat ad Polos, & secum delerat materiam Atmosphæræ Solaris sibi innatantem, ut aqua in theno calefacta intumescit, & ad latera defluit, ac spumas ibi innatantes secum rapit.

(79) Sententiam Telluris motæ, quam nobis, hic Romæ olim a sacra auctoritate damnatam, amplecti non licet, exponit, ut aliorum sententiam. Porro in ea Tellus duplicem potissimum motum habet prorsus ut reliqui Planetæ: alterum, quo circa Solem fertur in orbita Elliptica, alterum, quo rotatur circa proprium axem in orientem. Priore illo in Eclipticam fertur, & 12. signa Zodiaci singulis annis percurrit, Sole nobis semper apparente in parte Zodiaci e diametro opposita illi, in quo nos respectu Solis versamur, qui nobis iccirco videtur percurrere Zodiacum ipsum.

Porro in Equinoctio verno, ex quo anni tropici initium desumitur, Sol nobis apparet in principio Arietis; ac proinde Terra respectu Solis versatur in principio libræ, & ideo dixit *Incubat imbriferum geminis sub lancibus annum*.

Posteriore motu singulis diebus convertitur, & diem ac noctem alternat eadem superficiæ parte jam Soli obversa, jam in plagam oppositam directâ, ac omnium syderum apparentem tantum diurnum motum exhibet, ut stanti in navi in gyrum acta appareat undæ, & naves, ac littora, montesque perpetuo cieri turbine. Hoc autem diurno motu etiam Atmosphæra universa converti debet, quod nisi fieret, ventum vehementissimum perpetuo experiremur, ædificiis omnibus deieciendis parem, & nubes cerneremus in Occidentem perniciosissimo abreptas curru.

(80) Eodem 24. horarum intervallo, & sub Equatore circulus vastissimus percurritur, & minores, ac minores circuli Polos versus. Quare in illo celerrimus habetur motus, in his sensim languidior.

(81) Nec hic inuit, qui hanc explicationem phenomeni dedimus in dissertatione de Auroræ Boreali edita anno 1738. Cum enim ex una parte Auroræ Borealis causa Mairaniana desumpta ab Atmosphæra Solari nobis maxime probaretur: ex alia diurnum Telluris motum; quo ipse utebatur, ut præcipua, & generalis causa, quæ materiam illam Solaris Atmosphæræ ad Polos repelleret, colligeretque, nobis adhibere non liceret, & Telluris quietem admittere, ac tueri deberemus; eam aliam invenimus viam, & causam protulimus a motu Terræ non pendentem, quæ tamen vera esset, & ab iis etiam admitti posset, qui Terram movent, ac cum diurno motu copulari.

Cum vero illud maxime incommodum videretur, quod uti nobis non liceret

tam

tam multis præclarissimis Recentiorum inventis, quæ Telluris motum omnino requirere videbantur, ejusmodi sunt causa physica motuum omnium Cometarum ac Planetarum, perturbatum Jovis, & Saturni, inæqualitatum Lune plurimarum, Marini ætus, compressæ Telluris formæ, inæqualitatis gravitatis in diversis Terræ locis, præcessus Æquinoctiorum, petita a principio gravitatis generalis inventæ a Newtono, a qua una ea omnia sponte fluunt; Causa aberrationis annuæ Fixarum, quam per Telluris motum, & propagationem luminis successivam explicavit Bradleyus; & alia ejusmodi sane multa; diu cogitavimus, num qua ratione ea omnia conciliari possent cum Telluris quiete, quam sacra exposcit auctoritas.

Nec tantus labor, nostro quidem judicio, irritus nobis cessit. Tandem invenimus viam, qua omnia ita conciliaremus, ut nobis in posterum licitum futurum sit adhibere Tellure immota, quidquid adhibent, qui movent. Ejusmodi autem est, quum nemo fortasse, qui aliunde, a sacra nimirum auctoritate ductus, Telluris quietem non admittit, rejecturus non sit, tamquam ad arbitrium confectam: quæ tamen assumpta Telluris quiete, ut dato quodam, ex eo & e phenomenis, ac analogia Naturæ directâ ratiocinatione colligitur, & quam nullis experimentis nulla satis valida ratiocinatione falsam ostendi posse, pro certo habemus. Eam anno 1746. proposuimus in dissertatione de Cometis, ejusque vi Mairanianam quoque causam jam tuto admittimus, quia in Terra licet vere & absolute quiescente, habemus motum relativum, respectu cujusdam spatii, quod ibi concipimus mobile data quidam lege, & respectu cujus vim inertię, & vires alias agentes ponimus. Sed ea non sunt hujus loci, & satis exponi non possunt.

(82) Ex diversa positione Terræ respectu Atmosphæræ Solaris fit, ut quædam anni tempora Auroræ Borealis generationi maxime favent, quædam alia potius adverfentur. Eæ autem positiones revocantur ad hæc tria capita; 1. ad positionem Terræ respectu Aphelii, & Perihelii, sive quod idem sonat, respectu maximæ, & minimæ distantię a Sole. 2. ad positionem Æquatoris Terrestris respectu Eclipticæ. 3. ad positionem Æquatoris Solaris respectu Eclipticæ ipsius. Ea Mairanius in se persequitur sectione 3. cap. 2., & tota sectione 4. posito Telluris motu. Nos singula quam brevissime, & quam clarissime licebit expediemus, & quidem secundum paulo aliter, ac ipse; ita tamen; ut magis etiam inde appareat, quam bene cum ejus sententia cælum ipsum consentiat. Telluris autem motum retinebimus simpliciteris cujusdam gratia, cæterum quæcumque a Terra circa Solem translata consequuntur, eadem omnia ex Atmosphæra quoque Solis cum Sole ipso translata circa Terram proveniunt.

Sit in fig. T. Sol in S, qui convertatur circa axem suum  $XSx$  ita, ut  $SX$  eleveatur supra planum Eclipticæ Boream versus,  $Sx$  depresso infra ad Austrum, &  $NRN$  sit Æquator Atmosphæræ Solaris inclinatus ad planum Eclipticæ gradibus 7. quamproxime iuxta Scheineri nostri & Cassini observationes, quod fecit in recta  $Ns$  ita, ut ejus dimidium  $NRN$  extet supra planum Eclipticæ ipsius ad Boream, reliquum dimidium  $nN$  infra ipsum deprimitur Austrum versus. Sit autem  $ABCD$  orbita Terrestris, in qua signum Arietis incipiat in  $A$ , Cancrī in  $B$ , Libræ in  $C$ , Capricorni in  $D$ . Perihelium, seu punctum proximum Soli, sit in  $V$ . Aphelium seu punctum remotissimum in  $u$ : Intersectio plani Eclipticæ cum globo Terræ in Ariete in  $A$  sit  $Hefz$  ita, ut respectu Terræ sit  $g$  principium Arietis,  $H$  Cancrī,  $e$  Libræ,  $f$  Capricorni, qui circulus singulis annis cum ipsi Terra motu semper parallelo transferatur per Eclipticam in  $B$ ,  $C$ ,  $D$ ; dum interea Terra ipsa motu diurno convertitur circa axem  $Pp$  inclinatum ad axem Eclipticæ gradibus 23.  $\frac{1}{2}$  ita, ut  $P$  sit Polus Borealis,  $p$  Australis.

In

In primis patet Auroram Borealem facilius generari Terra versante circa Perihelium in  $V$ , quam circa Aphelium in  $u$ . Si enim Atmosphæra Solaris non peringat ad Terram, sed, ut figura exhibet, ad eam proxime accedat; propior erit ipsi Terræ, ejusque materia iccirco facilius ingredietur limitem majoris gravitatis in Terram ipsam in minima Terræ distantia a Sole, quam in maxima. Si autem Atmosphæra ultra Terram protendatur, adhuc Terra versa erit intra ejus partem densiorem, & crassiorem in primo casu, quam in secundo. Quare etiam frequentiores erunt cæteris paribus Auroræ Boreales in primo casu, quam in secundo. Accedit illud quod in hac postrema restitutione Luminis Zodiacalis & Auroræ Borealis, Lumen ipsum sepiissime visum est po. gradibus circiter a Sole protensum; ac proinde Atmosphæra Solaris ita ad Terram se extendit, ut hæc plerumque in Aphelio extra ipsam jacere debuerit, in Perihelio intra eandem immergi. Est autem per hæc tempora Perihelium  $V$  in gradu nono Cancræ, ad quem appellit Tellus in fine Decembris, & Aphelium  $u$  in nono Capricorni, ad quem appellit in fine Junii. Quamobrem circa finem Decembris plures erunt cæteris paribus Auroræ Boreales, quam circa finem Junii.

Deinde patet Polum  $P$  Borealem proximum esse initio Cancræ  $H$  Eclipticæ Terrestris, æque distare ab initio Arietis  $p$ , & Libræ  $e$ , & remotissimum esse a principio Capricorni  $f$ . Si autem Atmosphæra Solaris ita ultra Terram extendatur, ut hæc in ea innatet; Terra ipsa existente in  $A$  in Equinoctio Autumnali in principio Arietis, punctum quod præcedet in annuo motu, & proscindet tanquam quædam prora Atmosphæram Solarem erit  $H$  propius Polo Boreali  $P$ , quam Australi  $p$ ; in  $B$  in Solstitio Hiemali erit  $E$  æque distans ab utroque Polo; in  $C$  in Equinoctio Verno erit  $F$  propius Polo Australi  $p$ , quam Boreali  $P$ ; in  $F$  in Solstitio Æstivo erit  $G$  æque distans ab utroque Polo. Jam vero partes Atmosphære Terrestris, quæ imbuuntur præ cæteris Atmosphæra Solari sunt ex, quæ versantur circa  $H$ . Nam quæ sunt circa  $f$ , fugiunt ipsam Atmosphæram Solarem, quæ quidem licet in eandem partem circa Solem convertatur motu vertiginis; multo tamen lentius convertitur; quod facile deduci potest ex decremento celeritatis in vorticum recessu a centro motus, & e converso macularum minus celeri, quam sit annuus Terræ motus. Pariter quæ sunt circa  $e$  &  $g$  fugiunt partes sibi proximas multo celerius, quam ut eadem vi gravitatis celeritatem producentis per gradus eas assequi possint. Quin immo cum celeritas motus annui tanta sit, ut eo singulis diebus percurrantur plusquam millicies mille miliaria; fiet etiam circa id punctum, quod præcedit in motu annuo, æstus quidam materiæ, quæ ob motum diurnum delata ad Polum proximum patet multo facilius Auroram Borealem debere oriri circa Equinoctium Autumnale, a Solstitio Æstivo ad Hybernium, quam circa vernum a Solstitio Hyberno ad Æstivum.

Demum in eodem casu Atmosphære Solaris protensæ usque ad orbitam Terræ, patet Terram ipsam positam circa  $Q$ , &  $q$  in linea nodorum  $N$ ,  $n$  debere necessario immergi intra ipsam Atmosphæram. At eadem posita circa  $T$ , &  $t$  e regione punctorum  $R$  &  $r$ , quorum alterum elevatur supra planum Eclipticæ ad boream, alterum deprimitur infra ad Austrum; nisi satis magna fuerit crassitudo ipsius Atmosphære, extra Atmosphæram ipsam jacebit. Cum enim Equator Solaris elevetur supra planum Eclipticæ saltem 7. gradibus, initio calculo punctum  $R$  extabit supra planum Eclipticæ saltem octava parte suæ distantie a Sole, nimirum fere tribus millibus semidiamentrorum Terrestrium; & tantumdem deprimetur punctum  $V$ . Licet autem sit admodum crassa Atmosphæra ipsa, ut ejus extrema superficies per tantum intervalum ad Terram peringat; tamen circa puncta  $Q$  &  $q$  multo densiorem pervadet Tellus Atmosphæra partem, quam circa  $T$  &  $t$ . Jam vero cum ex ipsis observationibus Scheineri, & Cassini spectent nodi  $N$ ,  $n$  proxime gradum septimum Geminorum,



rum, & septimum Piscium, ad quorum primum Terra appellit in  $\mathcal{Q}$  in fine Novembris, ad secundum in  $\eta$  in fine Miji; patet circa finem Novembris in  $\mathcal{Q}$ , & Maji in  $\eta$  facilius oriri debere Auroras Boreales ceteris paribus, quam circa finem Februarii in  $T$ , & Augusti in  $t$ , comparando autem puncta  $T$ , &  $t$ , Terra ad  $T$  appellente, Polus Borealis  $P$  spectavit Equatorem Atmosphaeræ Solaris  $R$ , & appellente ad  $t$ , spectabatur  $r$  a Polo Australi  $p$ . Quare aliquanto magis faveat Boreali Auroræ appulsus ad  $T$  sub finem Februarii, quam ad  $t$  sub finem Augusti.

Jam hæc omnia inter se comparanda erunt, & causæ magis faventes cum minus faventibus conferendæ. Notandum tamen effervescentiam Atmosphaeræ Solaris in magna illa a Terra distincta penlere etiam a constitutione Atmosphaeræ Terrestris, a densitate Atmosphaeræ Solaris, ac a partibus potissimum crassioribus per hanc delatis, & in Atmosphaeram Terrestram impingentibus. Ac proinde non est expectandum, ut major vel minor frequentia phaenomeni cum hisce tantum positionibus prorsus accurate congruat, sed tantum proxime.

Discrimen maximum in frequentia phaenomeni oriri debet ex primo expositionis capite, cum id a reliquis duobus parum admodum turbeatur. Nam puncta  $A$ , &  $C$ , in quibus ex secundo capite habetur discrimen maximum fere æqualiter distant a punctis  $V$  &  $u$  altero Soli proximo, altero remotissimo, & puncta  $\mathcal{Q}$  &  $q$  æque faventia ex tertio capite æquedistant alterum ab  $V$ , alterum ab  $u$ , ac idem accidit punctis  $T$  non æque faventibus. Quare multo plures debent occurrere Boreales Auroræ circa Perihelium  $V$ , five circa finem Decembris, quam circa Aphelium  $u$  circa finem Junii.

Porro ita se res habet. Nam ex tabula, quam Mairanius posuit sectione 4. cap. 1, & in qua notavit omnes Boreales Auroras, quarum mentionem uspiam inveniunt, eruantur mensibus Octobri, Novembri, Decembri, Januario, Februarii, Martio Auroræ Boreales 161, reliquis 68. plinquam duplo pauciores, & si bini tantum menses hinc inde assumantur, in quibus majore etiam debet esse discrimen, inveniantur Decembri, & Januario 36. Junio, & Julio 12. triplo pauciores.

Ex secundo capite debent esse plures a Solstitio Æstivo  $D$  ad Hyemale  $B$ , quam viceversa. Occurrunt autem priore intervallo 6. mensium 137., posteriore 91., & si terni tantum menses assumantur hinc inde ab Æquinoctiis  $A$  Autumnali, &  $C$  Hyemali; habetur majus discrimen ipsum; nam inveniuntur circa primum 76 circa secundum 39. fere duplo pauciores. Discrimen autem multo etiam majus inveniri deberet, cum hoc secundum caput plurimum conferat ad generationem Auroræ Borealis etiam ex eo, quod dum partes circa proram illam  $H$  obviam eunt partibus Atmosphaeræ Solaris in se attrahis vi gravitatis, partes oppositæ eas fugiunt celerius etiam, quam ut eandem ipsas assequi possint. Verum a tertio capite impeditur majus illud discrimen; cum nimirum ex eodem debeant plures haberi Auroræ circa punctum  $T$  proximum  $C$ , quam circa  $t$  proximum  $A$ .

Tertio capiti respondent quidem phaenomena, sed solum quantum reliqua duo faciunt. Nam tribus quidem mensibus circa punctum  $\mathcal{Q}$  respondens nodo  $N$  inveniuntur 77., & tribus circa  $T$  63. pauciores, ut par erat. At tribus mensibus circa punctum  $q$  respondens nodo  $n$  non inveniuntur plures, sed multo pauciores quam tribus circa  $t$ ; habentur enim illis 17., his 72. Id tamen iccirco contingit, quia  $q$  cadit inter puncta  $u$  &  $C$ , quorum primum ex primo capite, secundum ex secundo maxime adversatur, &  $t$  est proximum puncto  $t$ , quod omnino maxime faveat generationi phaenomeni; & eadem de causâ tres menses circa punctum  $t$  non habent pauciores Auroras, quam circa  $T$ , sed aliquanto plures, cum illi

illi habeant 72. hi 63. , ob viciniam nimirum punctorum *A* & *C* , quæ requirunt prorsus oppositum . Contra vero tres menses circa punctum *Q* positum inter *V* & *A* maxime faventia habentes Auroras 72. pliusquam quater superant tres menses circa punctum *q* positum inter *C* & *a* maxime contraria , habentes tantum 17.

Nec mirum autem hoc tertium caput a reliquis superari ; cum nimirum non ita compressa sit Atmosphæra Solaris , ut licet puncta *R* & *r* pertinentia ad *Æ*-quatorem Solarem maxime distent ab *Æ*cliptica ; adhuc tamen ipsa Atmosphæra Solari nonnihil protensa ultra orbem Terræ , ipsum lentis illius dorsum ad Terram non pertingat .

Plures aliz comparationes institui possent æque faventes Mairaniz sententiæ . Hæc tamen satis superque sunt ; nec ulla sane alia Hypothesis invenietur , quæ tam belle cum phænomenis congruat ; quod quidem hanc ipsam sententiam mirum in modum confirmat .

Illud notandum ; omisam esse in hisce comparationibus noctium , vel crepusculorum prolixitatem aut brevitatem ; tum quia statim post crepusculum manifestari solent Boreales Auroræ ; tum quia si per hyemem longiores sunt noctes ; frequeniores quoque sunt nubes Cælum obtegentes , & multo rariores metu rufsum observationes .

Porro hæc omnia , quorum pleraque nec paucis exponi possunt , & schema etiam prorsus requirunt , innuenda sibi tantummodo Noster hic censuit , non suis petenda .

(83) Materia Atmosphæra Solaris aliquando , licet admodum raro , statim ac in nostræ illius tenuissimæ Atmosphærae supremum verticem decidit , inflammatur , & effervescit , ac eo pacto aliquando etiam Australes Auroras cernimus . Sæpius dum ad Polum tendit ; vel dum undique ad Polum confluent addensatur , & colliditur , exardescit , & Boreales Auroras exhibet altissimas illas ac amplissimas , & universæ Europæ conspicuas . Sed sere semper antequam accendatur , ad Terram propius accedit prope Polos , vel quia ibi ex ipso confluxu addensata sit in specie gravior , vel quia aer ille ipse , quem diximus ex *Æ*quatore perpetuo ad Polos defluere , dum subiectum aerem Polarem premit suo pondere , & eodem ad latera summo , descendit , eam secum desert , & intinuat .

Inde autem fieri affirmat Noster , ut Zonæ frigida huiusmodi materiæ ingentem copiam habeant , & Auroras Boreales frequentissimas exhibeant , quæ parum admodum se attollant a superhæie Terræ & quas iccirco nobis ob Terræ curvatum intueri non liceat .

Et quidem in Moschovia , in Dania , ac Suecia , in regionibus omnibus Polo propioribus sæpe frequentissima apparere huius generis phænomena jam certo constat . Maupertuis testatur , sibi per tot menses nivibus , & glacie , & sere perpetuis tenebris horridos Torneæ sub Polari circulo iucundissimum sine spectaculum huiusmodi phænomena quotidie præbuisse ,

(84) Multa phænomena ex iis , quæ in Borealiibus regionibus Zonæ frigida proximis cernuntur frequentissima ; ostendit Mairanius sect. 2. cap. 6. esse de eorundem Meteororum genere , quæ hic habemus : oriri autem frequentiam illam ex longa crepusculi duratione , quod ibi per plures menses totam noctem tenet , Sole non multum sub Horizontem depresso , & ex reflexione lucis ipsius crepusculi facta in glaciibus , & nivibus : ut & illud , e nivibus vento agitatæ pulvisculum quandam glaciale elevari , & volitare quaquaversus , qui & Parelia , & Irides , & plura alia præbeat phænomena Solis sub Horizontem depressi radiis laecessus .

Ibidem

Ibidem ostendit, hæc phænomena Incolas ipsos à Borealibus Auroris probe discernere; & hæc quidem perpetua esse, illis nonnisi ex intervallo restitui; quinquam in singulis restitutionibus frequentissima, quod quidem pluribus indicis satis manifesto constet.

(85) Ex Mairaniana sententia illud consequitur, Auroras, quas nos circa Polum Borealem cernimus, circa Australem quoque videri debere, quanquam non iidem anni temporibus maxima ibi frequentia haberi debeat. Eis quidem a nemine observatas constat; nec mirum. Nam loca omnia Australia, ut ipse Mairanius notat, paulo cultiora vel intra Zonam Torridam sita sunt, vel parum admodum ab ea removentur. Procurrit nonnihil extremum Atricæ Promontorium Bonæ Spei, & Terra Magellanica, sed nec ea loca multum ad Polum Australem accedunt nec Observatoribus abundant, & Navis ulterius progressæ brevi admodum intervallo, ibi morantur: Accedit autem, quod & Vectores plerunque habent mercaturæ exercendæ peritiores quam observandæ Naturæ.

(86) Immensi Terræ tractus ad Austrum prorsus ignoti adhuc perseverant. In causa sunt & motus illi marium incitatissimi, quos vulgo dicimus *le Corrents*, & glaciata maria, vel innatantibus glacierum velut insulis quibusdam ita constituta, ut jam nemo sit, qui cum tam certo Naufragii periculo proram eo dirigat; cum potissimum pleraque ex iis locis aliquando detecta vel prorsus inculca squallere compertum sit, vel maxime inopes alere, & admodum feræ Barbarorum turmas, a quibus multum timere possis, nihil habeas, quod speres.

Et quidem mirum sane videri solet tantam in Australi temperata zona vim alicubi esse frigoris, ut ex glaciales insulæ occurrerint nonnunquam etiam citra quinquagesimum latitudinis gradum, nimirum in eodem climate, in quo Italia, & Australis Gallix ora jacet, quæ adeo mitiore utuntur Cælo. Est qui ad amovendum miraculum fabuletur, Tellurem super alio Axe olim diurno motu rotatam, alios habuisse Polos, quos incurfu Cometæ in aliam plagam revoluta mutaverit. Maria autem circa veteres Polos novo Aequatori propiores, Australem potissimum in medio olim mari situm, vetustissimam glaciem, quæ per tot sæcula induruerat, adhuc retinere, ex qua & majora illa frigora, & glaciales insulæ sensum inde originem trahant.

Verum commentis hinc sepositis, causa in promptu est. Sol sub finem Decembris, ut diximus, Telluri est proximus, sub finem Junii est remotissimus: nec ita exiguum est distantie discrimen. Trigessimam partem totius distantie adæquat: ex quo faciliè demonstrari potest, radiorum vim decima quinta sui parte minorem esse mense Junio, quam Decembri. Quare cum nobis in Boreali Hemisphærio sitis Decembri mense sit Hyems, Junio Æstas, at contra Hemisphærium Australe incolentibus Decembri sit Æstas, & Hyems Junio; nobis quidem & calorem temperat per Æstatem tantus Solis recessus, & frigoris vim retundit accessus per Hyemem: illis contra utrumque augeat.

(87) Respicit nobilissimam illam expeditionem duplicis turmæ Academicorum, de qua superius diximus ad versum 612. quorum altera sub Polarem circulum profecta, altera sub Aequatorem, potissimum ad Telluris figuram determinandum mensurando gradus Meridiani, & Aequatoris, ac definiendum discrimen gravitatis, quam pluribus experimentis certo jam constat minorem esse sub Zonâ Torrida, quam hic sub temperata, & hic minorem, quam ad Polos, quod ipsum discrimen cum quæstione de Telluris figura nexum habet.

Hæc gravitatis inæqualitas primum detecta fuit à Richero, qui anno 1671. ab ipsa Parisiensi Academia in insulam Cayennam missus ad observationes Astronomicas habendas prope Aequatorem, notavit sui Horologii pendulum lentius oscillari, ex quo

quo, & ex aliis pendulorum observationibus diligentissimis intulit gravitatem ibidem minorem esse, quam in Gallia.

Res cum Litterario Orbe communicata mirum in modum commovit homines. Hugenius, & Newtonus eam inæqualitatem eodem modo deducebant ex diurno motu, & ex ea compressam Telluris formam, quo hic superius ad versum 457. deduximus ex conversione Atmosphææ Solaris & inæqualitatem ponderis Atmosphææ ejusdem in diversis distantis ab Æquatore, & figuram lenticularem. Plerique autem phenomenon ipsum vel in dubium revocare agressi, vel negare etiam experimentis institutis in locis minus distantibus, quam par esset. Inde & contentiones exortæ plurimæ, & diligentissimæ investigationes, pluribus etiam expeditionibus tam a Londinensi, quam a Parisiensi Academia ordinatis ad rem explorandam, donec demum certo constitit de gravitatis inæqualitate, & incremento pergendo ab Æquatore ad Polos.

Observationum omnium historiam, cum mappa geographica exhibente loca omnia, in quibus ex institutæ sunt, videre est in annotationibus ad Transactionum Anglicanarum annum 1734. Gallicè editum Parisiis anno 1740. Methodum observationes accuratè instituendi Mairanius diligentissimè persecutus est in Commentariis Academicæ Paris. 1735., qui & ad annum 1740., determinavit hypothelimum gravitatis, quæ quancunque Telluris figuram cum gravitatis inæqualitate pariter quancunque conciliare possit. Nos anno 1741. in dissertatione de inæqualitate gravitatis in diversis Terræ locis, & methodos tradidimus binas eam investigandi comparatione instituta cum vi elastica, & cum centrifuga, ac præter alias causas, ex quibus ea vel pendet ex parte, vel pendere posset, hypothelimum gravitatis uniformis, sed directæ ad binæ centra protulimus simplicissimam, quæ conciliare posset quietem Telluris, figuram Ellipticam productam ad Polos, qualem Cassinus voluit, & incrementum gravitatis Polos versus in eadem ratione, quam vis centrifuga ex motu diurno orta, & Newtoniana generalis gravitas requirit, quæ tria sibi invicem ita adversari videntur prima fronte, ut nulla ratione conciliari possint. Sed ea fusius perscrutari non est hujus loci.

Ad hæc nobilissimas expeditiones hic, ut diximus alludit Noster, & investigationem inæqualitatis gravitatis ac figuræ Terræ exprimit iis verbis, *Diversisque locis diverso urgentia nisu pondera, Terrarumque gradus, formamque recludat.* Porro quantum Gallorum genti, & incredibili Regum munificentia tum alia omnia, tum hæc potissimum studiorum genera debeant, res est & longe notior, quam ut fusiore commemoratione indigeat, & multo amplior, quam ut tam arctis harum annotationum limitibus finire possit.

(88) Exponit paucis, sed satis dilucidè, quod Mairanius fusius persequitur, & exemplis illustrat sect. 2. cap. 3. & 4., nimirum segmentum orbis obscuri latentis majore sui parte infra Horizontem, ejus locum inter Boream & Occidentem, & arcum lucidum, vel arcus lucidos ipsum ambientes.

Orbem rotundum iccirco apparere, quia Solaris Atmosphææ massa, in eam figuram conformetur, cum primum decidit. Exemplo esse potest ingens Olei gutta aquæ assula, quam cernimus undecumque aque extendi, & circuli formam induere.

Apparece initio inter Boream & Occidentem, & majore sui parte depresso sub Horizontem, quia massa illa, quæ nobis phenomenon exhibet, cecidit in eam Terræ partem, quæ Solem spectat, & decidit non ita multo ante Solis occasum, ac crepusculi tempore (iis massis, quæ forte mane ceciderunt, & circa Meridiem jam dissipatis) quæ Terræ pars Occidentem spectat, & sub nostro Horizonte latet. Sed cum statim, ut supra diximus, cogitur ad Polum tendere, iccirco a nobis non ad Occidentem spectari, sed inter Occidentem, & Boream.

Arcus

Arcus lucidos sic efformari. Primam ingentem massam, cum primum attingit superficiem extremam Atmosphære Terrestris illius purioris, sed quæ ipsi sit densior, & in accessu ad Terram densitatem augeat ibidem dividi; partem ejus tenuiorem, & facilius inflammabilem magis retardari, densiorem autem majore pondere præditam celerius aliquanto delabi; unde fiat, ut dum utraque, ne in montem consistat, expanditur ad latera; bina quædam circularis formæ strata exurgant, quorum densius, & magis nebulosum Terras spectet, tenuius & citius inflammatum ipsi superaffusum circumquaque procurrat, & lucidum arcum exhibeat ea sua parte, qua sumosum stratum excedit; quod ut oculis ipsis subjiciat, adhibet imaginem cassidis æneæ, quæ si nigricanti, & minori pileo imponatur, strata illa referet, & inspecta ex parte inferiore exhibebit tam orbem nigricantem, quam nitentem zonam ipsum ambientem.

Porro si massæ, quæ deinde adveniunt, eodem loco decedant, & ampliores sint; earum strata eadem ratione divisa, & prioribus superaffusa alios obscuros limbos, & alios nitidos exhibebunt. Sed quia raro admodum fit, ut novæ massæ & eundem occupent locum, & ampliores sint; plerumque unica spectatur lucida Zona, novis massis cum prioribus confusis, & tam obscurum orbem, quam lucidum preudentibus. Raro autem admodum tres lucidæ zonæ, vix unquam spectantur quatuor.

Hæc ipsa est Mairaniana lucidarum zonatum explicatio. At aliquando inde etiam lucidæ zonæ oriri poterunt, quod dum massa aliqua, se in Atmosphæram Terrestræm insinuat, pars aliqua forte multo densior, & gravior, multo citius, & inferius delapsa, multo pariter citius motum diurnum acquirit; ac proinde tota illa massa distendatur in longiorem fasciam secundum directionem circuli paralleli Æquatori. In primo casu, debet obscurum, & nebulosum esse quicquid fasciis lucidis continetur. In secundo poterunt Stellæ admodum distinctæ apparere infra arcum lucidum qui solum basim habebit haud ita latam, & sumosam, quod & frequentius accidit. In primo pariter casu arcus lucidus habebit declinationem quancunque a Borea, in secundo Polum recta respiciet, & in utroque casu, nisi alii motus, & aliarum massarum accessio irregularis rem turbet, forma erit proximè circularis, & adhiberi poterit ad determinandam phænomeni distantiam a superficie Terræ problema a Mayero solutum analyticè, & a nobis constructum, de quo supra ad vers. 191., in primo tamen inveniendum erit centrum circuli methodo a nobis ibidem indicata.

Declinationis quoque Occidentalis phænomeni alia esse potest causa, & erit profecto eo casu, quo Atmosphæra Solaris totam Terram ambiat. Sit in fig. 7. *IKLM* Parallelus loci siti in Hemisphærio Boreali, ut est universa Europa, quem ipse diurno motu percurrat. Erit in Meridie in *K*, in occasu Solis in *L*, in media nocte in *M*, in ortu Solis in *I*. Partes autem Atmosphære Terrestris, quæ imbuuntur Atmosphæra Solari sunt potissimum eæ, quæ versantur circa *H*, ut supra vidimus. Porro quæ incurrerunt in Atmosphæram Terrestræm loco tendente ab ortu ad Meridiem per *IK*, interdiu videri non potuerunt, & vespere jam ad Polum *P* a motu diurno delatæ sunt. Quæ ceciderunt loco eunte per *KL* a Meridie ad occasum, versantur inter *H*, & *e*, eo detorta nomihil a motu ipso diurno; nimirum Sole occidente in *L*, versantur inter Boream, & Occasum. Loco ulterius pergente per *ML* ad mediam noctem, jam punctum *H* respectu ipsius ad Orientem jacet, quare partium quæ interea appulerunt ad punctum *H* jam aliquæ respectu Locī jacent ad Boream e regione Poli *P*, & aliquæ etiam ad Orientem; ac ideo fit ut diffundatur etiam Orientem versus Phænomenum.

Q 2

Et

Et hinc quidem optime intelligitur, cur plerunque Phenomenum statim post Crepusculum vespertinum se prodatur, cur initio sere semper Boream inter & Occidentem, ac postea se etiam in Orientem extendat. Diximus autem *plerunque* nam ut maculae Solares jam plures sunt, jam pauciores, jam nullae; ita etiam in remotiore Atmosphaera Solis, densiores, quaedam & pinguiore partes hac illac volitare, est credibile, a quarum fortuito incurfu in quancunque partem Hemisphaerii *eHg* pendebit initium Phenomeni aliquando, ex quarum defectu fieri potest, ut quandoque Atmosphaera Solis etiam plurimum protensa, nulli oritur insignior Borealis Aurora; ut etiam ex incurfu partium circa *H* in materiam Atmosphaerae Solaris uniformem, aestus quidam lenis orietur nonnunquam, quo fiat, ut lumen tantum lene, ac tenne ex loco tendente per *f g* spectetur ad partes Polo *P* respondentes.

Porro, quae in altero ex Aequinoctiis exhibuimus, in Solstitiis quoque locum habent; verum ceteris paribus videtur declinatio Occidentalis debere esse minor circa Solstitium Aestivum, quam circa Hyemale. Sed haec fusius persequi non vacat.

(89) Persequitur hic rimas limbi obscuri, & radiorum emissiones. De his Mairanius sect. 3. cap. 5. Limbus obscurus, ut & interiores orbis obscuri partes rimas agunt vel ex agitatione interna, & fortuita, ut & nubes quandoque discindi cernimus, vel quia cum non ubique stratum illud inferius & obscurum sit aequae densum; a materia superiore jam inflammata citius absumitur, ubi minus crassitudinis habet. Possunt autem rimis ejusmodi, & scissuras gignere etiam novae massae identidem decedentes, & vi in ipsum obscurum orbem irrumpentes.

Radiorum duo sunt genera, alterum frequentissimum, quod hic Noster exponit analogia desumpta e radiis, quos cernimus erumpere per nubium rimas, & quos superiora nubium strata a Sole illustrata jaculantur. Eodem pacto a posteriore illo incendio, quod nobis a nigricante, sumosoque inferiore strato obtectum latet, per rimas illas erumpunt radii, & illustrant tum particulas ipsius Atmosphaerae Solaris nondum inflammatae, tum vapores nostrae Atmosphaerae, in quos forte incidunt, ac eo pacto tractus illos lucidos exhibent.

Alterum genus est eorum, ex quibus Noster exponit deinde coronas efformatas in Caeli nobis conspicui vertice. Nimirum si Materia Atmosphaerae Solaris se eadem ubique copia insinuat in Atmosphaeram nostram, oritur quaedam lux uniformis per Caelum aequae diffusa circa ipsam phaenomeni sedem praecipuam. Sed si aliqua densiores ejus massae in nostram Atmosphaeram decedant haud ita ingentes tamquam globi quidam; partibus gravioribus, ac densioribus inferius descenditibus producantur ac distenduntur, ut & superius diximus, & columnas quasdam exhibent, quae, dum inferior pars motum diurnum nondum satis sensibilem acquisivit, sunt Horizonti perpendiculares. Ex autem vel jam inflammatae proprio effulgent lumine, vel reflectunt incendii illius posterioris lumen, & ideo aliquando & interruptae apparent, lumine nimirum ab aliis interjacentibus massis intercepto.

Ex utroque autem capite oriri debent plurimi radiorum motus, ac vibrationes jam verae, jam apparentes tantummodo, quas Mairanius persequitur cap. 6.

(90) Hic jam Coronas explicat, in quibus illud maxime mirum videri poterat, quod singuli spectatores supra suum verticem, quem alii alio dirigunt, coronam coeuntem intueantur. Id autem ingeniosissime sane Mairanius exposuit cap. 7. sectionis 3., ex quo suam explicationem Noster deprompsit.

Nimirum illud est satis notum, binos tractus inter se prorsus parallelos, & ubique aequae a se invicem distantes, si longius protendantur, ita apparere iis, qui ex altero extremo eos inspiciant, tanquam si demum coirent, & semper partes remotiores

tiores ab Observatore apparere a se invicem minus remotas, quam quæ ipsi propiores sunt. Id oculis ipsis subiecti Noster, obijciendo animo imaginem longioris viæ arboribus utraque ex parte consistit, quarum bini ordines videntur coire demum in majore distantia. Id autem iccirco fit, quia idem illud binorum quorumunque truncorum intervallum in majore distantia debet, ut omnia objecta, quæ remouentur ab oculo, minorem in oculo ipso sui imaginem pingere, ac proinde minus etiam apparere.

Accidat jam aliquando, ut ex Atmosphæra Solarî plurimæ minores massæ in Atmosphæram nobis imminenter guttatim incidunt in formam pluviæ ejusdem. Dum singulæ distenduntur partibus densioribus inferius descendentibus, sunt plurimæ quædam veluti columnæ in aere pendentes, & ad centrum Terræ directæ; ac proinde Horizonti perpendiculares, eruntque inter se ad sensum parallelæ ex, quæ eidem Observatori conspicuæ sunt, & incidunt circa ejus verticem. Porro binæ quævis ex iis hinc inde a vertice ipso debent ita videri, ut summa capita propiora inter se appareant, quam imæ bases; ac proinde singulæ apparebunt, tamquam si inclinarentur ad ipsum Cæli conspicui verticem; & si longiores sint, ibi etiam coire videbuntur; ac omnes simul circumquaque suspectæ quandam veluti coronam exhibebunt.

Porro si columnæ illæ ipsæ inclinentur nonnihil dum distenduntur, & Horizonti perpendiculares non sint; punctum ipsum in quo coeunt a medio Cæli vertice deflectet in eam partem, quam directio columnarum spectat, quod sæpe accidit.

(91) Jam ad colores explicandos Noster pergit, de quibus Mairanius cap. 9. sectionis tertiz. Verum quoniam reliqui admodum tenuis apparent, si qui sunt; & rubens seu sanguineus color validissimus sæpe cernitur, hujus potissimum rationem reddit.

Premittit autem perbreve notitiâ colorum, ex quibus lux ipsa contexta est, juxta Nevvtoni placita, quem tantis, & tam præclaris inventis celeberrimum, jure Anglorum maximum nominat. De iis autem, & de methodo, qua ipsa radiorum coloratorum textura solvitur, & lux relexitur, in Iride lûsus egit.

Doctrinæ summa hæc est. Radius lucidus e luminoso corpore delatus componitur e plurimis filiis diversæ naturæ, quæ sibi si seorsim ad oculum deferantur suos singula colores exhibent, si conjuncta sint & aptè permixta; nullum colorem referunt, sed albedinem exhibent, quæ cum ex omnibus coloribus componatur, coloris nomine appellanda non est. Si colores omisiss intermediis ad 7. præcipuas classes reducuntur, & dum lux transiens obliquè a medio densiore ad rarius, vel viceversa, refringitur; alii refringuntur minus alii magis, hoc ordine: omnium minime Rubens, tum Aureus, Flavus, Viridis, Cæruleus, Indicus, Violaceus.

Porro hi colores separantur per refractionem, ut in Iride docuimus. Sed iidem etiam per reflexionem separantur in minimis particulis superficiei corporis, in quas impingunt, ut hic Noster docet, & demonstrat Nevvtonus Optices lib. 1. parte 2. prop. 10., ubi ostendit: *Omne corpus reflectere radios, qui sunt sub ipsius colore, copiosius quam reliqui, & colorem suum inde trahere, quod radii isti in reflexu lumine prævaleant, ac dominantur.*

Quæ autem radiorum genera copiosius reflecti debeant, quæ transmitti, id vero determinat crassitudo particularum, ex quibus corpus componitur (quam quidem Noster metri, & perspicuitatis necessitate ductus *crassitiem* appellavit). Nam Nevvtonus idem per plurima experimenta diligenter observatis reflexionibus, refractionibus, & coloribus corporum tenuium pellucidorum in parte 1. lib. 2. Optices, & iisdem observationibus inter se collatis, ac phaenomenis inagis compositis explicatis per simpliciora in ejusdem libri parte secunda, demonstrat in tertia prop. 2. *Partes minimas corporum naturalium fere omnium esse aliquando*

do pellucidas, & Opacitatem ipsorum corporum oriri ex multitudine reflexionum; quæ in interioribus ipsorum partibus fiant. Et prop. 4. Quo corpora opaca esse queant & colorata, partes ipsorum itemque earum intervalla debere non esse minora certa, & definita magnitudinis, Ac prop. 5. Pellucidas corporum partes pro varia sua crassitudine reflectere radios uno colore, & transmittere radios alio colore eisdem de causis, ac tenues Lamellæ, sive Bullæ reflectunt, vel transmittunt radios istos comparate. Atque huic quidem Causæ Corporum omnium Coloris omnes attribuendos esse existimat. Tum demum prop. 7. ostendit Magnitudinem Partium, ex quibus corpora Naturalia constant, quæ sit, ex ipsorum Coloribus conjici posse.

Idem autem, & causam sequentibus propositionibus profert demonstrans. Reflexionis causam non esse tribuendam impactioni luminis in partes corporum solidas, sive impervias, sed Corpora reflectere & refringere lumen una eademque vi diversæ in diversis circumstantiis se exerente, quæ proportionalis sit quam proximè densitatis corporum reflectentium, & refringentium, excepto quod corpora unctuosæ, & sulphurea refringant, plusquam alia corpora, quæ sint in eadem densitate. Porro Lumen propagari spatio temporis a corporibus lucidis, & in transmissu suo per quamlibet superficiem refringentem nancisci constitutionem quandam seu dispositionem transitoriam, quæ in radii progressu aequalibus revertitur intervallis, efficitque; ut is in singulis dispositionis istius accessibus transmittatur facilius per superficiem refringentem proximè deinceps obiectam; in singulis autem ejusdem intermissibus, seu intervallis, reflectatur facilius ab ejusmodi superficie.

Ea Dispositio, qualis tandem sit, utrum consistat, in motu quodam circulatorio, an vibratorio radii ipsius, vel etiam medii, id quidem proficitur se non inquirere. Fortasse Radios luminis impingendo se in superficiem quamlibet refringentem, vel reflectentem excitare vibrationes quasdam in medio, sive substantia refringente, vel reflectente. Vibrationes hoc modo excitatas propagari, moverique velocius, quam ipsos radios, adeo ut illos antevertat. Cumque radius aliquis sit in ea vibrationis parte, quæ cum motu suo conspirat, tum eum facile transmitti; Cum autem sit in contraria Vibrationis parte, quæ motui suo obstat, tum eum facile reflecti. Utrumque autem vera sit, aut falsa hæc hypothesis, illud satis constare Luminis Radios ita esse comparatos, ut aliqua ex causa alternatim reflectantur facilius, & facilius refringantur per multas vices.

Porro in Radiis diversorum generum emergentibus in aequalibus angulis e quavis refringente superficie in unum idemque medium; Intervalla sequentium vicium facilioris Reflexionis, & facilioris Transmissus, esse in data quadam ratione inæqualia. Unde fiat, ut radio albo lamellam ingresso non omnia ejus huius diversorum colorum sint tum ibi in egressu, tum in fine in egressu in vicibus facilioris Transmissus, aut omnia in vicibus facilioris Reflexionis; acproinde alia transmittantur, & alia reflectantur. Et hoc demum pacto a crassitudine partium, ex quibus Corpora Naturalia componuntur pendet eorum color.

Hæc est quædam summa brevissima Nevvtonianæ doctrinæ de corporum coloribus, ex qua hic Noster infert, particulas vaporum pro diversa sua crassitudine, diversos colores reflectere. Porro cæteros, ut Violaceum, Indicum, Cæruleum, & quidem etiam viridem, obscuriores esse, & facile cum nocturnis tenebris confundi. Flavum & Aureum tenuiores minus percipi. Rubeum autem omnium vividissimum, vehementissimè oculos percellere, & noctu potissimum videri.



videri. Accedit, quod cum Rubens radius omnium minime refringatur, id ipsum indicio est, eum, qui omnium difficillimè a recto tramite detorqueatur, omnium facillimè propagari per aerem vaporibus impeditum, & fibris oculorum impellere omnium vehementissimè; unde fiat, ut etiam sub noctem circa occasum Solis, & circa ortum, nebulas, nubefque ipsas rubro potissimum colore infectas videamus:


(92) Nihil pene frequentius in Vesperum monumentis occurrit, quam hastator milites, & horridos hostilium turmarum concursus, ac imbres sanguineos in Cælo confectos, Cælumque ipsum ardere visum. Admodum verosimile est Borealis Auroræ radios, & columnas, atque incendium illud, & colorem vaporum igneum, ac sanguinem, rudes hominum animos & rei ignaros ita concussisse, ut quæ suis cuique ex inopinato spectaculo conceptus terror suggereret, ea nimirum se videre omnia, & manibus propinodum ipsis contingere arbitrentur.


(93) Post figuras illas omnes, ubi materia Atmosphæræ Solaris ad Polos delata, & Atmosphæræ Terrestris commixta, ac per eam æqualiter distributa est, tum vero iidem quieto lumine nitet, & Matutinam Auroram referens diutius placido, atque hilari vultu perseverat.

(94) Plura sunt Mairanii præclarissima inventa, quibus, & Geometriam auxit, & Physicam, quam ut hic commemorari possint. Satis prædicant summum hominis ingenium, & doctrinam singularem tot præclarissima monumenta quæ in Commemariis Academiæ Parisiensis passim occurrunt, quorum catalogum sane prolixum Ipse index exhibet, ut & incredibilem quandam eruditionem, ac miram sane, & perspicuitatem, & elegantiam sermonis ejusdem Academiæ Historia prædicat, quum ipse annis 1741, 1742, 1743 nitidissimo stylo est persequutus.

Sed in hoc de Aurora Boreali opere præ ceteris omnibus ita totus elucet Mairanius, ut jure hic Noiter Phœbum ipsum affirmantem inducat, neminem hanc Cælestem Borealis Auroræ originem, magnificentius illustraturum fuisse, ac sublimius collocaturum. Profecto qui hæc omnium phænomenorum explicationes adeo patens, adeo cum Natura conformes consideret, & adjiciat consensum incredibilem eorum temporum, quibus in hac sententia frequentiores Boreales Auroræ videri debent, cum observationum historia, ac momenta rationum expendat, quibus ceteræ sententiæ satis manifesto impugnantur, & quibus quæcumque contra hanc obijci possunt, facillime dissolvuntur; næ ille in eandem sententiam facile pertrahetur, & Mairanii ingenium singulare mirabitur, ac invidebit fortunæ, quæ ipsi argumentum obtulerit, in quo tam feliciter operam collocaret. Multa adjici possent. Sed & hæc quæ diximus, abunde ad sententiam hanc illustrandam sufficiunt, & harum nos adnotationum nimis angusti limites liberius excurrere, & longius evagari, non sinunt.


## F I N I S.













005663350

